





~~Tuguey's~~ ~~Lane~~ ~~Sept 1st~~

Quod d. Monnomi statue Sabitua i pag. 33
Sausu est ex Philophato d. Cita Apolloni ut Aug
Manutius ostendit ad eundem.

20017


175

PETRI COSTALII
PEGMA,
Cum narrationibus philosophicis.



LVGDVNI,
Apud Matthiam Bonhomme.

1555
CVM PRIVILEGIO REGIS.





Extrait du priuilege.

PA R priuilege expres du Roy nostre Sire en date du septième de Mars l'an mil cinq cens cinquante trois, qui a esté publié & enregistré en la Cour de la Seneschaucée de Lyon, il a esté permis à Macé Bonhomme Libraire & Imprimeur de Lyon, d'imprimer, & faire imprimer de telz caracteres que bon luy semblera, mettre en vente, & debiter le present liure, intitulé, *P. Costalij Pegma, cum narrationibus philosophicis.* auquel liure ledit Bonhomme se seroit mis en frais & despesce pour faire tailler figures & histoires respondantes à la varieté des epigrammes y compris: & aussi l'auroit fait traduire es langues vulgaires. Parquoy sont faites defences à tous libraires & imprimeurs de ne faire pourtraire & tailler lesdictes histoires, ny imprimer ledict liure en forme & maniere, que ce soit, ou de ceux qui auroient esté contrefaictz ou imprimez ailleurs, n'en apporter ny exposer en vente es pais, & terres de ce Royaume, durant le temps & terme de six ans, commenceans du iour que l'impression du present liure sera paracheuée, avec grosses peines contre ceux qui contreuient d'iceul directement, ou indirectement au-dit

Priuilege. Par-lequel est permis d'inserer pour toutes defenses & significations le sommaire du-dit Priuilege, au commencement, ou sur la fin du present liure, ainsi que plus amplement est contenu au Priuilege susdit.

*Ledit liure a esté acheué d'imprimer
le dixième iour du mois de Ianuier,
l'an mil cinq cens cinquante cinq.*



PETRVS COSTALIVS

ANTONIO COSTALIO

FRATRI

S. D.

SOLENT nostri, qui sub aliorum nomine libros suos in manus hominum peruenire volunt, illis consecrare, dedicare, nūcupare. utar enim eorū verbis. quòd opinor existiment se aut κέρας ἀμαλθῆας dare, aut κνέρον aliquod fundere, aut forte vineam Aristobuli in templo Iouis consecrare. Ego verò quo te mi frater modo hac in re affari possim, nō planè scio. Quia enim mihi ex apertissimis benevolentiae tuae signis certò perspectum est, tibi in hoc genere officium placere meū, absurdum est me id mihi domestico testimonio sumere, ut ei qui nobis tantum gratiae & iudicij largiatur, aliquid videar donare velle. Est enim hominis impudentis & ingrati, id alteri beneficij loco ponere, in quo ab eo non vulgari stu-

dio & officio cumuletur. Quæ est igitur illa in
 dedicandis libris tam insolens prædicatio? nihilne
 dant, qui in eo officij genere alterius ora vul-
 tûmque contuètur? maxime sanè, apud eos qui se
 plurimum dignitatis & honoris ijs deferre putât,
 à quibus quasi patroni sunt electi. Malo verò ista
 Persium legere & ridere, quam ijs addici, qui in
 nomine suo tantum authoritatis & dignationis es-
 se putant. At tu mihi non es in hoc albo: cuius ami-
 citiam & coniunctionem omnibus clientelis ante-
 pono libenter. Quia igitur aut nihil est, aut opinor
 valde modicum, quod à nobis ad te proficiscitur,
 non utar eorum verbis, quibus penè maiestas po-
 puli Romani & splendor VRBIS AETERNAE
 continetur: quasi eos immortalitate donari putem
 ad quos scripta nostra miserimus. id enim neque in
 Cymbalo illo mundi, sic enim Tiberius Caesar A-
 pionem grammaticum vocabat, veterum modera-
 tio ferre potuit: sed feres æquo animo voluntatem
 meam ad præsidium necessitudinis nostræ appli-
 cari, ut ea studia quæ nobis pueris fuerunt periu-
 cunda, etiam grandioribus ad animi ægritudines
 salutaria esse possint. Vale. Lugduni Nonis
 Ianuarijs, 1555.

PEGMA,
CVM NARRATIONIBVS
PHILOSOPHICIS.

In simulachrum Iustitiæ.

Ex Chrysippo.



*Qua Dea, qua bino geminos fouet ubere sœtus,
Et pia sollicita munera matris obit?
Iustitia est penso chara se: sancta parentis:
Dextra fouet bellum mœma, sinistra togã.*

QUAE duæ res in liberis populis, iisque ciui-
 tatibus, quæ aliquando rerum potitæ sunt,
 plurimum semper valuerunt, eas certè dignitate
 sua iustitia vna est complexa: bellissimæque illas
 vno genere Chrysippus colligauit, quarum con-
 sensus prope est sempiternus. Vt enim parua sunt
 » arma foris, nisi sit consilium domi: ita neque pro-
 » bè Respublica in officio esse potest, nisi militari
 disciplina sese ipsa tueatur: quarum rerum splen-
 dor præstantissimus umbraculis iustitiæ contine-
 tur. Iam verò & Iustinianus sacratissimus Impera-
 tor non aliis præfidiis maiestatem populi Roma-
 ni retineri posse iudicauit, quàm rerum vrbana-
 rum & bellicarum disciplina: quarum vnā si à
 gubernaculis ciuitatum semoueas, diutius impe-
 rium stare non possit. Itaque Romani cū armis
 Romuli, firmissimis initiis florentem Remp. acce-
 pissent, Numam ex Sabinis euocarunt: vt eo res ge-
 rente ad militarem gloriam laudes togatæ accede-
 rent. Nam & eam Remp. quam primū auspiciis,
 deinde verò bellica vi Rōmulus statuisset, non exi-
 stimarunt ij, quos maiorum gentium patres ap-
 pellarat, diutius teneri posse, nisi & legibus & vr-
 banarum rerum administratione firmaretur. Ex
 quo & à multis Lycurgus summus apud Spartā le-
 gislator, in inuidiam vocatur, quòd in legibus iu-
 bendis magis belli quàm pacis rationem habuisset.
 Ac profecto veteribus illis quærēdū visum est
 vtra harū rerū alteri præstātia antecederet. In quo
 diffi-

fficilis forsan fuerit rerum tantarū comparatio.
 am cū ea quæ & foris & domi fiunt, consilio
 quabiliter gerantur, bonum certè senatorem &
 iuem imperatori non concedere aptè quis exi-
 imauerit. Si verò ad eum splendorem cogitatio-
 e deducitur, qui in rerum gestarum magnitudine
 nest maximus, mea quidem sententia difficilè fa-
 ctu fuerit, imperatorem togatis hominibus non
 antepondere. Quis enim non videt ex rerum belli-
 carum peritia, maiora quàm ex domestica tempe-
 ratione adiumenta ciuitatibus omnibus esse in-
 uecta? neque enim tantum priuata Demosthenis
 eloquentia attulit, vt Philippum statum Atheniē-
 sium non mediocriter labefactantē, potuēt coër-
 cere: quod tamen memoria patrum in potentio-
 ribus inimicis Miltiadis & Themistoclis virtus
 perfecerat. Neq; etiā tantum in Rep. Romana Se-
 natus consilia valuerunt, vt Cæsarem regium prin-
 cipatum affectantem aris & focis prohiberent.
 Vtcunque verò se res habeat, facilis æstimantibus
 coniectura est, vtranque disciplinam in rebus ge-
 rendis plurimum semper ponderis habuisse. Nam
 & Pyrrhus, qui multos annos de imperio cum
 Romanis dimicauit, tantum consilio & eloquēti-
 Cyneæ legati sui tribuit, vt diceret plura eloquen-
 tia illius quàm armis suis, se oppida domuisse.
 quod genus vrbane virtuti ascribitur. Ornamen-
 ta verò vtriusque rei in tutela Iustitiæ iacent. Quē
 enim cum laude populo præfuisse dicas, nisi ali-
 quos qui in vrbe, & castris ius dicant, constituat.
 Et Scipio quidem Africanus cū summo reipu.

tempore Imperator cum exercitu à Senatu esset
 appellatus, non prius de hoste armis prouocando
 consilium cepit, quàm in eos iure & legibus cōsti-
 tuisset, qui aliquid tetri admisissent, & meretricū
 greges reliquaque omnia, quæ ad animos homi-
 num effœminandos valent, longè à castris aman-
 dasset. Et quanquam vetus fuerit multorum sen-
 » tentia, Inter arma, leges & iustitiæ vniuersæ semi-
 » naria conquiescere, atque vbi intonuit clasicum,
 » præstantissima illa pacis & togæ studia de mani-
 » bus excuti: illud tamen est reliquum militiæ vin-
 cula in iustitia sita esse. Quid enim si stationem mi-
 les deferat, aut contra edictum Imperatoris manus
 cum hoste cōserat, neque ex lege militari ad
 pœnam expeti possit, quicquàm ne ti-
 bi ab eiusmodi exercitu fortiter
 aut præclarè geri posse vi-
 deatur? Iustitia igitur
 vtrunque tēpus &
 belli, & pacis
 modera-
 tur.





*Aliud in Iustitiam, ex Nigidio.
In sordidè iudicantes.*



*Vab qui inculcatis auds sperare querelis
Iustitiam ætherei relinquere regna poli.
Illi signifero sedes ascribitur orbi,
Et clari ante oculos Arctophylacis abit:
Quâ locus ad libram & radiantis membra
leonis*

*Finditur, & duplici diuidit astra sinu.
Huius nostrorum sordes & stupra deorum
Mouerunt iustâ debita scepra manu.*



NARRATIO PHILOSOPHICA.

NIGIDIUS figulus & doctrinæ studiis, & ad-
ministranda Rep. facile princeps, Iustitiam
in Zodiaco inter libram & leonē sedere existima-
uit. Quod etsi minus forsan à magistris suis, aut
etiam astrologorum sermonibus didicisset, hoc ta-
men illi in mentem venisse in suspicionem venio,
quòd agentes in rebus, iiq; qui iurisdictioni præ-
sunt, vel omnium maximè ad quodlibet iniustitiæ
genus constiterunt. Quod temporibus illis acci-
disse minimè forsan sit mirandum, quibus nòdum
veritatis Euangelicæ dies illuxerat. Nunc verò
ætate nostra cui tantum beneficium fata non in-
uiderūt, luctuosum sanè est sordibus eorum, quos
Moses in Pentateucho suo deos appellat, tantum
Iustitiæ patrimonium direptum esse. Quòd si eam
iustitiam maiores nostri appellauerunt, quæ ius
suum cuique, hoc est iudicanti tribuat, aptè pro-
fectò nostros homines acerrimos iustitiæ propu-
gnatores voces. Quid enim & opis & instrumen-
ti ad hominum negotia adferunt, qui priuatis cò-
modis solùm incitati in præclarissimis illis mune-
ribus ita versantur, vt magis suum quàm litigan-
tium negotium agere dicas? Ac si volumus tem-
porum nostrorum historiam, & ea quæ testata an-
tiquitate patres nobis prodiderunt, dispicere, quē
quæso à tot sæculis inter nostros homines repe-
rias, qui nulla mercede in illis ordinibus sederit?
quis propria quadam animi incitatione vnquam
iudicauit? quis eorum precario ius dixit? Quæ
laus etsi iis qui se ad Dei præscriptū nutumque cò-
uert

erunt, minimè sit necessaria, dolendum est tam inter Christianos homines, quorum propriū omni officiorum genere præstare, qui hac vir-
e excelluerit, repertum esse neminem. Quòd si quis tam religiosus morum magister esse velit, hanc animi elationem, cæterasque alias virtu-
s, quæ proximè ad perfecti speciem accedunt, vulgo desyderet, nimix seueritatis teneri meri-
sit iudicandus. Qui autem in ciuitate principa-
m gerunt, & iis artibus quæ libero homine di-
næ sunt, ornati omnibus, soli de dignitate & ho-
esto, soli de expetendis & fugiendis verba fa-
iunt, magnopere certè sint reprehendendi, nisi ex
lacionis sententia, obliti commodorum suorum
d Rempubicam accesserint. Ac si per illos licet
ostra cum externis conferre, videmus eos quos
us veteris hospitij societate nobis deuinxit, sub-
atis formulis de causis priuatis & publicis sine
mercede iudicare. Quid enim ad iudiciorum di-
gnitatem splendidius, quid ad litigantium leua-
tionem aptius esse possit, quàm ea liberaliter con-
ferre, à quibus sordes & præmia non solum sacra,
sed & profana monimenta sustulerunt? Nostri au-
tem maximis nominibus sibi eos, quorum res agi-
tur, deuinctissimos esse arbitrantur, si magna pe-
cunia sententiam dixerint? Nam præter id quòd
pecuniam ingentem & sæpissimè extra ordinem
sportularum nomine imperant, plurimum tamen
sibi gratiæ deberi opinantur, si quæstionem totā,
sicut eorū fides & officij ratio postulabat, ad exi-
tum perduxerint. At enim quis apud eum iustitiæ,
quis

quis æquabilitati locus esse potest, qui in obeun-
 dis magistratibus sequitur pecuniam ducem: cui
 tamen cum iustitia æterna est dissociatio? Neque
 verò tantum apud omnes bonos inueterata cō-
 suetudo momenti habet, vt ea homines nostros in-
 uidia tantæ cupiditatis & auaritiæ leuare possit:
 quæ si vnquam ad sceleris excusationem valuit,
 hoc opinor minimè hac in causa cōcedēdū erit: in
 qua qui versantur, ab omni pecuniæ appetitione
 alieni esse debent. Sed quia admiratione diui-
 tiarum illud immortalitate dignum
 iustitiæ decus apud homines in
 summa neglectione iacet, non
 est mirandum, si Astræa il-
 la Dea hominibus re-
 liētis ad supe-
 ros conuo-
 larit.



Senatus Heliogabali.

In iudices γυναικονομους μόνους, & vxorio imperio viuentes.



Qui decreta vides muliebrilis edita in sis,
Totaque sœmineos per fora stare greges,
Hæc Plœnix quondam posuit monumenta sacerdos,
Inter conscriptos addita scorta patres.

*Qui regis imperio populos sanctūque senatum,
 Et tibi sunt danda credita iura saba:
 Quique tenes Lato prætoria ciuica Clauo,
 Et quas te populus conspicit in tripode,
 I legibus vxoris viuus, thalamoque iugali
 Non licet ex voto dicere iura tibi.
 Dignus qui molli sedeas sub Amazone Præses,
 Dēsque Suburrani menstrua iura focis.*

NARRATIO PHILOSOPHICA.

AMAZONAS mulieres extremo oriente sitas, animi magnitudo & imperandi gloria toto orbe celebrauit. Nam & priuatim & publice tanta cum laude imperarunt, vt finitimos populos bello domuerint, & muliebribus decretis viuere coegerint: cumque rebus fortiter gestis sibi otium peperissent, tantum animi elatione processerunt, vt præstantissimis Alexandri Magni spoliis & triumphis minimè terrerentur. Cuius reipublicæ maiestatem & imaginem cum non longinquitas temporis tantum, sed populorum omnium consensus summo studio à se repulisset, inuentus est Heliogabalus imperator, qui largitione Symiamiræ matris ad imperium productus memor tanti officij, illi in senatum ingrediendi, & in Consulum subselliis sedendi potestatem fecit: & vt ea senatusconsultis & authoritatibus perscribendis testis adhiberetur, effecit. Hæc habuit verò (vt inquit Ælius Lampridius) in colle

Quirinali senatulum, idest, mulierum Senatum, „
 a quo antea fuerat conuentus matronalis: vbi ri- „
 cula quædam Senatusconsulta facta sunt de le- „
 gibus matronalibus, quo quæque vestitu incede- „
 rent quæ ad cuius osculum venirent, quæ pilento, „
 iæ equo saginario, quæ carpento mulari, quæ bo „
 n, quæ sella vterentur. Quod exemplum cum da „
 nato authore suo, cōtra maiestatem populi Ro- „
 mani esse videretur, factū est S. C. quo in posterū „
 mulieres ab ingressu curiæ remotæ sunt: hoc addi- „
 , vt eius caput inferis sacrum esset, qui hoc in rē „
 blicam inducere conaretur. Cuius decreti au- „
 thoritas etsi in posteris ipsis longa annorum serie „
 deatur constituisse, in nonnullis tamen locis tam „
 œminati imperij quædam seminaria, & ea cer- „
 non obscura restiterunt. Nā vt Aristoteles gra- „
 s author in Politicis definit, tum demum reipu „
 cæ gubernacula penes mulieres videntur esse, „
 n ij qui legibus vetandis & iubendis præsumt, „
 oris principatu & dominatione tenentur. Quod „
 i minimè ad eorū amplitudinem qui in tali de- „
 nt imperio, aut ad totius reipublicæ dignitatē „
 consentaneum, muliebribus illis auspiciis ma- „
 tratus geri, mirandum est tamen nullum ex tā „
 pura seruitute sese in libertatem dignitatis vin- „
 are velle. At enim Romani fœminas quas à pu- „
 cis negotiis lege lata excluderant, in perpetua „
 cla (vt Cicero author est) propter consilij infir- „
 ratem esse voluerunt: vt eas non solū a rebus „
 plicè gerendis, sed à priuatis rei domesticæ ad- „
 ministrationibus & contractibus summouerent.

» Neq; enim par est vt quam summus Deus hominū
 » studiis obsequentiſſimā eſſe iuſſit, ea in homines
 » principatū gerat. Quo in genere moleſtè fero ab
 » exteris noſtros inuadi ſolere, vt ij omniū conſenſu
 nationū *γυναικοκρατούμενοι* vocentur. Hoc enim &
 maiestatem imperij notabili iactura minuit, &
 mea ſententia muliebrem dominatum in rempu-
 blicam inducit. Nam quid magnificum, quid cen-
 tumviralibus publicisq; iudiciis dignum iudi-
 ces exequentur, qui domi imperare non poſſunt?
 Deridenda ſanè arrogantia, in Liburnicis & duo-
 rum ſcalmorum nauigiis regendis ſe parum ſcien-
 tem confiteri, quinqueremes autem gubernare di-
 diciffe. Nam qui in familia lege agere non poteſt,
 qua tandem ratione de maximis controuerſiis in
 Senatu iudicabit? & quomodo iudiciorum maie-
 ſtatem togatus tuebitur, qui in vxoris imperio &
 opinatione confidit? Si quid tibi cum eiufmodi
 hominibus rei eſt, facile eos ad æquitatem adduxe-
 ris: boni enim ſunt: ſed cum nocte interpoſita ad
 vxorem retulerint, offendes omnia muliebribus
 conſiliis perturbata. Quod ne cui obſcurum eſſe
 poſſet, eorum beneficio curaque perfectum eſt, vt
 id & præſcripta conſuetudine & quaſi ciuitatis le-
 ge conſignaretur. Quam enim expectationem cō-
 ſeruandæ dignitatis & memoriæ ſuæ reliqui po-
 puli in filiis collocârunt, id noſtris hominibus in
 filiabus poſitum eſt: apud quos egregium & im-
 mortalitate dignū pietatis *κατ' ὄρθομα* iudicatur ſi
 aut exheredibus factis, aut modico honoris cauſa
 ſub

subleuatis filiis suis, reliquæ opes omnes in filias
generosq; immensa & inofficiosa donatione pro-
fundantur. Credo quòd id vxoribus placere certò
sciant, ad quarum ductum & voluntatem omni-
no cogitationes suas applicauerunt. Eam quanti-
tatem filiabus doti scribere, habent virtutis & of-
ficij loco, qua persoluta filiis ad se tuendum ni-
hil supperest adiumenti. Qui si præclarissimis li-
terarum studiis & rerum maximarum cognitio-
ne mirabiliter incensi, sui rationem haberi vclint,
vix temere proficiunt quicquam: & id opi-
nor rectè, apud eos, qui magis filia-
rum pompa & luxu, quàm filio-
rum eruditione & do-
ctrina delectan-
tur.

A ij



Ad Cupressum.

In aulicos & admisionales.



*Ute proci: l'fctiles aliorum in pradia blata:
Noster adulantes nescit amar. decor.*

A L I V D.

*Aspice non domita fastigia summa cupressi,
Membráque diffusis luxuriata comis.
Multus odoratis folijs innatus amaror
Fata dedit vitæ tam diuturna sua:
Nec furtiva timet malè pasta prælia blatta,
Atque venenatis dentibus esse cibum.
Heu quibus auspicijs crescentis gloria regni
Hostili quaereret barbaræ signa manu,
Si sibi qui cernunt, in publica commoda talpa,
Patritia facerent atria missa domus.*

A. iij

NARRATIO PHILOSOPHICA.


INTER illa quæ relatu nō indigna de Cupresso Dioscorides memoriæ prodidit, nihil opinor magnificentius dici potest, quàm quòd ea non tantum se à blattis & tineis ægrimonia tuetur sua: verumetiam si dissecta quibuscūque rebus admisceatur, eiusmodi animantium iniuriam longissimè arcet & propulsat. Quæ eadem ad eos qui præstantes opibus & imperij gloria, terrarum orbem suo nutu continent, accommodari potest oratio. Ut enim amaritudo illa ad Cupressi perpetuitatē & magnitudinem summè suffragari putata est: ita profectò seueritas maiestatis plurimum ad principum regūmque gloriam sit adiunctura. Nam ut omittam multas Respublicas, quòd in illis adulatoribus essent omnia, miserè concidisse, sit forsitan à regnorum gubernaculis alienum & turpe, eos qui commodis suis & rerum domesticarum incrementis, administrationes publicas sibi omnino attingendas esse existimant, solos in beneuolentiæ principalis clientela iacere, eoque genere illationes publicas & commissæ fisci ad priuatam utilitatem traducere. Quid enim in gerendis publicis rebus aliud agunt, quam in partem animos defixos habent, quò sensus, quò acies oculorum spectat? an ut spoliis & victoriis, ex quibus veteres Romanotū duces nihil præter laudem domū retulerunt, quietem otiumq; ciuib; suis pariāt? an ut eas dignitates, quas illi à principibus dono impetratas populo proscribunt, ad iustitiæ administrationem & subditorum leuationem conferant? an
 vt im

vt immortalitati litium & publicis malis medeantur? an vt oblitī commodorū suorum totum corpus reip. curent, resque gerant arduas plenāsque periculorum cū salutis & vitæ, tū rei familiaris & fortunarum suarum? Horum actionibus si fortuna principes aduersantes, in eamque rem tam paratos fecisset, vt eiusmodi homines à gubernaculis excluderēt: quid tā gloriosum, tamq; elatū dici potest, quid cū splendore & gloria rerū gestarū tā coniunctū, quod nō Christianissimis Principibus communicari queat? Sed tamen excelsi animi est, à quibus nihil opis & adiumenti senseris, & quibus nihil debeas, iisdē & conferre quā plurima, & onnia velle debere. In quo grauissimē sint reprehendendi illi, qui tāta animi elatione, & in beneficiis collocādis liberalitate plane incredibili abutūtu ad vtilitatem suā. Romani dominatione Reip. & lomi & foris præclari, eos repetūdārū reos detulerūt, qui de prouinciis suis, etiā rebus prospere getis decedentes, rem vel minimā vsibus suis addixissent. Neq; enim vnquā existimauerūt virtutem illam cōseruatā aut auctā Reip. quasi suapte mercede & gloria nō contentā, ad rerū externarū subsidia deducendam esse: quæ si ab hominibus bene àiatura informatis accuratè perspicitur, satis sua plchritudine omnium animos obtentare possit. Aiud etiam legis capitulum apud eos relatū erat, nqui prouincias regerent, aliquove in officio esset, quicquam cū priuatis contraherent: néve vel fmore, vel stipulatione, aut empti nomine acceptationibus suis referrent. Pessime enim se res

habet, cum ij quos principalis clementia consilio-
rum in Repu. socios esse voluit, de publicis com-
modis ad domesticas vtilitates abducuntur, eaq;
tantū gerunt, quæ in rem suā magnopere fu-
tura sint. Sed tamen avaritiæ geramus
morē, quæ nescio quo communi
fato, nō solūm res vrbanas,
sed bellicas quoque
ambitu suo iam
pene comple-
xa est.




*Ad sacrificia Phaselitum.
In eos qui sibi diuites sunt.*



*Aspice ut insipidas, tenuissimamunera, squillas
Dedicat æthereo Phaselis ora Ioui.
Nec studet occisa diuos placare bidente,
Illa quidem sit pars Herculeana licet.
Parcè, stipeim misero si quando exporrigis Iro,
O quoties loculum est nixa redire suum.
Ancupis infelix aliena parcere gaza,
Tales munificos Atropos vna facit.*

A V



NARRATIO PHILOSOPHICA.

PESSIMA certè illa rerū externarū appetitū
 ne iā olim cōtracta macula, tã in populo Chri-
 stiano inueterauit & desedit, vt nō tātū ea nō
 nō esse retinēda arbitremur, quæ hominū decora
 cōtinētur, sed præclarū diuinæ legis præsidium
 dubitāter deseramus. Et quẽadmodum Phasael
 dū pecuniā facere vellent, tã parcè primitias
 cōsecrarunt, vt tātū ea offerrent quæ nullo sibi
 essent futura: sic innumerabiles reperias, qui
 quam persuasum habeāt nulla re magis quàm
 neficiis collocatis pios & Christianos cerni po-
 ipsa tamē virtutis specie adduci nūquā potuerunt
 vt ea libēter cōferrent, quæ Christus sibi & ego
 dedicauit. Quod si (vt veteres voluerunt) nihil
 „ illi principi Deo quod in terris sit acceptius qu-
 „ cœtus hominū iure sociati: quāta mediūsfidius
 „ ligentia eas virtutes tuebimur, quæ ad com-
 nitatem & congressum hominum plurimū vale-
 lā qui ex chirographo cōueniūtur, ad nominis
 solutionem pignoribus captis vel etiā carcere
 gi solent. Quidā etiam tam à natura: sunt instru-
 vt nō existimēt se diutius posse debere. Quorū
 cōsiliū vehementer probo: sed tamen vellē vt in
 Domini eadē diligētia vterētur, neq; illi tātō
 pore reliqua traherent. Appellātur certè ex Chri-
 stianæ legis syngrapha debitores, grauissimis re-
 bus de expilata hēreditate Domini citātur rei, &
 lis obsignatis res agitur: neq; tamen parē Chri-
 hoc est, pauperibus volūt rationē ascribere. Ita
 uunt, vt potius in auaritiæ patronatu (dea eni-

lis quædam opinor est) quam in virtutis gentilitate esse velint. Ac mihi quidem in istos homines cogitanti quærendum vilum est, cur cum reliquo virtutum genere excellentes habeantur, & ea gerant ipsi quæ sine cuiusquam contumelia rationibus honesti sunt coniuncta; hæc solum partem inhabitatam reliquerint. An quod gloriosum Christianis esse putant, multis rebus & pecuniis abundare, quas ne in propinquis quidē suis sapiens laudauit unquam? an quod id expetendum esse putant, quod apud imperitam multitudinem plurimum dignationis habet? an quod pulchrum viro bono esse opinantur, si Christum & Apostolos, quos bene agendo & recte factis consequi aut nolunt aut nequeunt, hac vna diuitiarum nota antecedant? an quod totam animi elationem, quæ in præstantibus viris esse debet, pecuniæ pondere metiuntur, & in eo magnum putant excellere, in quo ut quisque optimus est, ita facile se ab improbissimis patitur superari? Sed non video plane quodnam eorum causæ patrocinium adferatur. Nam præter id quod virtutes omnes æterno quodam consensu inter sese (ut Stoici volunt) coniunctissimas, officiis separant, offendunt mea quidem sententia grauissimè, quod ea præcepta in quibus omnia sunt præstantibus & magnis viris, ab actionibus suis excludunt, atque ea ipsi sola consecrantur, quæ naturæ hominum atque adeo sensibus maximè sunt consentanea: in quibus fruendis neque virtus vlla, neque animi magnitudo potest existere.

In

*Ad statuam Iouis & Themidos.
Iusta à Deo roganda.*



*En ut Dictæo posita est vicina tonan i.
Explorans hominum vota, precēsq, Themis.
Tu bona p'sce Deum, meret impia vota ligone
Dîa Themis. Sanctum est iusta rogare Iouē.*


NARRATIO PHILOSOPHICA.

BELLISIME Themis in pōderādis hominū
 votis principatū habēs, secūdū Iouē sedere cre-
 ta est: quæ perpetua quadā æquitate, importuni-
 tē eorū qui immanissīma quæq; à Deo petūt, re-
 daret. Quæ hominū lues eo nomini populoque
 christiano videatur offensior, quòd illis persuasum
 est, Deū immortalē ad hominū cupiditates &
 scelera propendere. Quid enim aut magnificum,
 at liberale de Deo iudicare possunt, qui præstan-
 tissimū illud numē in criminis nefarij societatem
 vidēt appellare, vt eo velut adnitēte, diuturni de-
 lerij sui expectationem, & sceleratæ cupiditatis
 im explere possint? Nā qui à necessariis suis nō-
 illa contra leges petunt, ita sunt animo affecti, vt
 os quos petitione sua volūt impellere, in eodem
 no illi sunt, errore versari putēt. quibus si omni-
 o perspectū esset, tales virtuti soli omnia summa
 buere, nō temere in facilis repulsæ periculū sese
 si cōiicerēt. Quod idē quoq; de iis qui turpissi-
 a quæq; à Deo rogāt, dici potest. Quam enim illi
 excellēti illa mēte persuasionē induerūt, qui eā
 solū testē, sed flagitiosē sodalitatis participē ci-
 t. Quòd si Iesus Christus in sequacibus suis rerū
 bsidia ne probauit quidē, qua frōte patrimoniu
 erius ab illo cōtēdemus? Iā qui apud nos omni-
 obitate excellētes perhibētur, ré gratā Deo se fa-
 re putāt, si vocis & laterū cōtētione cū domino
 erint, vt filios suos diuitiarū & honorū accessio-
 aliquando ornatos videāt. Quòd quàm parum
 Euāgelicum, satīs sacra loquuntur monumēta:
 Qui

„ Qui enim (inquit Christus) in vobis dignitate
 „ stat, fiat sicut iunior. Quòd nò eo pertinet, vt
 bitionis labore districtos de cursu dignitatũ reu-
 cẽ. aliquos enim esse oportet qui præsint, & quibus
 pareatur. Sed vt omnibus notũ esse possit,
 quam popularia illa & imperitæ multitudinis
 dia, magnorũ virorũ animis insedisse. Cretio ha-
 ditatis ab aliquo pro parte facta est, simulatq; fi-
 liæ erciscũdæ iudicio arbiter est acceptus, nulli
 apud Dominũ intermittit rogãdi tẽpus, sacrifici-
 interpellat, noctes & dies suffitus agit, vt ea po-
 quæ sibi probatur magis in partẽ cedat. Hæc qu-
 uis ab hominibus cætero-qui bonis facta essent
 moria repeto, non adducor tamẽ vt ea ad prou-
 tiã Dei pertinere credã. In primis enim Christi-
 hominibus probatum esse debet, vt pecuniã
 nihilo ducant: quam qui tanquam bonum &
 petendum quærunt, ne illi quidem Philosophi
 beneuolis & placatis vti possint. Quis ergo De-
 tam parum diuinum & æternum statuit, vt
 preces illi curæ esse putet, quibus cũ velut for-
 dati impellimus, vt eius auspiciis filiæ nostræ
 mariis viris nuptum dentur? Quis sempiternæ
 menti tam parum tribuit, vt ad ea vota prop-
 sam esse putet, quibus deprecamur impẽsius vt
 tissimæ mulieres in manũ filiorũ nostrorũ con-
 niãt? Sed hæc forsità mulieribus in ore sunt. in-
 bus etsi incredibilis virtutis & pietatis signifi-
 tio plerunque eluceat, nescio tamen quo pacto
 ea sententia tam sint alienæ, in qua Euangelij sp-
 dor inest totus.

In tumultum Chironis.

Optimum ad felicitatem quàm ocissi-
me aboleri.



*Siste tuos Chirō peregrino in crimine plāctus,
Nec refuge aeterni viuere lege Dei:
Et sceleratorum temeraria facta nepotum
Desine in arumnis connumerare tuis.*

A L I V D.

Cur fugis ô Chiron donum immortiale deorum?
 Nec placet hac animis Athanastia tuis?
 An quod Achinorum noras peccata negotum,
 Et chari immemorem pignoris Italiam?
 Atque impendentes patriis ceruicibus enses,
 Et Tyberinorum fœdera rupta ducum?
 Anne & fœdatos natorum sanguine manes,
 Et data cognatâ dira venena manu?
 An quod & occidui testata piacula cleri,
 Et positos noras munere pontifices?
 Abreptum & miseri scelus exitiale Giesi,
 Et sacra Amorreis contemerata nois?
 Et scelera antiquo iam commutata decori,
 Et patriis iussas moribus exequias?
 An salsa peritura mola conuiuia noras,
 Ventura & Libycis pemmata deliciis?
 Aut lapathū, & tenuis vulgata obsonia squilla
 Tam subito in primas corruitur a dapes?
 Ergo age, disce horum fœdos contemnere mores,
 Et postliminio cœlica dona cape.

N A R

POSIT aliquis in attentissima rerum humanarum cogitatione positus iuste demirari, Chironem immortalitatis beneficio à diis auctum vitam hanc breui subterfugere voluisse. An quòd simul atque in vitam tanquam in viam ingressi sumus, tot periculis & ærumnis distinemur, ut quasi nostri nosmet pœniteat? An quòd in eos qui istum vitæ cursum tenent, tot sæpe iucurrunt animorum & corporum ægritudines, ut meritò vitæ calamitosæ vna mors Chironi fuerit præferenda? An quòd maiorum suorum flagitia accuratè perspicieus, viuendi satietate mirabiliter teneretur? An quòd suorum temporum æquales omnibus flagitiis contemeros cerneret, neque eorum vsum & consuetudinem æquo animo ferre posset, quorum improbitas bonorum omnium ceruicibus ad perniciem videbatur impendere? An quòd populum suum propè desipientem offendisset, ut cuius mores perditos & infames iudicaret, illius uti congressu nefas esse arbitraretur? An quòd posteritatem intuens, & in eam diuinationis animo defixus, veneficia, adulteria, clades, latrocinia, homicidia, falsum, testamentorum subiectiones longè antè præiuderet: & ea tempora putaret impendere, quibus vtilitati dignitas, sceleri virtus, iniustitiæ æquitas esset concessura? An ut eorum mores & vitæ indignitatem defugeret, qui religionem stupro, forum cupiditate, hominumque inter ipsos communitatem dolo & fraudibus inquin-

rent? An quòd futurum aliquando præsentiret, vt quæ gens præstantissima iustitiæ & paupertatis seminaria primùm habuisset, eadem ipsa labentibus sæculis, ambitione, diuitiarum copia, luxu & externis rebus fœdaretur: & ea sibi ascisceret, quæ Christus præclarissimæ rogationis author longè à se & à suis depulisset? An quòd ii qui rempublicam gerunt, negligentiam, auaritiam, corruptellam, sordes, gratiam, ambitionem ad iudicia forumque attulerunt: & qui locus beneuolentia & odio vacare debuisset, is talium animi ægrotationum maximè plenissimus apparuit? An quòd ii qui se Christianos & esse & nominari volunt, pietatem erga homines (qua ferme vna fidei Christianæ splendor, & tuendæ nos inter nos societatis iura continentur) versura, fœnoribus, vsurarum voragine, dolo malo, frustratione, denique illa virtutum omnium perturbatrice auaritia conuellunt: vt nullus per diu inter nos sapere iudicetur, qui non se totum lucro, & domesticis patrimonij sui commodis dediderit. Itaque scitè & ad mores nostros appositè Hesiodus ait,

Νῦν, δ' ἐγὼ μὲν' αὖτις ἐν ἀνθρώποις δίκαιος

Ἐἴλω, μὲν' ἐμὸς ἤϊς ἐπὶ κακῶν ἀνδρῶν δίκαιος

Ἐμμεναι, εἰ μείζω γε δίκλιν ἀδίκωτερος ἔσται.

Nam si qui virtuti omnia summa tribuuut, insani, si qui ab honorum appetitione absunt, stolidi, si qui res humanas & fortuitas pro nihilo ducunt, excordes, si qui honestate non commodis tranquillitatem statuunt, stulti & amentes iudicantur: quæ tanta homini sapienti suscipienda erit contentio

tentio, vt in luce omnium religionem, pietatem & iusticiam colat? si denique cū ambitiosis & auaris agitur præclarius, quid tātū bono viro enitendū erit, vt pro salute omnium fortissima gerat & præstātissima? Sed tamen quia plus apud homines probos ipsa honesti forma, quā vtilitatis, gratiæ, & existimationis ratio valere debet: non erit cōmittendum, vt inter aduersaria imperitę multitudinis studia, aliqua vitæ nostrę pars officio vacasse videatur. Quid enim quæso in vniuersa natura melius virtute, quid præstantius? quid etiam reclamante populo hominum dignitati accommodatius? quæ si despicitur, facilè tamen excellentia sua & temporum iniuriam, & hominum perfidiam superatura sit. nec enim virtus ex hominum opinionatione est, neque qui in eam omni studio incumbunt, in officiis expendendis assensionem à populo metiuntur. Quanquam autem miserrimum est videre quæ nolimus, oculique maximè dolorem augeant, quòd à miseriis cogitationem non sinant auertere, non est tamen viro sapienti recusandum, quo minus inter rot clades & nefariorum hominū perditos conatus, vitam suam aliqua leuatione cōsoleatur. Si enim Deus optimus maximus, homines è cœlo satos huius orbis habitatores, & calamitatum, quæ quotidie scelere accidunt plurimorum, spectatores constituit, non debemus ita cedere animis, vt quasi deiecti desyderium viuendi penitus deponamus. est enim opinor & moderationis & sapientiæ, eos qui ne umbrā quidem τοῦ καλοῦ viderunt sine cōtumelia dimittere.



In Magistratus iuvenes.

Vix temere ante pilos venit sapientia.



*Desine stulte puer, dubiam tractare bipennem:
Anne audes molli stringere tela manu?
Quam male conscripti tractant arcana Senatus
Qui nondum primas deferuere nuces.*



NARRATIO PHILOSOPHICA.

CIVITAS Lacedæmoniorum quæ Reip. gubernaculis, dum Lycurgi leges valebant, reliquis populis præluxit, consilium suum Senes appellauit: vt omnibus iudicatū esset, nullū Rempu. attingere debere, nisi eius cupiditates omnes, motusque animi, longior ætatis flexus cōfecisset: Romulusque eos qui in rerum administratione essent Senatores & Patres nominauit, vt iuuenes publicis negotiis excluderet. Et Prophetarum præstantissimus Esaias, dum Iudæorum populo pro tantis flagitiis malè euenire auguraretur, hunc graues domino pœnas daturum existimauit, si illi aliquando euenturum prædiceret, vt iuuenem & effœminatorum imperio teneretur. Quæ enim pestis in Rep. capitalior vnquā fuit, quàm eos ipsos in magistratu esse, quos leges propter infirmitatem consilij in tutela esse voluerunt? Quæ tanta temporum est improbitas, vt ij publicis & priuatis administrationibus velut tripudio auspicetur, qui neque rem domesticam cum dignitate gerere, neque seipsos gubernare possunt? Denique quid & authoritatis & splendoris ad ipsa subsellia adferent, qui ne domi quidem satis apud suos partes tutari queunt? Tu igitur cui nec vsus magister fuit, nec doctrina forum, cum in rei stipulatiuncula & syngrapha decipiare, vllūne tibi in Senatu iudicandi locum relinquendum esse existimem? Quòd si Augustus Cæsar non omnibus de iure respondendi potestatem fecit, sed iis tantum quos doctrina prope singularis, & velut vniuerso

populo testata virtus apud omnes commendabat: quid in eis desyderes qui tantum sibi sumunt, vt de aliorum responsis soli iudicium ferat? quos forsitan omni studiorum laude cumulatō esse oporteat, quod ab eis maiorem appellare nō possimus. Iam verō qui alteri iudicium dictant, non prius cognitionem sibi impetrandam statuunt, quā peritissimos quosque de iustitia & æquitate causæ suæ in consilium adhibuerint, vt tandē illis ducibus, & quasi toto iure teste cum aduersario lege consistent. qui si forsitan causa cadant, patronos suos de imperitia in inuidiam & crimen vocant. Ac mea quidem sententia propius erat cum eis iniuriæ disceptare, quibus id oneris impositum est vt extremi omnium sententiā ferant. Quid enim in litibus adeundis confert præparatio illa diligens, quid altior prudentium deliberatio, si quibus iudicandi partes attributæ sunt id parum admodum sentiant, ex quo magnum causæ patrociniū accersitur? Qui autē quasi procincti in subselliis sententias rogantur, nisi maximis artis & naturæ præsidiis sint instructi, parum certe facultatis ad ea munera in quibus degūt, sunt allaturi. Quod si aliquis primis illis annis tantam doctrinæ suæ fructum habet, vt inter tantos magistratus adlegi velit, non video in quo hæc dignitas laudi illi esse possit. Nam & multas ciuitates florentissimis rebus suis concidisse accepimus, quarum summa ad iuuenes redierat. Et ex sacris quidem literis Robohamī regnum quod patria virtute & auitis armis præclarissimum acceperat, adolescentum con-

filia

filia conuellerunt. Ex quo præclarum est quod apud suos Lycurgum instituisse Plutarchus refert vt octo & viginti Seniores à latere Principū nunquam discederent, quorum consilio omnia & foris & domi gererentur. Quis enim consultò de re aliqua iudicauit vnquam, qui nondum rei periculum fecit? Iam in Næuii ludo cū aliquis interrogasset, Cedo, qui Remp. vestram amisistis tam cito? respondetur, vt inquit Cicero, Proueniebant oratores noui, stulti adolescentuli. Et apud Homerum Vlysses, non alia de causa se Achille consilio & prudentia superiorem facit, quàm quòd illo grádior natus esset. Etsi enim rationem eam, quæ cū adoleuit & perfecta est, sapientia vocatur, nullus forsā hominum est

consecutus: habet tamen affecta ætas

nescio quid cum illa coniunctum

& cognatum, quod dis-

ficile factu sit in

adolescenti-

bus repe-

rire.

B iiij



Ad statuam Dianæ.

In sordidos nostrorum mores.



*En ut te insimulant castæ monumenta Diana
 Aeternum hospitij non coluisse decus.
 Disce miser tennes meritis retinere propinquos,
 Nec iam te cæcus sænoris vrat amor.*

A L I V D.

Quam quondam magna statuam posuere Diana,
 Proponunt oculis Pegmata nostra tuis.
 Illa ingressuris subviristior esse videtur,
 Morosóque nimis torua supercilio.
 Vcrum eadem auersis hilari gratissima vultu,
 Non dubia oblata signa dat hospitij.
 Nostrorum hi mores, patriis sic vinitur oris,
 Hoc verum est nostra symbolum amicitiae.
 Hos, memor officij, si forte inuiseris, illic
 Te toruüm extemplò dira tuetur anus:
 Demittit vultum dominus, metuénsque repostis
 Vix bene se memorem prädicat esse tui:
 Et gemit ingratas nullo cum fœnore messes,
 Et sibi Eleusina numina sacra Dea.
 Sed cum ad vestibulum ventum est, & limine in ipso
 Incipit extremum iam tonuisse vale,
 Ad cœnam citus inuitat, frontemque serenat,
 Iactat & occisa sumina lata suis:
 Et Calabro indignos imitatur in hospite mores,
 Hácque tegi infames indicat arte dolos.

B

NARRATIO PHILOSOPHICA.

STATVAM Dianæ quondam in Lesbo consecratam, qui ad illam frequentes confluebant, diuturna quadam notatione nobilem reddiderunt, Nam in ea obseruatum esse literis proditum est, vt iis qui templum introirent, velut subtristior supercilium adducere videretur: contra verò ex-cuntibus incredibili planè vultus hilaritate appareret: quod an casu an verò artificis industria acciderit, nihil ad hoc tempus. Quantum autem ad presentem scriptionem attinet, scitè statua illa nostrorum mores videatur adumbrare. Nam si qua tibi vetus cum horum aliquo necessitudo intercedit, & si, dum id agis vt ius amicitiae sanctè & piè colas, ad eum domum veneris, tantam in vultu seueritatem præ se feret, vt senium esse tibi persuadeas. cum autem de discessu cogitas in foribus constiteris, & hominem iam valere iusseris: deposita feritate paulum condocesactus, te apud se iubebit cœnare: neque tamen prius tibi hoc iudicij & beneuolentiæ conferet, quàm certò perspexerit te, quo minus hoc benignitatis iudicium acceptes, verecundia impetrati discessus impediri. neque enim minore augendi patrimonij cupiditate incensi sunt, quàm amittendi metu. quo in genere si qua plaga accepta est, videas homines omni constantia deturbatos iacere. Quis igitur eos pro amicis complecti velit, qui res minimas sanctissimis amicitiae vinculis anteponunt? Quis pro agnatis colere, quibus modicæ rei iacturam nullis amicitie momentis sarciri posse iudica

dicatum est? Quam tamen tanti maiores nostri
estimauerunt, vt non tantum pro amicis opes &
pecuniam, sed vitam profunderè essent parati. Ho-
spitalitatem certè veteres philosophi mirabiliter
laudibus efferunt: quòd hac vna virtute conser-
uandè hominum societatis prope iura continetur.
hanc Romani tam sibi in republica retinendam
esse censuerunt, vt in extruendis magnificis ædibus
neque sumptibus, neque labori parcerent: quibus
aliquando hospitalitatis officia non exteris tan-
tum, sed etiam ciuib. suis præstarent. Quæ laus
Octauio homini nouo ad petitionem consulatus
creditur esse suffragata. Quid enim gratius facere
patriæ tuæ possis, quàm ea liberaliter omnibus
cõferre, quæ natura communia esse voluerat. Nam
neque aliqua res est, qua propius ad conuentum
animorum, qui his vinculis elapsi in cœlo beati-
æterno æuo fruuntur, possimus accedere, quàm in
beneficiis vltro citroque conferendis tam à natu-
ra incitatos videri, vt omnes homines non amici-
tia tantum, sed aut familiaritate, aut agnatione
nobis coniunctissimos esse arbitremur. Quæ vn-
quam maior perfecti fuit expressio, quàm vnuer-
sos homines tantum apud nos gratia & authori-
tate valere, vt nobiscum arcta necessitudine col-
ligatos iudicemus? quæ qui presterit non homi-
num concursationem & congressus, sed animo-
rum cœlestem illam coniunctionem assecutus esse
videatur. Iam iis qui olim semibarbaros homines,
& locorum interuallis vitæque genere disiunctis-
simos mœnibus & viuendi societate sepserrunt;

hoc

hoc à suis testimonium datum est, vt post mortem pro diis colerentur: à quorum gloria non procul abesse eos crediderim, quibus nihil magis in vita propositum est, quàm vt se beneficos & liberales velint: quique egregia quadã hospitalitate omnes ad ius hospitij & familię suę nituntur allicere. Sed tamen in hoc genere hæc temperatio erit adhibenda, vt quò aliquis magis opis indigebit, hòc ille largioribus obsequiis retineatur. Male enim se res habet si in meritis collocandis fortunam potius quàm mores sequamur. Quis enim non potius sua quàm alterius causa ad beneficentiam putetur accessisse, si locupletissimos quosque officiorum magnitudine sibi adiunxerit: eos verò qui opus habent, ne tentarit quidem? quæ & si ex Philosophorum ludo ad nos esse profecta meritò quis dixerit: ad ea tamen Christus suorum animos tam sæpe exuscitauit, vt Christianorum hominum propria existimari possint. Amicitias benefactis aucupari gloriosum est: sed tamen nobis cum ethnicis commune. Qui autem apud illos quos rei familiaris angustia premunt, lubens in creditum ierit, & eis potius pecunias intulerit, à quibus propter inopiam debitum non sit recepturus, laudetur certe hic Christianus, atque hoc nomine dignus existimari queat. Sed quia non vitio temporum solum, sed vsurpatione eorum qui sibi sapiunt effectum est, vt hospitalitas alicui pro nefario scelere ponatur, desino. sic verò res se habet, vt quibus est antiquius pauperibus & amicis benefacere, quàm in patrimonij amplificatione occupa-

cupa

cupari, hi lege Fannia, quæ de sumptibus quôdam
lata est, rei à nostris peragantur, omniûmque sen-
tentiis dilapidatores substantiæ suæ, filiisque non
satis consulentes nominentur: quibus etsi à pa-
tribus debeat prospectum & cautum esse, nō sunt
tamen legis præcepta deferenda, vt filiorum de-
syderio & cupiditati satisfiat. Neque verò A-
postolis ceterisque, quos militiæ nostræ principes
habuimus, dignitate præstamus: qui si vt
se ad Christi clientelam conferrent, o-
mnia sua abdicarunt, cur non le-
uissima rei domesticæ nostræ
iactura præstâtissimū fi-
dei Christianæ præ
sidiū retinēdū
esse statue-
mus.





In Catonem.

Omniū rerū satietas, præter-
quam disciplinæ.



*Dum tibi pes alter canis est in lentre Charōtis
Magne Cato, curæ est discere Græca tibi:
Quæris & ignota moriens tectoria lingua,
Nec cuicunque putas omnia nosse satis.
Quò disciplina quisque est instructior omni,
Tantò se studiis dedicat ille magis.*




NARRATIO PHILOSOPHICA.

DOCTRINA literarum & rerum magnarum cognitio tantos in animis bene informatis amores citat sui, vt sæpissimè pro maximis laboribus & vigiliis sua ipsius mercede sit contenta. Nam & Carolus is qui Magnus dictus est, vir certè abundans bellicis laudibus, iam grandis natu in Mathematicis studiis acquieuit: quorū tam fuisse studiosus perhibetur, vt nō minorem ex philosophicis, quàm ex rebus gestis laudem sit consecutus. totiusque Græciæ sapientissimum Socratem, quanquam (vt ex eius sermonibus colligi potest) omni scientiæ genere excelleret, tamen affecta iam ætate Cunnus citharistes fidibus canere docuit. Et Cato ille, cui omnium consensu tantum tributum est, vt optimus orator, summus senator, & præstantissimus censor haberetur, cū iam sexagesimum impleffet annum Græcas literas tam auidè arripuit, vt manum de tabula tolleret nunquam. Nam cum admodum iuuenis à parentibus ad rudem esset compulsus, neque ea quæ libero homine digna sunt militiæ negotiis implicatus ediscere potuisset, ne quidem in summo illo ætatis processu sibi quiescendum esse statuit, donec ab eis, quos antea Consul finibus Italiæ prohibuerat, literas Græcas expressisset. Et magnos etiam viros videre licet nunquam doctrinæ studia intermittere: quæ tamen illis non ad rei familiaris incrementa, sed ad priuatam animi leuationem valeant. Nam hoc ita natura adfert, vt opere soluti semper aliquid inquiramus & versemus. vt enim errare & labi

labi turpe iudicamus, ita nihil naturæ hominis ac commodatius esse potest, quàm res nouas semper ediscere. Nam (vt ait ille) equi ad cursum, ad volatum aues, ad sæuitiam feræ gignuntur, ita propria quædam est hominis incitatio, quæ studio disciplinæ impellitur. Quæ res opinor, Aristonem & Herillum non vulgares philosophos eò facile deduxit, vt in scientia finem boni concluderent: quorum opinio quanquam ab omnibus explosa est: non video tamen in quo eos homines, qui ad præclara doctrinæ solatia confugerunt, non illis anteponendos existimem, quibus cum lucro omnis cura & cogitatio defixa est. Nam qui tam parum liberaliter de virtute sentiunt, vt pecuniam & lucrum facere, honesto literarum otio antepo-
nant: quid aliud efficiunt, quàm vt corporatæ voluptates præclarissimis animi bonis præferantur? Obscurum sanè genus hominum ea sola laudantium, quorum cupiditate summo opere capiuntur. Iam qui tam aptus ex sese est, vt nihil aut expetat aut admiretur, nisi quod cum virtute & rerum maximarum notitia coniunctum est, is apud eos syderatus & insanus appellatur. neque ex eis quisquam erit, qui nõ potius de foro ad stipulatorem, quàm eiusmodi hominem etiamsi opibus antecellat, sibi generum esse velit.

In stat

*In statuum Memnonis in Aethiopia.
Contra aduocatos.*



*Memnonis effigiem iam non mirare viator,
Quæ tacet, & Pharij signa dat Harpocratis.
Sed cum sol radijs os pelluſtrauerit eius,
Incipiet fari quæ taciturna fuit.
O quàm difficilis promit reſponſa patro nus,
Ni manibus præſens cernat adeſſe lucrum.
Sed tunc ille reis oracula Delphica reddit,
Cum feriunt oculos aurea dona ſuos.*

NARRATIO PHILOSOPHICÆ.

MEMNON deus oraculis reddendis & magno populorum cōcursu tota Æthiopia nobilitatus, statum habuisse fertur, quæ ad consilium expetita non prius responsa dabat, quàm sol in eam radios conuertisset. simul atque verò aspectum solis persenserat, eos qui sciscitatum venērāt, certos compotēsque consilij dimittebat. Quo genere narrationis appositè eos qui in foro togati volitant, quiq̃ue in causis agendis precarium quæstum faciunt expresseris. Quos si animi dubius, de lite aliqua in deliberationem voces, nisi prius pecuniam numeres, citius profecto aquam ex pumice extorqueas, quàm ab illis rationem consilij tui. Quòd si (vt inquit Persius)

Dolosi spes refulserit nummi,

”

splendorq̃ue ille solis, qui in nonnullis numismatibus celatus apparet, aciem oculorum cōtigerit,

Coruos poëtas & poëtridas picas,

”

Cantare credas Pegaseium melos.

”

Quod auaritiæ genus, & si non tam iis qui causas agunt, quàm iudicibus sit vitio vertendum, non est tamen dignitati eorum qui leges tractant consentaneum, tanto acquirendæ pecuniæ desyderio teneri, vt nisi eius auspiciis nihil quicquam aut priuatim, aut publicè aggredi velint. Nam & Romaniveteres lege Cincia lata conductò causas agere vetuerunt: quòd hac cautione nō patronorum tantum, sed etiā totius ordinis amplitudo cōtineretur. Aliquot verò pòst sæculis, cū nec vetu-

stas

stas ipsa vulgi opinionibus oppressa satis maiestate suam tutaretur, leguleiorum cupiditati permissum est, vt præstantissimum postulandi munus autoritate legum abduceretur ad præmium: hac moderatione adhibita, vt in singulas causas non plus quàm centum aureos clientes appendèrent. In quo & si legum autoritas satis momenti ad excusationem habitura sit: verendum est tamen ne ex decretis illis plus sibi licere velint, quàm Christiani Euangelij decus pati possit. Nā si egentibus rerum adiumenta. edicto Euangelico iubemur impertiri, qua quæso incitatione in eos consiliis nostris adiuuandos esse debebimus? quæ res etsi bene & feliciter illis euenerit, nihil tamen nobis hoc nomine sit decessurum. Qui enim (vt ait Ennius) alteri de suo lumine lucernam accendit, facit vt nihilominus ipsi luceat cum alij accenderit. Ego verò etsi iis minime subiratus esse velim, videatur tamen plurimum offensionis habere, si tenuiores qui pecuniam quam non habent, præstare nequeunt, consiliis nostris arceantur. Iam verò maiores nostri domum Iurisconsulti oraculum totius ciuitatis appellauerunt, ad quam si non reges & principes, at certè tribules & ciues ad consilium accederent. Nonnullorum vero aduocatorum ædes, accommodatius opinor ἐμπόρια ciuitatis appellare queas. Et certè plerunque euenit, vt qui aliquid à mercatoribus emunt, illis multas summas reliquentur. at cum nonnullis pragmaticis nihil egeris, nisi pecunia in numerato sit: Demosthenes quidem vir dicendi laude præstantissi-

mus, non tantum pecuniam accepisse, ut causas ageret, & pro amicis reis de manibus iudicium sententias extorqueret, sed etiam magnò tacuisse fertur. Tanta enim erat in eo homine eloquentiæ vis, ut eos qui audirent quo se cunque raperet, posset dicendo impellere. Cui fortasse sit indulgendum, quòd nunquam ad dicendum paratus accesserit, nisi summis vigiliis & labore diuturno actiones suas secum ipse esset meditatus. Et æqualis temporum illorum Isocrates, cum (ut ille de se testatur) ingenua quadam timiditate à dicendo refugisset, orationem vnam viginti talentis vendidisse fertur. Illoque maior natu Lysias, cū opinor populi mores ferre non posset, delectatus re sua familiari nonnullas orationes domi conscripsit, quas amicis iisque qui lite pulsabatur, proscriberet. Quod hominum tenuitati & studiis sit permittendum. Neque enim ij qui honorarij spe in iudiciis & foro versantur, mea sententia improbandi sunt: sed si quis est inter eos què tantū virtutis forma retineat & oblectet ut pauperes patrocínio suo gratiaque iuuet, & in causis agendis eiusmodi hominibus liberalē operā præstet, is bonorū iudicio Christiani hominis laudē videatur esse cōsecutus. Atque ut præstantis & excelsi animi est, eum qui rem habeat, sine mercede causas tractare, ita iis quibus res paulò angustior erit honesta lucri & utilitatis ratio non erit inuidenda: si modo ab honestate non sit separata. Quidam sunt enim in eo genere tam parū verecundi, ut neque dignitatis, neque ordinis rationē habeant, sed tantū naturæ suæ, quæ aliorū substantia & opibus ne expleri quidem potest.

*In statuam Iouis.
Vindieta diuina.*



*Iuppiter, aetherea qui fulmina vibrat ab arce,
Intextos lana fertur habere pedes.
Tardior ira Dei, & lento vix cognita gressu,
Vltrici insequitur crimina nostra pede.*

C iij

NARRATIO PHILOSOPHICÆ

QUANTUM apud veteres Ethnicos mirifica illa dei benignitas & clementia nullis illorum monumentis consignata esset, facile tamen rerum & euentorum coniectura sunt adducti, vt honorificentissimè de ea prædicarent. Cum enim perspicerent Deum ad nocentium delicta tandiu cóniuere, neque eum de sceleratis hominibus pœnam nisi serò repositum, illum laneos pedes habere crediderunt, quòd incredibili tarditate, aliquàdo tamen, insperantibus nobis inuindictam scelerum immineret. Et apud Hebræos, quibus ille antiquitus propter beneficiorum magnitudinem familiarior erat & notior, maiorem in modum iracundiæ sustinens exprimitur, quique nisi rebus propemodum desperatis ad supplicium accedat. Verum ne tanta illa mansuetudinis laus perditos homines, quos vel peccare delectat, facilitate delinquendi incitaret, eum supplicij tarditatem, seueritate sarcire voluerunt: vt homines omni flagitiorum genere impuri nihil ex diuturnitate temporis, compendij causæ suæ accedere iudicarent. quod in omnium longè crudelissimo Sylla accidisse historiæ testantur. Cum enim ciuili bello Marium confecisset, deinde victor omnia misceret, sibi viueret, ciues circumscriberet, ita dictaturam gessit, vt nihil eum sceleris, nihil crudelitatis præterierit. Qui verò dies à tantæ dignitatis perfuntione illi aditum ad quietem dabat, is omnium ei calamitosissimus apparuit. Nam deposita dictatura iam natu maximus tantis corporis doloribus

bus cruciatus est, vt omnium iudicio mors tam lu-
 ctuosa vitæ felicitatem deleuerit. Marcus verò
 Crassus cum Syriam cum imperio esset ingressus,
 Ierosolymam florentem opibus venit, vbi ea quæ
 orientis reges à multis sæculis in templo domini
 consecrauerant, quibusque Pompeius Magnus
 tantarum nationum victor pepercerat, diripuit.
 At ne ille quidē tot manubias in patriam retulit.
 Nam & non ita multò pòst tempore filium crude-
 liter interemptum à Parthis vidit, & tandem amif-

so exercitu miserrimè concidit. Sed hæc opi-
 nor Christianis non probantur, qui-
 bus hac vita non est circūscri-
 ptus mercedis aut sup-
 plicij locus.

C iij





Ad ficum.

In eos qui promittere, quàm facere maluerunt.



*Silubet, in signem, quam mittimus, accipe ficū,
 Forsan & hac vitæ corriget acta tua.
 Vere nouo nullo florum vestitur honore,
 Et tamen autumnno dulcia poma gerit.
 Quid tu ame dubiū toties promissa moratur?
 Quod spondes primum, si sapis, illud age.
 Talia vel miseros possent promissabeare,
 Ni structos tandem proderet arca dolos.*




NARRATIO PHILOSOPHICA.

NVLLVM opinor est hominum genus, quod propius ad leuitatem accedat, quàm ij qui dum promissis, æqualium suorum beneuolentiã aucupantur, in illisque fidem & nomen dissoluere aut nolunt aut nequeunt, efficiūt eos apud quos in promissum ierunt, locupletissimos testes incōstantiæ suæ. Vt enim æquabilitas in omni vita, & dictorum factorumque constantia semper laudanda est, sic nihil est humanæ societati magis contrarium, quàm promissorum liberalitatem factis non consequi. In quo adhibenda fides esset, quæ quanquam ipsa verni temporis serenitate minimam baccarum spem hominibus iniiciat, neque florem edat, autumnno tamen poma toto orbe nobilitata proferre solet. Qui igitur rationem cum terra habuerit, (cuius, vt inquit ille, tanta est benignitas vt nunquam recuset imperium, reddatque semper cum fœnore quod accepit) & ex arboribus quid in vita sit agendum didicerit, tantum sanè imperabit ille sibi, vt lubenter ad ea explenda accedat, in quibus fidem suam pollicitatione obstrinxerit. Alij verò sunt qui in nonnullis magistratibus renuntiati, incredibilem sui rerū bene gerendarum expectationem apud omnes concitant: in eos populus oculos defixos habet, ad illos omnes constituendæ reipublicæ causa prospiciunt. Hi simul atq; in dignitate fuerint locati, ita se gerunt, ita in magistratu versantur, vt facilis sit omnium existimatio, quantum nos eorum si-

des, & nostra de ipsis opinio fefellerit. Nam cum priuati procul ab omni ambitione degunt, facile animaduertunt in, quo offenditur: capeffentes autem gubernacula reipublice, capti credo comodorum magnitudine, iudiciũ omne cũ pudore abiiciunt, audentque eorum perpetuam propugnationem fufcipere, quæ antea acerrimè fuerat infecta. Iam quotus quisque est eorum qui in rebus agunt, qui si non cognitione, at saltem auditu non attigerit, ex bonis ecclesiasticis nihil nisi quadrantem rationibus suis inferre posse: reliqua autem pauperum tabulis ex lege canonum esse inferenda. Hoc certè tam peruagatum est, vt in ore sit omni populo. qui tamen sunt in illa causa, non grauati patiuntur se in eo temporum errore versari, honestiq; rationem specie vtilitatis conuelli. Ac me quidem sententia, qui vtilitatem pugnantem cum ratione, virtute superiorem esse volunt, quibus plus lucra domestica, quàm dignitatis momenti pōderari solent, hi à rerũ & publicarũ & priuatarũ administratione alieni esse debent. Vix enim est, vt in publico magistratu designatus præclare se gerat, qui curam, studium, industriam denique omnem in re familiari tuenda & augenda collocarit.

Ad araneam, vulgatū ex Diogene.

In corruptos iudices.



*Dum volat, elata telas disrumpit Arachnes
Oestrōn, & impavidè mollia pensa terit.
Sed capitur tenuis macilento corpore musca,
Nec fugit arguta retia ducta manu.
Sic pauper posita sortes vix effugit vrna,
Sed diues rupto vimine tutus abit.*

NARRATIO PHILOSOPHICÆ.

VETVS & iam ab antiquis ducta temporibus ad nos eorum permanuit improbitas, quibus cum decretum esset in eo se genere maxime exercere, quod in publica rerum moderatione positum est, tamen tam sordidè in præstantissimis illis muneribus se gerunt, ut suorum commodorum solum rationem habeant. Nam si æquitas illa est
 » quæ omnia recta & inflexibilia exigit, si ea est iuris ratio, ut neque inflecti gratia, neque perfringi
 » potentia, neque adulterari pecunia possit, videatur sanè iudicantium religioni magnopere consentaneum, in sententiis ferendis æquabilitatem servare, eundemque semper ad iudicia vultum afferre, quæ in Socrate omni vita fuisse accepimus. Quod
 » si quis in vindicandis sceleribus se sui quam legum simile esse mauult, & in pœnis constituendis potius gratia aut iracundia quam æquitate ducitur, quæ pestis homine illo in republica perniciosior esse potest? Seuerissimè nonnulli ad pœnam expetuntur, alij iisdem de causis ne appellantur quidem: Perditis ciuibus tutò in ciuitate licet degere: ij autem quibus pro singulari quadam virtute, victus publicè in aliquo Prytaneo ex Senatusconsulto decernendus esset, sæpissime in periculum famæ & capitis sententiis iudicum vocantur. Atque utinam iudices nostri tanto studio præsidia æquitatis sibi retinenda esse proponerent, neque magis gratia alicuius aut beneuolentia de officio deduci possent, quàm Hercule illū à voluptate allici potuisse.
 » se Xenophon refert. Nunquā enim qui vel iratus,

vel

vel amicus accedit ad sententiã, eam mediocritatẽ
tenere potest, quæ inter nimium & parum iacet. ”
Nã quis erit in causis decidendis apud eos iusti- ”
tiæ locus, qui se non tantum ad voluntatem po-
tentiũ nutumq; referunt, sed iudiciorũ maiestatem
mercede sola metiuntur? Si quid homini pauperi
cum diuite negotij est, & diuitẽ in causa iure infe-
riorẽ futurum longe ante præsentiant, ita res ex-
pedietur, vt aut lóga mora aditusque difficultate
pauperi homini fastidiũ adferat, aut instrumenta
litis eo deponat loco, vnde nunquã in verũ solem
proditura sint. Neq; vero Diogenes Cynicus insci-
tẽ istum in suffragiis ferendis modum, araneorum
telis similem faciebat. Vt enim grandiores muscæ
quæ a fila nuncupantur, facile araneorũ telas per-
transeunt: at parux & tenues illis irretitæ la-
queis capiuntur: sic homines haud magna in re
quantumuis tamen fidei pleni, vix temere iudiciũ
anfractus effugiunt: iis verò quibus liberalior for-
tuna est, etiam inter media iudicantium subsellia
licet tutissimis esse. Quòd si ita se in eo ordine ver-
sari prædicet, quòd forsã aliqua animi egritudine
& metu fracti, in potentissimos legibus, cõstituere
nõ audeant, hoc ne illis quidẽ patrocinari queat.
Aut enim ij partes quæ sibi à populo vel principi-
bus attributę sunt, tueantur necesse est: aut omni-
no priuati domi degant. Multis certẽ, quanquam
sint pusilli & angusti animi, nunquam vitio
versum est, quòd res magnas plenasque peri-
culorum non audeant. Iis autem quorum ambi-
tionis labore vita occupata rebus publicis geren-
dis

des implicatur, non sit ignoscendum, si eiusmodi
agrotationes ad rerum administrationem attule-
rint. Præstat enim dignitati fortiter cedere, quàm
nulla cum laude in officio esse. Neque tamen hoc
apud nos consilium magnopere sit necessarium
quibuscum ex principum clementia tam felicitè
actum est, vt semper virtutis & iustitię valeret au-
thoritas. Quòd si qui sunt tam magno & forti
animo, vt etiam contra potentissimos decreta fe-
rant, neque metu à saluberrimi Senatusconsul-
to perſcriptione abducantur, satis sibi persua-
dere possunt, se eius consilij princi-
pes non tantùm laudatores, sed
etiam adiutores ha-
bituros.



*Sybaritha in plateis .
In leuiculos huius temporis.*



*A spice vi in plateis fuvilis resupinus oberrat
Et molli ingreditur compita nostra pede.
Utque pererratis fragrat laciniâ vicis,
Et siccam infecto murice verrit humum:
Gaudet & insulsa tunicati voce popelli,
Et putat his omnes fallere posse dolis.
Transuersosque sibi spectantium colligit hircos,
Dum studet in populo tertius esse Cato.
Hinc hinc, hæc pauper nouit fastidia Baucis,
Nam doctis fidei frons habet ista parum.*

INTER eas malorum omnium & voluptatum illecebras quæ quondam apud Sybarithas vixerunt, nulla magis reliquarum gentium risu & stomacho excepta est, quàm mollities, quæ iis quoties de domo in publicum processissent, familiaris fuisse perhibetur. Nam tantus erat in illis fastus, tanta in ingressu mollities, tam impotēs aspectus, tanta denique investis compositione cura, ut quidvis potius quàm homines esse facile adduci potuisses. Sed quis tam leuiter sapiens esse potest, qui eiusmodi ineptias vel apud imperitam multitudinem aliquid authoritatis & momenti habere credat? Quis est tam totius humanitatis expers, qui istos fucos moderatè & æquo animo ferat? Nec enim tam aspernandæ homini partes à natura datæ sunt, ut illi in rebus adumbratis ponendus sit dignitatis decor. In quo vident illi qui apud nos quotidie multo serico, multis vnguentis in publicum prodeunt, quantum se de nobis sefellit opinio. Nam à quibus plurimum gratiæ & mirationis se aucupaturos iudicabant, eos profecto colligunt sempiternos testes insipientiæ suæ. qui si se Q. Hortensium imitari dicant, quæ homini, quod ordinem & cultum vestis suæ conturbasset, actionem ferunt intendisse: ne tamen mihi tantam infantiam etiam oratore Hortensio probauerint. Quid enim tam flexibile, tamque lubricum esse potest, quid porro ab homine tam alienum, quàm ex eo laudis argumentum quærere, cuius fructus ut in sola hominum opinione iacet, ita non

potest esse diuturnus. Inest certè maximèque in summis & excellentibus animis gloriæ cupiditas, quæ tam virtuti ipsi coniuncta est, vt vtriusque consensus sit æternus. Sed tamẽ nullus eorum imperatorum qui patriam spoliis suis triumphisque decorârunt, ex re tam ludicra aditum ad gloriam homini patere existimauit. Quibus autem propositum est pro republica aut fide fortiter dimicare, quique nullum de publica salute cogitandi tẽpus intermittunt, iis opinor sit permittendũ, si gloriam tanquam benefactorũ & testem & mercedẽ se sequi dicant. Qui verò in ea sententia sunt, vt perpetuam pro laribus sepulchrisque suis propugnationem suscipiant, nec quicquam otio præstantius esse ducunt, quia longissimè à vera laude & rectefactis absunt, ad vmbras & simulachra cõfugiunt, atque ex eo se laudari volunt, quod post homines natos gloriosum duxit nemo. Neq; enim tanta est inertia temporum, vt imitatrix boni inanitas & pondere & natura sua speciem illam honesti apud homines referre queat. Nam vera gloria radices agit & propagatur, facileque se ab iniuria mortalitatis & silentij vendicat: ficta autem tanquam flosculi (vt inquit ille) celeriter decidũt: neque quicquam est perpetuum, nisi quod virtute & rectefactis tibi paraueris. Quodd si eam lasciuia tam impensè probant, vt de illa nunquam deduci possint, quẽlo ne tam ridicula apud eos inculcent, quide actionibus honesti iudicare possunt: sed ea ipsi coram tribulibus suis bonis viris depromant: quibus forsàn, vt de suis dicebat Lu-

cilius poëta, plus palatum quàm cerebrum sapit. Diogenes quidem, si quando in eiusmodi homines incidebat, nullum sibi præsentius contra eam importunitatem remedium à diis immortalibus euenire precabatur, quàm in lapidicinas longè ab duci: vt quos contuens ferre non poterat, diutius „ audire non cogeretur. Lenius Plato, ne quando, „ inquit, in simili errore verfer. qui si opinor hominibus istis esset vsus, nihilo forsan Diogene fuisset placatior. Quis enim tanta animi facilitate est, aut potius tam sensu videndi & audiendi caret, qui vel si ista dissimulare queat, his tamen possit non vehementer offendi?



*Libertas cuius proprium est,
Sic viuere vt velis.*



*Annulus articulos si quādo astringit & vrget,
Hunc subito innocuis excute de manibus.
Stulte quid affectas alieno viuere voto?
Nullolibertas are, librāque licet.*

D ij

NARRATIO PHILOSOPHICA.

MHI olim temporum nostrorum reputatio nem facienti quæredum visum est, quæ duæ res in hominum vita essent, quæ animos nostros maiori voluptate incensos ad se prolectarent. In quo etsi difficile factu sit æstimantem non offendere, non tamen procul à vero discessionem fecisse iudicetur, qui de libertate & avaritia ita statuerit, ut nulla re magis homines in vita retineri posse arbitretur. Nam ut avaritiam (quæ quantum apud multos autoritate valeat satis perspectum est) relinquamus, tantum semper ponderis omnium concessu libertas habuit, ut nemini parere animus bene à natura informatus velit. Quo in genere principes illi philosophi fuerunt, quibus cum idem propositum fuisset quod regibus, ut nemini parerent, libertate uterentur, facile eam sententiam animo sunt complexi, quæ imperia & dominatus, externaque subsidia infra hominem posita esse iubet, & otium rebus omnibus anteponebat. Quid enim est tam elatum & magnificum, quam id ipsum cuius habendi cupiditas, & seruandi metus reliquos homines misere cruciat, fortiter aspernari, ea autem in summis bonis ponere, ex quibus animus sapientis vere diues appellatur? Iam igitur in eo hominum genere non nisi incredibilis virtutis significatio esse potest, qui ita sunt affecti ut magistratus contemnant, gloriam negligant, popularibus studiis nihilò capiantur, in domestica autem libertate & quiete mirificè sibi placeant. Et ex hominibus quidem nostris vehementer laudo eos, qui-

ba

bus quanquam vocis suauitatem, firmissima latera, & quabile dicendi genus & profluens natura concessisset, vereque tales effecisset, qui in foro summa cum gloria, & amplissimis commodis versarentur, tamen semetipsos à subselliis illis & iudiciorum strepitu voluntate remouerunt: nihil propius homini Christiano iudicantes, quàm fructū otij ad rerum magnarum cognitionē traducere, aut saltem nō iis ipsis delectari, quæ homines imperiti, vel qui suo magis quàm alieno iudicio sapiunt, pro bonis & valde appetendis ducunt. Et opinor valde gloriosum est, res angustas si modo ” adsit otium & quies, clientelis potentium antepo ” nere, vereque regium & liberalitatis plenum domestica tenuitatem quiete & tranquillitate sola ” ri: quæ tam nonnullos voluptate incendit sui, vt ” plerunque magnorum hominum liberalitatem & beneficia non inuiti defugerent, dum impendiō verebantur, ne ex tali meritorum ratione illis aliqua imminutæ libertatis labes inuri posses. Omni no autem misera est eorum conditio, qui se ad aliorum nutum & voluntatem conferunt. Neque ” enim illis ex animi sententia viuere integrum est, ” neque planè laudabile eorum vultum non diligenter obseruare, quorum authoritati & mancipio seipso dediderunt. Iam verò vt cætera incommoda omittamus, quid tam parum liberale est, quàm ita ex aliorum affectibus pendere, vt neque ridere, neq; tecum meditari, neque lugere, nisi ex vnius perturbationibus queas: & velut priuata animi incitatione deposita, nisi illius sensu nūquam

moueare: eius olfactu, gustatu, oculis, solum odo-
 reris, gustes & videas. Quod verò omnium longè
 turpissimum est, eiusmodi homines sæpissimè ne-
 fariorum scelerum non testes tantum, sed & par-
 ticipes adhibentur, & plerunque aut verecundia,
 aut animo fracto ea coguntur approbare, quæ im-
 manissima esse semper iudicarunt. Ego quaquam
 ab hoc seruitutis genere vel natura longissimè ab-
 sim: tamen tam me ipsa vitæ species offendit, vt
 neque eius probitate cui sit inseruiendum, neque
 commodorum magnitudine, vteam rem compro-
 bem, adduci possim. Atque, vt breui dicam, is mi-
 hi videbitur sapere, qui, vt dicebat Plato, nō aliun-
 „ de pendebit, neque extrinsecus bene aut male vi-
 „ uendi suspensas habebit rationes. Nam & qui
 „ alterius causa malè & contra leges egerit,
 id assequitur, vt etiam eum cui hoc
 præstitum voluerit, facti de-
 risorem ha-
 beat.





In symbolum Pythagoræ.

In scaphio ne edito.



*Quisquis es in scaphio qui festa obsonia cõdis,
Non est hac nostræ commoda mensa gula.
Quos habet attonitos vitij mēs i proba, iustus
Indignos aditu iudicat esse suo.*

D iij



NARRATIO PHILOSOPHICA.

PYTHAGORAM summæ authoritatis philosophum seuerissima sententia suis edixisse ferunt, ne omnino in scaphio ederent, néue ea obsonia quæ summa sua benignitate natura nobis concessisset, parum honesto vase deturparent. Quo dicendi genere homo prudentissimus alumnos disciplinæ suæ, à nefariorum hominum cōgressu & amicitia reuocare nitebatur. Vt enim præter dignitatē paterfamiliās facere existimetur, si ex lauto instrumento ea vascula in vsum mensæ dediceret, quorum aspectus animos hominum ad turpem cogitationem sit deducturus: ita is optimam sibi naturam inuidisse sit iudicandus, qui perditos ciues cōgressu, suffragio & aditu dignos putauerit. Quid enim tam moribus inculpatis inimicū est, quàm cum iis ipsis coniunctissimè viuere, quorū non solum dicta, sed & facta, præstantissimas virtutis actiones conantur euertere, & honesti speciem imitatione boni ad impurissimas voluptates traducere. Iam verò tales à natura creati sumus, vt nobis illius adiumentis (si tamen ab ea non discedimus) satis esse possit ad bene beatæque viuendū. Sed plerunq; accidit, vt præclara illa omnia virtutum seminaria sceleratorum colloquio & vsu obruantur, neque amplius naturæ lumen elucescat. Itaque rempublicam gerentibus id primū enitendum esse scribit Plato, vt sceleratos homines è finibus expellant, néue eos diutius in ciuitate esse sinant, quibus stantibus in republica splendor & quies retineri non potest. Quid enim nouarū volupt


luptatum artificibus (quibus tamen Xerces præ-
mia lege constituit) quid nouorum portiorum
& tributorum inuentoribus (quos Dionysius ty-
rannus mercede honorauit) in bene morata ciui-
tate negotij est, vt eodem iure cum reliquis bonis
censeri debeant? Quid enim aliud agunt quàm vt
publicum otium cōsiliis perturbēt suis, summorū
vīrorū principatū penitus de republica deleant, &
tenuiores in discrimen fortunarum & capitis vo-
cent? Quod hominum genus & nostra ætate ali-
quando, & etiam patrum memoria multas ciuita-
tes lacerauit: digni opinor quibus decernatur in
foro statua, in senatu locus: adde etiam si placet,
victum in Prytaneo: vt ab ea republica

pro qua tam bene & nauiter la-
borauerint, summis benefi-
ciis in luce bonorum
omnium au-
geatur.

D v



*Ad statuam Cassandra.
In consuetudinem fori.*



Concinit infelix casus Cassandra futuros,
Pergamâque Aëgolicis depopulâda rogis,
Sed frustra eximia prostant oracula vatis,
Fœmineisq; fides non datur augurijs.
Sunt quibus est Piliæ præstas faciûdia lingua.
Quosque iuuat Samij clara sophia senis.
Nec Lugdunensis metuant certamina cœstus,
His tamen ab nostri non sauet aura fori:
Hos infausta premunt quinta præsagia luna,
Et fouet exiguo sportula curta foco.




NARRATIO PHILOSOPHICA.

CASSANDRAE Priami regis filiae infortunium iusta miseratione profecuti sunt nonnulli, quòd cum ab Apolline diuinandi scientiam cepisset, tamen tam obscurè in illo munere verest, vt futura quidem longè antè prædiceret, ex omnibus ad quos ea res pertinebat, fidem ferret nemini. Nam & flagrante bello Troiano, Helena restituta cum Græcis reditus in gratiam intercederet, excidium celeberrimæ vrbis prædicata est: neque tamen præsensationibus suis equam profecit. Præterea cum capta & incensæ Troia, eadem vates Agamemnoni sorte obtinueret, multa amplissimi regis euenta præsagitione complexa est: præuiditq; futurum aliquando, ille ab vxore sua extrema pateretur: quæ diuinationes cum nihil ponderis apud eos quorû maiore opere intererat, habuissent, etiam in ipsa tristissimi casus acerbitate, homines illos vel ipsa memoria perculerunt. Non omnino Cassandra, meo iudicio, dissimiles videri possint, ij qui in togati volitant, & in centumviralibus purpurisque iudiciis vicariam litigantibus operam præbent: inter quos innumerabiles reperimus iis artibus quæ libero homine dignæ sunt, micè instructos, quiq; ad ea humaniorû literarû subsidia incredibile iuris & legû sciëntiâ adiûxerunt: tamen nescio quo illorum fato ab omnibus contemnuntur, & plerunque iis fama concedunt, quos omnibus scientiarum ornamentis facile subleuabant. In quo etsi graue est iis principem locum

cum cedere, qui tecum magnarum rerum cog-
 tione non sint comparandi: ferendum est tamē
 » in quadam oratione L. Crassus grauissimè præ-
 » cauit) in iis ipsis te vinci quæ labore & indus-
 » homines sibi parare nequeunt. at in his glorio-
 est multis antecellere, quæ neque fortunæ, neque
 potentium gratiæ accepta referre debeamus. E-
 » enim fortuita plerunque mirationem & cla-
 » mores faciunt in populo, ea tamen so-
 » la verè laudantur, quæ cum vir-
 » tute & priuata cuiusque
 » animi incitatione
 » coniuncta
 » sunt.



*Ad statuum Palicorum.
In periuria fori.*



*Aspice Pœna fides, verique ignara Corinthos,
Et queruli interdum turba togata fori:
Anne hominum credis periuria ferre Palicos,
Cum spernas iusti numina summa Dei.*

NARRATIO PHILOSOPHICA.

APUD Catanam in Sicilia duo amnes sunt, qui Delli vocantur, hi ab incolis quondam maxima veneratione habiti sunt, quòd ex eis Palicos geminos fratres emerfisse, & amœnissimam hanc lucem aspexisse antiquitas credidisset. Cùm enim Thalia nymphea ex Ioue grauida metueret, ne quid sibi periculi à Iunone crearetur, precibus à Ioue contendit, vt in tam propinquo discrimine terra sibi dehisceret. Quod cùm esset factum, diuinitus tamen accidit, vt ipso partus die fratres Palici è terra emergerent, & Iouis beneficio in vitam ingrederentur. hi propter mentis integritatē opinor, præstandis iuramentis testes adhiberi consueuerunt, atque ea conceptorum verborum forma erat, vt si conditio sub qua contractus inibatur, euenisset, res aliqua sub religione iureiurandi præstaretur, dato etiam expromissore qui rem totam fide sua esse iuberet. Ex quo efficitur periuriū non sacris monumentis solū, sed & veterum poëtarum fabulis nefarium semper scelus fuisse. Ac verè mihi videbor esse dicturus, id quo nomine à reliquis nationibus Græcos videmus inuadi, idem apud iudiciorum & fori nostri pragmaticos in consuetudinem venisse. Nam vt vetus Græcia totius disciplinæ princeps, & Athenæ illæ scientiarum omnium inuentrices semper habitæ sunt, fidei tamen & integritatis laudem nunquam tulerunt: tamque apud eos vulgatum illud fuit, Da
 „ mihi mutuū testimonium, vt etiam qui inter
 „ illos Græcè nescirent, hoc tamen loquendi genus
 propt

propter consuetudinem memoria tenerent. Sic licet forum omnium scientiarum quasi quoddam theatrum appellare possis, difficile tamen factu sit ex iis qui pragmatici & procuratores in eo vocantur, aliquem reperire, qui probitatis & fidei gloriam sit consecutus. Qui enim contra iuramenti nexum quem rogati apud acta præstiterunt, iniustas causas tractant, qui diffisionibus à iudice petitis in perniciem creditorum, nepotibus & perditis hominibus pecuniarum solutiones trahunt, qui in mala clientum causa iudicatum non faciunt, qui stipulatiunculis & tricis suis (vt Varro loquitur) apertissima quæque inuolucris obducunt, quam quæso honestatis speciem ad causas agendas attulisse videantur? Sed vt apud Euripidem Ætheocles in Phoenissis, si ius vnquā violandū est, „ causa regni violari posse existimauit, in reliquis „ autem pietatem coli debere: sic & homines illi ieiunia, sacrorum ritus & celebritates religiosè obseruant, & piè certe: fidem quoque violari pro scelere ponunt, excepta vna causa pecuniæ: pro qua etiam si Deum & homines non sint cælaturi, propugnationem omnem non dubitanter suscipiant. Neq; enim tā oderunt infamiā, quā amant pecuniam, qua vt de virtute dixerunt philosophi, nihil est illis amabilius, nihil præstantius. Neque verò ad eos nostra pertinet oratio, qui vt magistratus aliquos inire possint, iurati se nihil omnino illorum nomine contulisse, ex professo in amplissima corona iudicum affirmant:

tant

tantum dico,mediocrem sui homines illos in reli-
quo honoris cursu expectationē afferre, qui tam
flagitioso scelere principia ineundæ dignitatis cō-
secrarunt. Quid enim nos de illis sperare oportebit,
qui se in ingressu præstantissimi magistratus
nefario scelere polluerunt?Itaque non sit fortasse
mirum, si iudicibus tanta flagitij macula impu-
ris, eiusdem notæ pragmaticos, & omni
periurio infames fortuna adiun-
xerit. Digni profecto duci-
bus suis admini-
stri.



In statuam Iouis, ex Homero.

Reges ad curam Dei pertinere.



*Nescis in mentem magno quid venit Homero,
Discipulos reges dum putat esse Iouis.
An quòd eos nulli voluit virtute secundos,
Queis sunt à summo credita regna Deo?*



GRAVISSIME, vt omnia, Homerus reges & eos qui latè dominantur, Dei immortalis discipulos, & velut ex eius ludo ad rerum administrationem prodeuntes facit: vt omnes intelligant, principes nō tantum vocatu Dei ad rerum publicarum gubernacula accedere: sed maximè omnium hominum ad curam & prouidentiam summi illius numinis pertinere. Propius enim iudicauit quos ad amplissimum dignitatis euexit gradum, iis constantiæ, magnanimitatis, cæterarumque omnium virtutum seminaria largiter cōferre. Quales enim eos esse oportuit, sine quibus & stare respublica nequit, & quorum descriptione multarum gentiū moderatio continetur? quod bellè qui præstiterit, eum diuina quadam vi instructum esse mihi persuaferim. Nam in eo omnium ferè nationum consensus fuit, aliquem præ cæteris principatum habere, qui præesset, & cui pareretur: quique legem illam principem quam primum in animis nostris natura peperisset, tueretur: cum qua illi tanta similitudo esset, „ vt verè lex loquens debeat nominari. Quæ enim „ domus, quæ gens, quæ hominum societas sine „ aliquo qui imperet diutius splendorem suum retinere potest? At genus illud imperij quondam ad sapientissimos & sanctissimos quosque deferre batur: quod & in Repub. Romana valuit quandiu ei Reges præfuerunt. Nam & naturæ solertiam imitati homines, ei tantum ad regna adi-

tum

tum patere voluerunt, qui aliqua excellenti virtute cæteris præstaret, vt eius sapientia non illi tantum, verum & vniuersæ ciuitati laudi esset. Neque verò apud Medos solum, vt ait Herodotus, sed etiam apud omnes populos iustitiæ retinendæ causa bene morati reges sunt constituti: nam inopes à potentissimis pressi ad alicuius clientelam se conferebant, qui eiusmodi periculum ab illorum capite depelleret. Vnde euenit vt ciues non grauatè illi obediant, & eum summa obseruantia colant & diligant: quod Charondas summus legislator legibus suis comprehendit: Platonique ex Titanum genere statuuntur, qui magistratum actionibus aduersari volunt. Itaque doctissimi homines in magnorum principum rebus gestis memoriæ mandandis voluntario otio occupati, illos tam abundantes vrbis & bellicis laudibus nobis prodiderunt, vt non tam eos qui aliquando vixissent, quàm si ab aliquo Deo ficti essent, describere viderentur. Quo in genere princeps Xenophon, cum de Agesilao historiam instituisset, facilè eas omnes laudes quæ de præstantissimo principe dici possunt, vno libro complexus est. Et multis ante sæculis Homerus Vlysses tot sapientiæ ornamentis præstantem facit, vt non tam ille natus, quod cæteris commune est, quàm summo deorum immortalium beneficio hominibus donatus esse videretur. Iam quis nostrum cum Virgilij libros diuinitus scriptos, in quibus semper Æneas exprimitur, legit, non

existimat Æneam tantis illis virtutum insignibus, quasi de schola summi Dei instructum ad rerum administrationem processisse? Vnde & apud Esaiã Dominus Cyrum superiorem, Messiam & vñctũ suum appellat, vt omnibus sit exploratũ, eos quorum temperatione principatus & imperia tenentur, nisi Dei suffragio & gratia in tãtum honorem non venire. Nam his, vt inquit sapientissimus ille „ Nestor apud Homerum, Ζῆς κῆρ δ' ἔδονεϛ. Vnde & nonnulli reges signis & prodigiis, priuatis hominibus præstiterunt, & ea gesserunt ipsi, quæ ad diuinitatem proximè accederent. Nam & Vespasianus proconsul Syriæ cùm tumultu militum Imperator esset appellatus, homini cæco oculos, & leproso sanitatem restituisse fertur, cùm nusquam antea de se tale quicquã cõcepisset. Pyrrhũ quoq; Epirotarum regem historiæ narrant multos contactu sanauisse. Omitto multa de Christianissimis

Gallorũ regibus dicere, quæ propter exemplorũ multitudinẽ nobis sunt notio-

ra: ex quibus omnes ferè popu-

li in grauissimis morbis

fructus capiunt


diutur-

nos.



Honor debitus.

In disciplinam temporum.



*Fortis equa, ò quoties hederis victricibus vsa,
Norat Olympiacis vincere carceribus.
Huic statua & tumulus post vltima fata
dicantur,
Et datur in manes debita palma suos.
Quin & honorata statuunt delubra Diana,
Quos posuit mundi ius dare cardinibus.*



NARRATIO PHILOSOPHICA.


Verus fuit & plena religionis apud maiore, beneficij referendi consuetudo, vt nō tātūm hominū memoriā qui præclarè & fortiter aliquid in republica gessissent, monumentis & trophæis consecrarent: sed bruta quoq; animātia, quorū vir tute res feliciter esset gesta, tumulo & statuis honorarent. In quo Alexāder, mea sentētia præstitit cæteris, qui cum Bucephali equi sui dexteritate multa bellidiscrimina superasset, illi mortuo exequias duxit, & tumulum posuit, deq; eius nomine post Thebarū expugnationē, urbē edificauit. Et Plinius author est Agrigēti multas pyramides equis locatas esse. Par est enim eorū memoriā nō perire, quorū salus aut utilis reipublice fuit, aut cōiūcta certē publicē saluti. Iam & equo suo dictator Cæsar statuā in æde Veneris genitricis fertur cōsecrassē, humanis pedibus, qua forma ille fuerat: in quo tanta fuit sagacitas, vt præter Cæsarē aliū sessorē admiserit neminē. Gloriosa sanè res, & homine nō ingrato digna, per quos aut viceris, aut rem bene & nauiter feceris, eorū historiā & gesta meminisse. Quo in genere Adriano Imperatori summo honoris fuit Plotina mortua, cuius gratia à Traiano fuerat adoptatus, nouē dies in veste pulla incessisse, eiūsq; nomine pro memoria tātī beneficij tēplū dedicasse. Nā qui per equā euasit *ὀλυμπιονίκης*, & quibus per mulieres licet in amplissima dignitate & fortuna esse, parū memores & grati videātur, nisi illis gloriam etiā post aras cōmunicarint, quorū opera ad tantum honorem aut magistratū sunt producti.

In nor



In normam Lesbiam.

Bonus iudex.



*Aspice vi in partes semper tornatilis omnes,
Se subiectam operi Lesbiam norma facit.
Intus saepe latet scripta sententia legis,
Qua solet in tota iudicis esse manu.
Hanc ille in varijs rerum variare figuris
Debet, non vnum semper, idemque sequi.*

E iijj



NARRATIO PHILOSOPHICA.

NORMAM Lesbiam non iniuria veteres cæ-
 teris prætulerunt, quod ea flexibilis & tene-
 ra quocūque duceres facile sequeretur, seque ipsa
 operi cui adhiberetur, scitissimè accommodaret.
 Reliquæverò hoc ipso minus cōmendantur, quòd
 si forsan sint breuiiores, neque ad iustam operis
 magnitudinem deduci, neque si longiores in an-
 gustum contrahi possint. Quod doctissimi hōmi-
 nes ad eos qui iurisdictioni præessent pertinere
 crediderunt, vt hi in hominum controuersis ex-
 plicandis se normæ Lesbiæ quàm cæterarum simi-
 les esse mallent, neque semper in omnibus litibus
 eundem tenerēt cursum, sed variè ex personis cau-
 sisque statuerent. Nam si is esset forensium causa-
 rum status, vt cæ semper ad infinitum quoddam
 genus referri possent, esset certè in iudicando per-
 facile summa illa capita sequentem nihil offende-
 re. Sed quia iis rerum & euentorum procellis ob-
 ruimur, vt in tanta factorum varietate nihil pro-
 pe alteri simile possit apparere, rationem habet,
 vt qui in munere iudicandi versantur, ad specie-
 rum diuersitatem animos suos accommodent.
 Semper enim iudicantium religioni moderatrix
 fuit factorum varietas, quique optimè iudicat is
 maxime omnium in diuersis opinationibus consi-
 dit. Nam nunquam in subselliis degentibus lau-
 data est perpetua in vna sententia permanstio: sed
 vt corporum differentiis obsequi artis medico-
 rum est, etiam si is sit morbus qui talem curatio-
 nem non recipiat: sic plerunque & personæ & tem-
 poris

ris ratio expostulat, vt de constituto & perpetuo quodam iure decedamus, atque ea sequamur, quę remotis circumstantiis aliquid certę iniquitatis & iniustitię essent habitura. Itaque si qui sunt ex nostris, qui tantam industrię suę & studiorum fiduciam habent, vt ius illud vniuersum tractatu & rerum varietate infinitum, primum in genera deducere, deinde in mēbra capere se posse prædicēt, vereor ne aut quod auribus inculcant nostris explere nequeant, aut magis oleo & palęstrę quàm foro & pugnę inseruisse videantur. Quis enim adhuc ex nostris hominibus est inuentus, qui, etiam si ea omnia quę iurisconsultorum & magistrorum iuris monumentis continentur, memoria sit complexus, non tamen interdum in iudicando offendat aliquid tale, de quo adhuc nulla rogatio facta est? Cui tam feliciter omnia, quę vel ad maiestatem imperij, vel priuatorum cautionem pertinent, lecta, audita, disputata esse possunt, qui non aliquando in id genus necessitate incidat, quod maiores sui ne cogitatione quidem attigerunt? Quid igitur instrumenti & facultatis ad legum iurisquę disciplinam attulisse videatur, qui res tantas in summum quoddam genus coegerit, quarum scientia magis singularium notione quàm specierum distributione censeatur? Quod si quis vel industria sua, vel assiduo labore videatur esse consecutus, id tamen aliquando afferet dies, vt opinione posteritatis contractius rem totam conclusisse iudicetur. In quo adhibendi essent illi qui ex vmbraculis eruditorum, vsum legum ad pul-

uerem fori clamoremque perduxerunt. Iis enim
solis verè perspectum esse potest, quibus vinculis
rerum species inter sese colligantur, vt ad idem ge-
nus reuocari queant. Græculis autem hominibus,
& iis qui cum lucem illam fori ferre non possent,
rerum maximarum notitiam spatiis & deambula-
tionibus suis statuerunt, difficile factu est his de
rebus scientissimè iudicare. Neque enim plurimū
mirationis habet ea quæ summo studio foeris
meditatus, apud concionem de scripto recitare.
Sed is mihi videbitur hoc tam præclaro iuriscon-
sulti nomine dignus esse, qui de quæstione quæ-
cunque sit proposita, secundum leges, instituta
maiorū & ciuitatis iura illuminatè possit respon-
dere. Qui si ius ciuile ad artem & præcepta
se redacturum prædicet, plurimū cer-
tè apud me & fidei & autho-
ritatis sit habi-
turus.



*Ad fontem Dodonæ.
In sibi præfidentes.*



*Fons in Dodona est regi sacratus Olympi,
Qui solet extinctas igne ciere faces,
Accensaq; etiam flammæ exstinguere tede.
Hac est diuinæ regulæ iustitia.
Nam fastu elatos cliuū deturbat in imum,
Et primos illis denegat accubitus:
Sed quos subtenui nutrit Rhamnusia tecto,
Hos pleno cornu copia Diâ iuuat.*



NARRATIO PHILOSOPHICA.

FONTEM Ioui sacrum in Dodona fuisse prodidit antiquitas, qui mea quidem sententia & naturæ ductum, & totius orbis miracula superavit. Nam in eo hanc vim & virtutem fuisse accepimus, ut faces extinctas accenderet, & nihilominus si accensæ admoverentur, restingeret. Quod si verum non est, ideo à poetis qui quondam res gestas ad fabularum inuolucra traduxerunt, effectum esse possumus suspicari, ut Deum optimum maximum, quem & Hebræi diuinitatis appellatione IOVA, & Christiana etiam scripta vitæ fontem dixerunt, nobis velut coloribus suis depingerent. Ea enim est Domini erga humanum genus sacris literis testata conditio, ut homines rerum felicitate, & fortuna secunda exultantes, aduersa ægritudine, suorum orbitate & rei familiaris iactura coerceat, & tantum illum splendorem, quo se æqualibus suis semper præluxisse existimabant, quasi vim flammæ, aquæ multitudine opprimat. Cum iis verò quibus inest æquabilitas in omni vita, & idem semper vultus, quique in rebus depressis animo non franguntur, neque ea expetunt fortunæ adiumenta, in quibus omnia sunt impotentibus & ignavis viris, benignè & liberaliter agit Dominus, & sæpissime ex summa generis obscuritate ad omnia magna euehit, ut facile cæterorum luminibus obstruant. Et quemadmodum scite à maioribus laus sequi fugientem dicta est, & sequentem fugere: ita processus rerum maximarum plerunque ab iis quorum ambitionis labore

bore vita retinetur, longo interuallo abest: illos vero sæpe consequitur, qui nihil vnquam tale animo conceperunt. Qui enim ita sunt affecti, vt & modico & suo contenti sint, & pauca pateant in eorum vita quæ fortuna feriat, iis si aliquid paulò fortunatius acciderit, rem totam domino acceptam ferunt, & eam putant sibi velut contigisse de lucro. At qui opum cupiditate incredibili sunt incensi, neque vllum de pecuniis cogitandi tempus intermittunt, si qua in re illorum expectationi fortuna responderit, beneficium illud ascribunt diligentiae suæ: & plerunque rerum prosperarum successu tam fiunt insolentes, vt multa sibi Deum optimum maximum reliquari putent. Et grauissima sanè sententia apud Eſaiam dominus Assyriorum regem increpauit, quòd rerum gestarum magnitudinem, & præstantissimas victorias priuatis laudum suarum rationibus referret, & quasi hæreditatem gloriæ Dei, & præclarum illud conferendæ victoriæ patrimonium, quod semper diuino numini veteres sapiētes tribuebāt, expilaret. Alio loco etiam regi Babylonis Nabuchodonosor res non modo aduersas, sed planè euerſas prædicit, quòd direpta regia vrbe Ierusalem sibi nimium præfideret, neque in tanta fortunæ felicitate, & imperatoriis manubiis autorem Deū citauisset. Itaq; mirari desino regnorum euerſiones, imperia deleta, conquaſſatas prouincias, exercituū clades, & mirabiles fortunæ casus, qui patrum nostrorum memoria in summis principatibus contigerunt. Quod enim tribus Israel, & Iudæorum populo,
si se

si se à domino volūtate abduxissent, per Mosen & Prophetas euenturum prædictum est, id etiam reliquis omnibus populis præsignificatum esse possumus affirmare. Nam quo animo & qua propensitate Dominum erga eam gentem esse oportuit, quæ religionem suam omni scelere funestarat, & conuentus illos iure sociatos, quæ ciuitates appellantur, intestinis cædibus macularat? Quis ergo cū tot in Asia & Europa florentissima regna direpta, & Christianos iis sedibus pulsos, quas maiorum suorum armis & virtute hæreditarias acceperant, cogitatione complectitur, non existimat eos quibuscum tam crudeliter & seuerè actum est, iustas scelerum suorum domino pœnas perfoluisse. Malè enim se res habet, cum ij qui plenioribus officiis à Deo sunt ornati, tantæ liberalitatis immemores minus sibi præstitum putant. Ex quo fit vt rebus turbulentissimis, & iam calamitate pressis, serius aliquando ea sapiant, quæ in summa copia longè antè potuissent præuidere.



In Rhododaphnem.
Scriptura sacra gladius anceps.



*Nobilis aspectu foliisq; virens Rhododaphne,
 Dicitur agrotis esse medela viris:
 Tollit & humano conceptum in pectore virus,
 Et laesis adfert artubus antidotum:
 Bruta tamen folijs animata extinguit eisdem.
 Hæc sunt scripturæ non aliena sacre.
 Illa pios rectæ cæli deducit in axem,
 Sed nigrum reprobis addere Theta solet.
 Et licet hac toto nil sit præstantius orbe:
 In latum errorem noxia corda trahit.*

Nihil est vel præstantius vel melius à Deo optimo maximo hominibus datum, quàm ea disciplina quæ quondam per Moſen & Prophetas tradita, nuper etiam per Meſſiam domini renouata, tandem ad nos ipſos peruenit. Neque verò Ptolemæus Philadelphus eam bibliothecam, quam tot millibus voluminum inſtructiſſimam faciebat, magis honorari poſſe exiſtimauit, quàm librorum Moſis & Prophetarum acceſſione. Nam cum Eleazaro principe ſacerdotum ſumma contentione per legatos egit, vt nonnullos legis peritiſſimos in Ægyptum mitteret, qui libros illos ex Hebræo in Græcum traderent. Quod cum impetraſſet, quanquam nulla religionis ſocierate ad Iudæos pertineret, non minus tamen ex eo ad nationem ſuam dignitatis & ſplendoris, quàm ad bibliothecam ornamenti acceſſiſſe iudicauit. Iam & nonnulli Hebræorum tradiderunt nulla re magis terrarū orbē vnquam decoratū eſſe, quàm illo ipſo die quo Salomon Ieroſolymorum rex Canticum Canticorum populo deſcriptum & recognitum fecit. Quæ cum ita ſint, miretur opinor quiſpiam illo ſacrarum literarum inſtrumento potuiſſe aliquos in offenſionē deduci. Sed vt rhododaphne herba hominibus contra venena prodeſt, & mirificè in curationibus commendatur, bruta autem animantia omnino delet & perimit: ſic literæ illæ ſacræ viros bonos ad virtutem alacriores faciunt, & ab animis bene informatis ægrotationes depellunt: ſlagitioſos autem & omni ſcelere impu-

ros in salutis periculum vocant, & opinionibus deprauatis omnino labefactant. Nam si volumus vel ab ipsis nascentis Ecclesiæ cunabulis hæreticorum memoriam replicare, nullum ex tam multis reperire possis, qui non sceleratum dogma suum aliquo Euangelij loco firmauerit. Et Mahumetes quidem ipse, quamuis legem mirè cum Euangelica nostra pugnantem suis descripserit, nonnulla tamen ex Euangelio ad impuritates & flagitia sua reuocauit, & nefarium dogma suum etiam Euangelico diplomate adiuuare conatus est. Itaque nō abs re illud est quod Aristo Chius dicebat, nocere „audientibus philosophos, iis qui bene & sapienter dicta male interpretarentur. Quid enim tam „sanctè aut præclare dici potest, quòd nefariorū hominum scelere non deformetur? Quòd si cui nihil magis in vita propositum est, quàm vt se acerrimum veritatis defensorem esse velit, & sapientū iudicio magis quàm suo in illis scriptis versetur, verendum non est ne non ex earum literarū vsu fructus pietatis capiat sempiternos. Si enim veritatis simplex est via, videatur mea sententia desipere, qui eam ad disputationum laqueos tanquam in aliquod verborum pistrinum compegerit. Sed tamen quis Euāgelica nostra, quamuis nudè scripta legens, non impensè diuinitatis & rerum maximarum cogitatione retinetur? Neq; enim quicquam lucis ad veri peruestigationem verborū faces afferunt: neque in rebus magnis pertractandis orationis impetus iuuat, nisi quo primū quæstionis

genere institueris, in eo postremum velis perorare.
” Ac profecto ad nos optimi maximi Dei vox est
” profecta, non ut linguas, sed mentes faceret erudi
” tas. Non igitur sperandum est, ut illis sacrarum li
terarum lectio fructuosa esse possit, qui, si quæ
de religione controuersia inciderit, ad
interpunctiones & verborum no
tas tanquam ad aram
confugiunt.



*In Lamachum ducem.
Seueritas in bello.*



*Lamachus in bello saeuus, versansque secures,
Militibus veniam denegat ille reis.
In castris nulli sit fas peccare secundo:
Exitium praesens vnica noxa trahit.*


F ij

NVLLA re magis imperij & potētissimi prin-
 cipatus maiestatem retineri posse maiores
 censuerunt, quàm rei militaris disciplina: quam
 qui in castris violasset, iussu Imperatoris capitali
 pœna plectebatur. Nam & Lamachus iis qui vel
 leuissimè in bello offendissent, vltimum suppli-
 cium constituit, neque castrorum dignitati con-
 sentaneum esse duxit, si miles secundum deliquis-
 set. Quis enim noxam condonandam putet, qua
 sapissimè totius imperij clades & ruina contine-
 „ tur? Semper autem veteribus Romanis antiquior
 „ castrorum disciplina, quàm sanguinis & coniun-
 „ ctionis fuit: multiq̃ue apud eos sunt inuenti, qui
 vt ius illud militiæ sanctius tuerentur, ne propriis
 quidem filiis pepercerunt. Nam & Brutus is qui
 primus consul factus est, filios suos consiliis reipu-
 blicæ aduersantes cæcidit, & præclarissimum ciui-
 bus suis monumentum reliquit, retinendæ in bel-
 lo seueritatis. Durius etiam Torquatus, qui filiū
 inspectante exercitu securi percussit, quòd certis-
 simæ victoriæ spe iniecta, contra edictum suum
 signa cum hoste contulisset. qui etsi feliciter dimi-
 casset, factum tamen illud propter exemplum pa-
 „ ter notandum existimauit. Semper enim capitale
 „ fuit iniussu Imperatoris hostem laceßere. quod
 qui fecerit, etiam si feliciter & prosperè rem ge-
 rat, temeritatis tamen sit arguendus. Atque
 vtinam iis quos cælestis militiæ milites Iuris-
 consulti nominarunt, Lamachos duces habe-
 remus: non quòd tanta inter Christianos optan-
 da

da sit seueritas: sed vt omnibus sit exploratum, nō minus in illa urbana, quàm in armata militia iustitiam, cæteraque æqui & boni officia coli debere. Quòd si Ethnici in castris iterum peccare pro nefario scelere habuerunt, quod nos sacrum commissum eorum iudicabimus, qui ad militiam Dei publico stipendio cōducti, & velut oratores ex Euāgelicæ legis commentario dati, pro peccatis populi placabilitatem à Domino deprecantur. Mea certe semper ratio fuit, vt bellissimè cum iis qui aliquo in officio degunt, actum esse existimem, si vel ex prima noxa loco suo & dignitate moueantur. Et si enim vel humana mortalitas, vel etiam clementia ipsa, quæ maximè Christianos decet, veniæ locum sit factura: id tamen dignitati & honori quem gerunt tribuendum est, vt nunquam in magistratu toleretur, qui illum aliquo flagitio polluerit. Ex quo opinor illud descendit, quod in Canonibus constitutum est, hominem qui eam quam putabat virginem, cum tamē esset corrupta, duxerit, illa è viuuis crepta non posse sacris ordinibus auspicari. quod non aliquo illius flagitio receptū esse possumus interpretari: cum ignorans, neque delinquere, neq; iure suo potuerit excludi: sed id affert sacerdotij dignitas, cui nisi omni perfecti & virtutis genere cumulati initia
ri ex lege prohibentur.

Antronius asinus.

Animi vires corporis viribus præstare.



Quæ stupidum spectas mirâdo corpore onagrû,
 Venit ab Antronis bellua tarda solo:
 Huic caput immensum, moles quoq, corporis ingès
 Prædita sed nullo est machina tanta sale.
 Quid præstât passis immania robora membris,
 Si caret eximijs dotibus ingenium?


APUD omnes fere populos robore & corporis forma præstare, semper in laude positum est: Persæque quia eos qui nasum aquilinum haberent, specie egregios esse existimabant, nusquam aliquem in regnum admiserunt, nisi qui ea forma præditus esset. Et in sacris literis Moses forma præstantissimus perhibetur, quasi ad tantas illius laudes, quibus facillè reliquis præluxit, hac etiam nota fieret accessio. Cum enim in aliquo corporis partes apta compositione membrorum magno cum lepore consentiunt, ea certe res intuentium approbationem mouet: unde euenit, ut qui se ad scribendas summorum virorum historias applicauerunt, pulchritudinem corporis oratione attingant, quòd eam rem etiam in homine laudando valere putent. Quod opinor cum ratione dicitur, si aptæ illi membrorum compositioni mores non aduersentur. Pessimè enim se res habet, cum in pulcherrimo corpore animi forma non elucet. Vnde, præclara illa de Nestore apud Homerum Agamemnonis vox:

Αἰγὰρ ζεὺ τε πάτερ καὶ ἀθηνάη καὶ ἀπόλλων „

Τοιούτοι δέ κα μοι συμφράδιμονες εἴεν ἀχαιῶν „

Vtinam, inquit, ò Iuppiter pater, & Pallas & Apollo, tales mihi decem consiliarij essent Achæorum: neque enim Aiaces decem corporis viribus præstantes sibi dari cupiebat, sed Nestori similes decem: qui quanquam tum esset affecta iam ætate, tamen reliquorum vires & lacertos animi

vi præstantissimi regis testimonio superabat. Darius quoque se malle Zopyrum vnũ habere, quàm centum Babylonas capere prædicabat : neq; enim quondam fortissimi illi Imperatores magis armata vi, & validissimis copiis, quàm animi consilio præclarissimas victorias domum retulerunt. Vnde Fabius Maximus Annibalem Romanorum aris focusque imminentem patientia fregit, quem tamẽ alij summis exercitibus non domuerat. Qui autem ex eo numero sunt quos antiquitas Iouis filios appellauit: quique robore & corporis habitu excellentes habentur, neque tamen quicquam tãtarum virium expectatione dignum audent, hos verius Antronicos asinos quàm homines appellamus.



In libram Critolai.

Nihil virtute melius, nihil præstātius.



*Desine Tartareis animum oblectare metallis,
Nec refer in trutinam quicquid Erytra
parit,*

*Et prensatorum stulti damnentur honores,
Et iaceat nostris ambitus ipse focus:*

*Sola sit in pretio virtus, qua pondere iusto
Critolai in librac ætera sola trahit.*

F v



NARRATIO PHILOSOPHICÆ.


CRITOLAUS nobilis Peripateticæ sectæ
 Philosophus, cum Aristotelis sententiæ doc-
 trinaque successisset, quæ ex tribus bonis summum
 hominis felicitatem constare affirmabat, sic ta-
 rem totam à Stoicorum opinionibus magnopere
 discrepantē temperauit, ut animi bonum ex
 libræ parte collocaret, reliqua autem corporis
 fortunæ bona in aliam coniiceret. Cum autem
 eam in altum sustulisset, ea pars quæ virtutem
 hoc est animi bonum contineret, tanto erat al-
 tius depressior, ut suo pondere faciliè terras & ma-
 gis subleuaret. Ex quo, opinione bene iudicantis
 consensus inter Stoicos & Peripateticos efficitur.

” Et si enim Stoici, virtutem ipsam suis præsidia
 bene beatæque viuendum contentam esse puta-
 rint, nonnihil tamen corporis & fortunæ bona
 quæ præposita aut producta appellabant, tribu-
 runt. ea enim si homini ad sint, virtutem ipsam c-
 ciunt pleniorē. Nam neque fortitudinis laus
 ne corporis bonis probè elucere potest, neque
 liberalitatis officia aptè retineri, nisi fortunæ bona
 suppedient. Peripatetici verò quanquam tribu-
 unt bonis felicitatem concluderent, virtuti tamen
 reliqua corporis & fortunæ bona proxima, sed lo-
 go interuallo proxima statuerunt: quòd in illis
 sit aliquid, quod sine virtutis comparatione sp-
 ctare possis. Nam ea si ad honesti præstantissimas
 actiones referas, neque secundo, neque tertio
 co consistere videantur: Quòd si nihil dignū lau-
 ” iudicari debet, nisi quòd est perpetuum, non-

certè vero consentaneum, ea in laudandis & valde
appetendis ponere, quæ temporis diuturnitas, vic-
ta & caduca sit effectura. Et imperia quidẽ cedũt,
& regna, & principatuum splendor obscuratur: „
at illud vnum remanet, quod virtute & honesta- „
tis actionibus perfeceris. Quòd si tam virtus om- „
nibus rebus præstat, vt non tantũ eos æternos „
efficiat in quibus insit, sed & ipsa sit sempiterna, „
quis non lubens dimicationem omnem pro il- „
lius ornamentis suscipere sit paratus, vt ei
omnibus modis inseruiat, quæ non
modo sibi viuonõ eripietur,
sed ne mortuo
quidem?



*In Herculem adhuc iuuenem.
Inuentus virtuti initianda.*



*Dum vitā primū ingreditur Tyrinthius heros,
Valde animi pendens constitit in trivio,
Hic via se partes coram findebat in ambas,
Quæ dubij excruciant fortia corda ducis:
Vna voluptatis longo latissima calle,
Altera virtutis margine clausa breui.
Sed pius Alcides nulli virtute secundus,
Arctum virtutis se dedit in gremium.
Scilicet hæc ista est ineuntis semita vitæ:
Nam virtus hominem sola beare potest.*

NARRATIO PHILOSOPHICA.

HERCVLEM cū primū pubesceret, narrat Xenophon in solitudinē exiisse, atque ibi sedentem secum diu multumque dubitasse; cum duæ illi in oculis viæ versarentur: vna virtutis, altera voluptatis, vtram ingredi sibi magis expediret. Is vt erat ad omnia summa natus, nullis delitiarum & oblectamentorum illecebris ab illa malorum omnium esca voluptate affici potuit: tamque ille imperauit sibi, vt in omni officio ducem virtutem sequeretur: cuius adiumentis instructissimus, fortiter & maxima cum gloria etiam vsque ad plaudite actum illum vitæ confecit. Nam pessimis monstris quibus itinera tenebantur, terrarum orbem perpurgauit, tantumque domesticis victoriis gloriæ meruit, vt & ἀλεξίκαν & diceretur, & in numerum deorum quos in cælum merita euocauerant, referretur. Posteritas enim beneficiorum memor, iis qui rerum gestarum splendore fuissent clari, semper hoc iudicij & beneuolentiæ tribuit, vt illis definitum in cœlo locum esse existimaret, vbi beati æterno quo cū diis immortalibus frueretur. Quod igitur Herculi adhuc puero Xenophō cōtigisse scribit, id etiā adolescētes omnes in se possūt experiri, vt ineūte ætate consulto deliberent, quos se & quales in posterum esse velint. Quæ deliberatio etsi pueris difficilis est, res tamen facilè explicabitur, si se potissimum ad id vitæ genus contulerint, in quo virtus maximè eluceat: quod iis opinor non arduum fuerit, quibus virtutis gloria à patribus in hæreditate

tatem relinqui solet. Natura enim accidit, vt in eo filij se maximè exerceant, quod patres impēsē ad-amarint. Quibus autem tantum beneficium fortuna non concessit, quia ex domo non habēt quorum facta & dicta cum laude ne meminisse quidem possint, externas familias in consilium adhibeant, & eos ipsi sequantur, qui cum præclara illa ciuitatum gubernatrice virtute, æternam sibi gloriam pepererunt. Quis enim tā vulgi aut suorum opinionibus obruitur, cui non species illa honestatis qualibet voluptate magis eniteat? Et certè qui ita se gerunt, vt eos vel peccare delectet, etiam si nō sit causa, facile tamen primas dignitati tribuunt, & suis ipsi iniuriis miserimè cruciantur.

Ad Salamandram.

In milites.



Imbrifer autumnus vitales addidit auras,
 Temperies fecit te Salamandra mori.
 Captat opes miles tunc cum furialis Enio
 Euocat emeritos ad fera bella duces:
 Quòd si percussa iurentur fœdera porca,
 Pauper in exigua deficit ille domo.

NARRATIO PHILOSOPHICA.


SALAMANDRAM inter cætera animãtia duæ
 spotissimum res mirabilem reddiderunt: vna
 eaque omnibus ferè nota; quòd contra natura
 ordinem in igne aliquo tempore sine iniuria de
 gat, & in mediis flammis spirabilẽ animũ ducat.
 Altera quòd nisi summa tempestate & maximis
 imbribus in vitam ingrediatur: verni autẽ tẽporis
 serenitate deficiat. Cui appositè similes videri pos
 sint ij, qui militiæ sacramento obstricti sub ali
 quo imperatore stipendia faciunt. Nam simul
 atque aliquis nouus motus classicum canere cœ
 pit, homines illi studio pugnæ aut prædæ ex um
 braculis suis in clamorem, in solem, in castra eru
 punt, atque in summa cæterorum calamitate &
 turbulentissimis reipublicæ temporibus, soli
 rem, soli quæstum faciunt: & quasi ex longa ali
 qua ægritudine ad aspiciendam lucem euocati
 pristinam incediam solantur, vt propemodum so
 lis illis in patriæ luctu & orbitate fortunatissi
 mis esse liceat. Fortunas curialium suorum diri
 piunt, patrimonia egentium euertunt, sibi vi
 uunt, agros depopulant, vrbes incendio, ci
 ues cæde, fundos lasciuiã infestant: & quod lon
 gè miserrimum est, maiore aliquando homi
 nes suos quàm hostes damno afficiunt. Quòd
 si confecto bello prospera aliqua fortuna otium
 pacemque inuexerit, videas homines se sibi pro
 pemodum immutatos in summa paupertate iace
 re, & quòd cæteris vberimos commodorum &
 quiet

quietis fructus affert, id illis & perniciosum, & inimicū est. Neque tamen velim eorum vtilitates imminuere, qui pericula & hostium offensiones à patrię ceruicibus depellūt, & corporibus suis adiutum inimicis intercludunt, quosque maiorū memoria ius ciuile tot beneficiis honorauit. Sed monendi sunt polemarchi, & ij quos leges præpositos vocant, vt cohortes suas rapinis & vi prohibeant, neque eas in amicorum & sociorum agros excurrere patiantur. Nam si tanta fuit apud veteres in re militari religio, vt cum hoste dimicare fas esse non putarent, nisi prius Paterpatratus bellum indixisset: cum his iustum bellum susceptum possit videri, qui & in fide sunt, quibusque nullū bellū indixeris? nisi frustra in bellis cautiones equitatis perscribuntur, quibus promulgatis, vt ait Ennius,

Tollitur è medio sapientia, vigeritur res.

G


*In equum generosum.
Ne quid vltra vires.*



*Conabatur equus dominus gratissimus esse,
Si celer iniustum sponte subi et onus:
Verum ubi stans primo vestigia limine pressit,
Mergitur ignarus roboris ille sui.
Dum putat occidua moriens respublica Sortis
Luminibus claris Hellados obstruere:
Et probitate alijs longe praestantior esse
Concidit infelix pondere victa sua.*

NARRATIO PHILOSOPHICA.

MOSÉS & legum descriptione, & exercitus summi, quem à Domino acceperat moderatione omnium facillè princeps, infinitas propemodum de sacrificiorum ritibus & sacerdotum officio cautiones libro vno est complexus. Et quamquam eos quos sacris obeundis præficiebat, omni virtutis & honesti forma ex sententia summi Dei excellere debere statueret, nullum tamen de cælibatu eorum quos לויים & כהנים scriptura appellat, capitulum promulgauit. Iam & multis post sæculis IESVS, ex legis illius commentario se Messiam gerens, licet authoratos suos ad nouum quoddam perfecti genus traduceret, partem tamen illam ne attigit quidem. Et Apostoli qui eum in sermonibus audierant, & cæteri etiam qui post eam vocatu Domini illorum disciplinæ se adiunxerunt, quamquam omnem pro ornamentis legis dimicationem susciperent, neque quicquam illis de esse videretur, quod cum virtutis actionibus coniunctum esset, nihil tamen in eo genere edixerunt. Qua in disciplina & posteri qui se ad eandem religionem contulerant, longo tempore usque ad concilium Nicenum sine controuersia constituerunt. Quò cum ex omnibus nationibus episcopifrequentes conuenissent, visum est & clericorum muneri maximè consentaneum, & à dignitate concilij non abhorrens, si nouo exemplo de cælibatu sacerdotum ad conciliū referretur. Cumque omnibus ferè sententias rogatis, eò iam propendere conuentus videretur, ut cælibatū in Ecclesiā indu-



ceret, inuentus est Phanutius quidam, qui grauiſſima ſententia dicta à concilio impetrauit, vt ea res ſingulorum voluntati donaretur. neque enim exiſtimabat eorum pietatem, qui etiam ſi id ſtatutum non ſit, præſtare eſſent parati, lege lata minuendam: illos autē quos ad id incitari poſſe diffidebat, cogi fas eſſe non arbitrabatur. Cuius ſententiæ tantū valuit authoritas, vt eo conſilio in clerum nihil noui ſit conſtitutum. Poſt verò ſedente Calisto pontifice, cū quodammodo à præſtantia & ordine cleri alienum eſſe videretur, non aliqua perfecti ſignificatione ſacrificos homines prophanis præluce, flagitante occidentali Eccleſia de cælibatu ſacerdotum nouum decretum perſcriptum eſt: quod etſi ſacerdotibus Græcis non placuiſſet, tamen ad hæc uſque tempora noſtri homines conſtans & perpetuum eſſe voluerunt. Cui licet præſtantes viri & pontificiæ libertatis acerrimi vindices ſint aduerſati, optandum eſt tamen vt qui id vitæ genus arripuerunt, in eo piè & ſanctè verſentur, neque tantæ pietatis ſciturum, ſordibus & illa imitatrice boni voluptate adulterent. Quid enim in ſacerdotio tam ſplendidum aut tam præclarum eſſe poteſt, quod iſtis ſordibus non obſcuretur? Iam qui primi continentiæ legem in eccleſiam inuexerunt, eò potiſſimum ſpectabant, vt clericos ſuos rerum diuinarum imitatione Deo propiores facerent. Qui autem publicis ſtupris ſacerdotia dehoneſtant ſua, non video in quo concilij ſententiam aſſequi poſſint. Quod ſi matrimonij negotiis implicari, & ordi-
ni, &

ni & maiestati clericorum conueniens non est,
 non erit opinor ferendum, tantam dignitatem in
 luce omnium nefario scelere deformatam iacere.
 sunt enim homines qui in rebus contrariis parum
 sibi constant, matrimonium seuerissimè fugiant,
 in omnibus autem voluptatibus & stupris videā-
 tur molliores. Ac sane non est consentaneum ali-
 quos esse, qui quæ in aliorum facultate sunt po-
 sita, sibi licere nolint: quæ verò sunt & flagitiosa
 & vetita sibi omnino concedant. Itaque monen-
 di sunt ij quibus Ecclesiæ dignitas & salus periu-
 cunda esse debet, vt eos clericos qui de concubi-
 natu & aliis sceleribus rei peragentur, quia virtu-
 tis specie in officio retinere nequeunt, legum se-
 ueritate à noxis reprimant, & pœna conciliorum
 coërceant. Absurdum est enim, vt qui vulgo & le-
 uiter doctis in exemplum sunt positi, illis peccan-
 di illecebram afferant. Quòd si olim quæ Vestis sa-
 cerdotes nominabantur, si qua illis violatæ pudici-
 tiæ labes inuri posset, tantas pontifici maximo
 pœnas dabant, vt viuæ in terra ex lege defoderē-
 tur: quæ iis afferri poterit iniusta nex qui Dei sum-
 mi & æterni sacerdotes dicti, contra Euan-
 gelica præcepta, maiorum instituta, &
 disciplinam temporū sacra sua
 nomine impudiciæ cō-
 scelerato labe-
 factant?



Ad statuam Bacchi.

In πολυσάρκῃς iudices, pretio positos.



Bacche pater, index apianainfignis in vna,
 Patrios inter dinumerate senes:
 Disce coronatis modicè crateribus uti,
 Non est in multo mens bene doctamero.



A L I V D.

Pampineis Lenæ pater redimite corollis,
 Fascia cui longum cingit odora caput:
 Cui philira intexta præcingunt tempora vittæ,
 Inficit & rubeas vva Falerna genas:
 Cuique graui exundat pedes abdomine veter,
 Iuræque lætitiæ dicere esse dator:
 Quæ te adlegerunt nostris suffragia vestris?
 Quæ tibi in orchestra fata dedere locum?
 Quæ vota in nostrum te conscripsere senatum?
 Vnde tibi latus clauus, & vnde toga?
 Te iurata latent sancti consulta senatus,
 Te legum & iuris pagina sacra fugit:
 Quid disten: nosti cellis Chia vna Falernis,
 Ergo tibi vitæ sit status ille tuæ.
 An te patritium regina pecunia fecit?
 Illa magistratus vna creare potest:
 Nostra quoque ignavis subsellia cõplet onagris,
 Et queritur populus iura deesse sibi.
 Ecce igitur stomachans rubricâ tendit Apelles,
 Ne sutor soleas egrediare tuas.

G iiij

NARRATIO PHILOSOPHICÆ.

SE MELES filium non solum noua vinearum descriptione, sed & Africæ Asiæque triumphis clarum Indi apud Nysam, beneficiorum memores in templis suis, deinde & nostri in subselliis locauerunt: in quo quanquam ea corporis forma eluceat, quæ procul ab omni studiorum contentione nullam scientiæ doctrinæque significationem habet, credendum est tamen illi aut pecunia, aut gratiosorum suffragiis, tantum dignitatis gradum inter suos obtigisse. Cui enim plus palatum quam cerebrum sapit, cui in immanibus poculis & epulari conuiuatione omnia sunt, qui iuris sorbendi magis quam dicendi peritus est, qui denique nullum scientiæ genus cognitione attigit, is aliqua sua excellenti virtute, aut priuatis in remp. benefactis tantum in senatu locum videatur esse consecutus? Quod si aliquis nostrum forte miretur, quo tandem modo eiusmodi homines eum vitæ cursum tenere potuerint, ut tandiu nullo aduersante munus illud tueri possent: est certe quod miretur magis, aliquos ex eo numero esse inuentos, qui forte lites & controuersias longo tempore terminarent; quibus si impunè nullo usu, nulla subiecta scientia in illis honoribus versari licuit, quæ tanta in obæsis & bardis hominibus impeditio est, quo minus eas munerum renuntiationes quas per coëmptionem ere & libra factam sibi parauerunt, obire possint? Nam cur reddendi iuris necessitatem pretio non proscribant, quam summa pecunia sibi prensauerunt? Cur eas leges in officij adminis-

nistracione diligenter colant, quæ si fuissent obseruatæ, in magistratu illo nunquam essent designati? Neque verò in litibus finiendis ius consiliariũ coguntur adhibere, in quo illi nihil operæ & laboris posuerunt. Si enim antiquitus antequam ullæ populis leges essent descriptæ, qui sententias ferebant, bene ad æquitatem, & ad litigantium leuationem appositè putantur iudicasse, cur non isti homines principem illam naturæ legem sequentes, optimè rem quæcunque in quæstionem cadet poterunt explicare?

G v



In rabulas & operarios lingua celer.

Parcè & ad clepsydram loquendum.



*Oranticlepsydra modum praescribit, & hora
Declamatorum fixa tacere iubet:
Sedula ponatur celericustodia linguae,
Sape loqui nocuit, sed tacuisse iuuat.*



NARRATIO PHILOSOPHICA.

PROCLAMATORES & rabulæ de foro quos λογολαυδάλως, & artifices sermonis Plato vocat, plurimum se facultatis ad iudicia afferre putant si eas causas quæ ab æquitatis rationibus longè sunt positæ, verborum vel inanium strepitu, & quodam quasi sono apud iudices tueantur. In quo non vident hominès veteratores id natura partum esse, vt quò res aliqua à veritate & æquo & bono longiùs absit, hoc dicendo & eloquendo magis sordeat & inquinetur. Quis enim verborum impetus, quis splendor orationis tantus esse potest (nisi penitus apud hominès insipientissimos sit dicendum) qui iniustitiam ad præsidium æquitatis deducere, aut impurum aliquod facinus adumbratione honestatis possit prætexere? Vnde & vetus mos ille fuit ad clepsydram declamandi, ne longius extra pensum munusque suum oratores excurrerent. Quo in genere qui offendissent, pœna pro sedentis arbitratu multabantur. Ex quo & illud profectum est, bos, „ per linguam. Iam verò, vt Cicero author est, „ tate sua amplissimus ille ordo iudicum tantum apud exteras nationes, ob iudiciorum corruptelam iudiæ contraxerat, vt ei qui eloquentissimum & fortem ad resistendum oratorem, aut etiam pecuniæ subsidia maxima haberet, causa cadere nò liceret. Itaque referente Pompeio lex lata est, vt is cui ad agendum potestas facta esset, ternis horis

horis causam peroraret. Nā si veritas vna in iudiciis dominari debet, amputanda est illa verborum luxuries, quæ se magis & magis profundit. Et profecto præclarissimū fortitudinis & libertatis testimonium ab omnibus Græcis Vlyssi redditum est, quòd Therfitem in concione liberius agentem, & quasdam veluti verborum faces Agamemnoni admoventem dicendo repressisset, & hominis importunissimi loquacitatem præsentī iracundia retardasset,

μηδ' ἔτι, inquit ille apud Homerū , τηλεμάχοιο πάτερ
τηρ κεκλημένους εἶναι

Εἰ μὴ ἐγὼ σε λάβωρ, ἐπὶ μὲρ φίλα εἰμᾶτα δύσω

Χλαυνάντ' ἢ δὲ χιτῶνα, τὰ τε αἰδῶ ἀμφικαλύπτει

Αὐτὸρ δὲ κλαίοντα θοὰς ἐπὶ νῆας ἀφίσω

Πεπληγὼς ἄγῳρ' ἔθεν ἀεικέσσι πωλιγῆσιν .

Neque enim ferendi sunt illi qui ex conuiciandi licentia, & flumine orationis in causis agendis gratiam & momenta aucupantur, aut cum causæ suæ iudices parum propitios senserint, dicendo diem eximunt.



*In simulachrum deæ Agenioræ.
Silentium.*



*Qui nequis indomita præbere repagula lingua
Et futilem multo scommate vincis anum,
Quique tui demens prodis consulta senatus,
Si sapias à nostra discere tacere dea.*

NARRATIO PHILOSOPHICA.

A GENIORAM silentij deam veteres summi obseruantia in templis suis coluerunt. illam enim rerum celandarum gloriam tantæ dignationis esse sunt arbitrati, vt eam numinis alicuius præsidio & tutela consecrarent. Quo in genere tantam in Pythagora valuit religio, vt discipulos suos potius tacere quàm loqui doceret: neque quemquam pro discipulo agnosceret, nisi qui quinquennium tacuisset. Quis enim probè loqui potest nisi diu multumque siluerit? Vnde & extat

» vetus illud, semper esse tacendum nisi cum taci-

» turnitas nocet. Et Cneus Pompeius cum piratico bello à Gëtio rege interceptus, secreta populi Romaniproferre iuberetur, digito ardenti lucernæ

» admoto constantissimè renuit, inquit, se potius


» eiusmodi cruciatu vitam, quam senatus secreta

» profusurum. Metellus quoque tam sanctè laudem illam coluit, vt se non dubitanter vestem incensurum affirmaret, si eam suorum consiliorum participem esse posset suspicari. Iam & Romani, iuuenes suffragio & senatus ingressu prohibuerunt, quòd ætas illa ad detegenda senatus acta inuitare videretur. Quo magis nōnullos miror qui apud nos consiliorum in republica socij amplissimas dignitates gerunt, iusiurandum illud quod magistratum suum primùm ineuntes præstiterunt, tam parui facere, vt ei parti cui officiosi esse volunt, collegarum sententias & senatus propensitatem renuntient. Quod etsi decretis principalibus satis prohibitum est, eo tamen est detestabilius quòd is

cuius

cuius res agitur de senatus voluntate certior factus, id contendit, vt eos quos sibi in eo ordine aduersantes cognouerit, de sententia deducat, & quacunque ratione causæ adiungat suæ: qui si nullo tot precibus & concursationi suæ locum relictum esse videt, illos pecunia & gratia non desinit oppugnare. In quo admonendi sunt, ne priuatas necessitudines & amicitias senatus grauitati, dignitati ordinis & iudicandi religioni anteponant: neve committant, vt eos quibus hoc officij præstiterunt, aliquando facti sui insectatores habeant.





Dorica musa.

In iudices *Δωροφάγος*, quibus plus placent
libelli ferentarij quàm supplices.



sicupis esse fabas, populo suffragia vendens,
Et si sola tibi Dorica musa placet:
Iam procul à nostro demens abscede senatu,
Non sunt natura commoda vòstra tua.
Quì poterit recto sententia cedere talo,
Alier si dederit sercula multa cliens?



NARRATIO PHILOSOPHICA.

QUEM AD MODUM ex fœminarum genere
 quasdam prodidit vetustas manus habere
 oculatas, neque quicquam credere, nisi quod &
 videant & pertingant: ita certè quoddam est ho-
 minum genus, cui iustiùs natura oculos in mani-
 bus quàm in fronte locauisset. Iis tanta est in tactu
 sagacitas, vt nisi eo sensu moueantur nunquam.
 Hos Homerus antiquissimus poeta *Ἀγορῶν* vo-
 cat, quòd in summis magistratibus obcùdis & pas-
 sum, & omnia, & ab omnibus acciperent, & facile
 quo se cunque verteret pecunia sequerentur. Qui
 igitur ita se gerunt vt & religionem, fidemquæ suã
 & quod in dignitatibus elucet maximè, cupidita-
 te sua abducant ad mercedem, cumulatius opinor
 fecissent si se vel argentariæ, vel mercaturæ
 quòd eorum natura propensitate quadam fereba-
 tur, dedidissent. Nam quid eum ex iis artibus quæ
 fructuosæ esse solent, sperare oportebat, qui ex re
 lucro & commodis separata vtilitatem & fru-
 ctum capit? Sed tamen tata est in nonnullis homi-
 nibus cupiditatis sitis, tanta in facienda pecunia
 incitatio, vt illos nulla res sine lucro effugiat. In ge-
 renda republica priuatis commodis inseruiunt,
 sacras illationes fœnerantur, pupilli opes & pecu-
 niam ad domesticam rationem & vsuram conse-
 runt, Ecclesiastici patrimonij reliqua calendario
 ascribunt, denique ita viuunt vt nullam vitam
 sine lucro esse existiment. Quibus musa Doricã
 probatur solùm, ad cæterorum autem modorum
 concentum aures omnino illis obsurduerunt. Et

quemadmodum Vespasianus etiam ex lotio vetigal non recusauit, ita illi ex hominum facinoribus & turpitudine dona accipiunt, neque quicquam sordidum esse putant, si modo vtilitatem habeat. Bene igitur maiores, qui vt à publicis muneribus cupiditatem remouerent, contra eos magistratus qui in minimam auaritiæ suspiciōem venissent, grauissimas quæstiones habuerunt: nefas esse iudicantes, illos quorum descriptione populus & melior & locupletior fieri deberet, popularium fortunis insidiari, & aliquo tenuioribus hominibus oneri aut damno esse. Neque enim firmitus rempublicam stare posse putauerunt, quam si infimi homines sine aliqua offensione & iniuria inter principes ciues versarētur. Iam & magistratus petitori, liberalitate & ludorum magnificentia populum sibi adiungebant: nonnullisque Ædilitatis prætermisio, in Prætura & Consulatu repulsa attulit. Tantum enim in bene morata ciuitate ratio valuit, vt non tantum qui populo præerant ab eo nihil exigerent, sed etiam quibuscunque officiis & congiariis in amicitia retinerēt. Ad quod etiam & diuina monumenta nos ipsos exuscitant, vt pupillos viduas & exteros obsequio aliquo demereamur, & illis ad omnem meritorum rationem parati simus. Quibus Iustinianus Imperator tantum iudicij & beneuolentiæ detulit, vt illis se velut specialem iudicem daret, & eorum causas in auditorium suum induci à sua maiestate minime alienum iudicaret. Qui autem nihil aliud agunt, quam

quàm vt ex popularium fortunis fiant ditiores,
& qui in reis absoluendis vel damnandis venalitiariam vitam faciunt, his certe ad
ea munera in quibus degunt, nihil opis esse potest.

H 13





*In friuolarium emptorem. Ex Diogene.
Homines oratio probat non vestis.*



*Explorat Samiuni tinnitibus emptor abenum,
Et probat elicito friuola vasa sono.
Sed nos diuitijs homines utcunque probamus,
Cum vox ipsa paret certius indicium.*



NARRATIO PHILOSOPHICÆ.

QVI vasa figlina à friuolariis emūt, ne postea contractis rebus cognitionem ab Ædilibus cogantur impetrare, ea tinnitu probāt, & explorāt atq; eo iudicio, vēditoris more improbato in cālido rei vitio versantis calliditatē effugiunt. Quorum prudentiam vtinam imitarētur illi, qui quasi iurati de hominis dignitate iudiciū ferunt. Quæ res si hodie in disceptationem cadat, non ad orationem, qua vna animantibus brutis præstamus, sed ad vestem & patrimonium omnis mediussidius oculorum coniectus esse solet. Quis enim eū non egregium ciuem esse censet, quis ei non devia decedit, si modo opibus antecellat? Quis non cum aditu, suffragio, congressu dignum esse putat, cui sunt amplæ facultates domi? Quis nō illi locuples dignitatis testimonium reddit, si diuitiis & clientelis antecedit? In emendis igitur friuolis suis sonum & tinnitum negotiatores explorabunt: homines autem quibus sapientiæ & maximarū rerum cognitionis partes à natura attributæ sunt, quantum sapientia homo alteri in loquendo præstet, non videbunt? Cycnea certè illa, & planè regia Alexandri ad Diogenem vox, nisi (inquit) Alexander, essem, Diogenes esse vellem. Sed fortasse alter melius, qui sapientem nulli hominum concedere, vno autem Ioue minorem esse prædicauit. Nam sapientia ipsa tam radices agit & propagatur, vt etiam post aras, hominem consequatur. At ea quæ corporis & fortunæ bona appellantur celeriter decidunt, multosque in medio ætatis flexu

omnes autem post mortem æquabiliter deserunt.
» Et quemadmodum Cato dicere solebat, magno-
» pere mirari se quomodo non rideret aruspex, aru-
» spicem cum vidisset. Sic fortasse non iniuria sit mi-
randum, cur qui opibus & fortunæ prosperitate
mirabiliter excellit non rideat, cum homini iisdē
rebus perquam abundanti occurrerit. Nam sicut
qui in fabulis personam agunt, propter nouitatem
vestis quæ subito sit deferenda, quibus in via pro-
cesserint risum mouent: sic homines potentissimi
fascibus & barbarorum custodia stipati, Heracli-
tis miserationem, Democritis fortasse risum
moueant, quòd confecto isto vitæ actu
nulla re iis qui è fece populi sunt
superiores appa-
reant.



In amicitiam simulatam.
Ex Diogene.



*Implicitis dextrā digitis qui præbet amico,
Hūc fuge: nā nihil hic quod redametur habet
Non fronte aut vultu fidus cēsetur amicus,
Verus enim à summo pectore manat amor.
Simile ex Plauto.*

*Qui dextra ostentat panē, lapidēque sinistra
Occulit, incerta Sponsor amicitiae,
Et qui sinceri vultum mentitur amici,
Cymmerias sese conferat in tenebras.*

NARRATIO PHILOSOPHICA

HOMERVS infestissimos sibi & quasi ex furiarum genere statuebat eos, qui aliud in promptu gererent, aliud verò in promptu & haberent & loquerentur. Tales Plautus veteris comœdiæ author facetissimus dextra panem porrigere, sinistra autem lapidem occultare dixit: quòd eos quorum se cupidissimos & amantissimos esse testatò prædicarent, remotis arbitris incesserent. quæ res mea sententia tam ipsi amicitia pugnât, quàm quæ maximè. vereque illud dicitur, nullam in amicitia pestem esse maiorem simulatione & blanditiis: perniciosaque est hominum assentatio omnia ad voluntatem, nihil ad veritatem loquentium.

» Nam si amicitiam Pythagoras æqualitatem esse dixit, & cum vnus animus fieret ex pluribus, quæ tandem ratione ius illa suum tuebitur, si alterius animus sit lubricus, varius & multiplex. Qui igitur blanditiis in aures nostras influunt, nulla autem re eorū animus ad beneuolentiæ actiones adduci potest: taliū amicitias nō dissuēdas, sed penitus discindēdas esse arbitror. Neq; enim amicitia laudem ferre potest, qui præstantissimā illam de homine bene merēdi rationem, qua nihil est naturæ hominis accommodatius, metitur cupiditate & commodis suis. benèq; Diogenes monebat, vt ab iis omnino caueremus, qui dextrā in pugnū cōtra etiam amicis præbent, alteram autem manum sub pallio occultant. Neque enim ex gestu fides ipsa perficitur.

perspicitur: sed qui in eo sunt, vt sibi aliquem amicitia adiungendum putent, hoc in primis præceptum tenere debent, vt nulla re amicitiam inferiorem constituent, neque quicquam prætermittant, quod ad officium beneuolentiæ pertineat. Quo in genere beneficentiæ cautiones erunt adhibendæ, quæ iubent ei plus esse conferendum, qui nobis consanguinitate est proximior. Quæ qui cum ratione faciet, non video in quo vxoris, aut filiorum accusationem reformidare possit. Odiosum est enim cum à filiis parentis largitoris honesta liberalitas in inuidiam & crimen prodigentiæ vocatur. quasi verò paternæ gloriæ hereditas quolibet patrimonio filiis non sit, magis appetenda: neque enim tantum filiorum charitati tribuendum est, vt aliqua vitæ nostræ pars officio vacet.

H 5





Exemplum leuitatis

In Leguleios qui doctores iuris cōtēnūt.



*Scripta magistrorū iuris qui negligis, & quem
Concisi textus lectio nuda inuat:
Et calamistrata queris tectoria lingua,
Verbāque rhetoricis vermiculata modis:
Et tantum scripto laudas in iure leporem:
Anne potest similis moribus esse tuis,
Qui vim sanandi medicatis spernit in herbis?
Quemque meri solum mulcet odoris amor?*



NARRATIO PHILOSOPHICA.

Qui ea quæ quondam à principibus illis iuriconsultis acceperant, & vberius & cumulatius libris tradiderunt, hoc forsitan nonnullis probantur minus, quòd ciuilem disciplinam quibusdam quasi verborum stellis illustratam, nullo ornatu, nullo orationis flore, & sæpissimè verbis putidis & nouatis posteritati mandauerunt. Quibus temporum illorum vitia, meo iudicio, ad veniam sunt suffragatura. Quid enim facultatis ad ius ciuile pertractandum sit allaturus, qui doctorum penuria eloquentiam ipsam attingere non potuit? His opinor si ætate nostra nasci contigisset, eos forsitan omni eloquentiæ laude superassent, qui illorum scriptionem totam tanquam horridam & hiulcam fastidiunt. Et si enim (vt Cicero author est) prodere quenquam literis cogitationes suas, nec eas disponere, & illustrare dicendo, nec delectatione aliqua permouere lectorem, hominis est intemperanter abutentis & otio & literis: eorum tamen institutum minime contempserim, qui neglectis verborum ornamētis, totos se ad rerum pondera & momenta contulerunt. Neq; verò tā me aliquorum quotidiana sine vsu loquacitas, aut de scholis cantilena mouet, vt illorum furiosum dicēdi genus nulla subiecta sententia aut doctrina, aliorum monumentis anteponomam, qui res magnas nulla adhibita orationis copia, scientissimè & ex arte tractauerunt. Quid enim tam stultum, aut infantia simile esse potest quàm impetu orationis ferri, & quasdam veluti

luti verborum faces admouere, nulla proposita
& quæstione. Verbi enim controuersia solum eos
in scholis torquet, contentionis cupidiores quam
veritatis: neque quicquam laudant, nisi quod
posse sperant imitari. Dicunt in gymnasiis
apud bonos quidem viros, sed in iure ciuili forsitan
non satis exercitados: faciunt clamores in scena
plausus in theatro, veteres illos magistros iuris
certamen vocant. sed perfacile est vincere, &
mortuos & non repugnantes. Eorum libros paruos
ornatè conscriptos de gentilitate iuris omnino
dimittendos esse censent: in quibus legendis nihil
otij, nihil operæ posuerunt. Et quemadmodum
philosophiam & eloquentiam, cæterasque artes
quæ libero homine dignæ sunt, sermonibus so-
cratis coniunctissimas, quorundam illius sequa-
cium inertia separauit: ita & nonnulli hodie sunt
qui in humanioribus literis voluntate feriati,
rerum tantarum quæ apud recentiores iuriscôn-
sultos recitantur, varietatem & copiam compre-
hendere se posse non confidunt, scientiam illam
quidem, si non difficilem, at vastâ & diffusam
mouent, in solo autem Iuriscônulti nomine
quiescunt. Quòd si tantum sibi sumunt, vt iur-
scientiam veterum librorum cancellis circumscribere
bant, neque quicquam in disceptationem caderet
posse existiment, quod non veteribus illis legibus
explicari queat: habebunt certè me & beneuolentia
& non aduersantè. neq; enim arbitror tantæ
stræ præcludenda via est. Sed alia ratio est
stræ & olei, alia pulueris & fori. Qui enim de

gestu dicunt, illis iuris ciuilis termini latissimè videntur propagari, quòd de clausula scientiæ suæ nunquam discedant. Qui autem in ciuitate iuriconsulti nominantur, séque de quacunque proposita quæstione scientissimè responsuros profitentur, facilè cognorunt quantis in angustiis ciuilibus versetur disciplina. Quòd si illos adducimus, vt hoc sibi persuadeant, habebunt certè & splendoris & commendationis plurimùm, si forenses controuersias quarum decisio à legibus peti nequit, propria animi vi cum ratione definiant. Plerumque autem accidunt forenses controuersiæ, quæ nulla societate & similitudine ad legem aliquam videantur pertinere: facilè tamen eadem illa lege hominè sponte sequentē in sententiā tuam adduxeris. Quo in genere recentiores iuriconsulti mea quidem sententia principes fuerunt, vt quod ex vna lege effici non posse iudicabant, id multis locis & inductionibus comprobarent. Et si enim sua cuiusque est in respondendo existimatio, fatendum est tamen ad eam rem cum dignitate præstandam summa nobis ex eorum libris adiumenta data esse. Quòd si aliquem ex leguleis istis in consilium adhibuero, aut si me repugnantem offenderit, non sit vltra progressurus, aut si non difficilem, hoc sibi debet persuadere, me rem totam non magis arti quàm illius authoritati permisisse. ex quo fit, vt quod in maioribus non comprobant, illud ipsum in iurisprudentiam contentur inducere.



*In Castorem & Pollucem.
Amicitia fratrum.*



*In calo nunquam regnat cum Castore Pollux;
Alternasque tenent Sydera clara vices.
Occiderat Castor, sed fratris grata voluntas,
Dimidium vita iussit habere sua.
Sic pietas & sancta fides, sic gratia concors
Fortunas voluit fratribus esse pares.*



NARRATIO PHILOSOPHICA.

PRAECLARISSIMUM fraternæ amicitiae monimentum veteres in cælo statuerunt, ut homines qui terram incolunt cælestia ipsa contemplantur, astrorum convenientiam ordinemque; imitarentur vitæ modo atque constantia. Nam Tyndaridæ fratres, quorum astra in cælo videmus victoriis triumphisque; terra & mari nobiles, tam sanctè & piè societatis & sanguinis iura inter sese coluerunt, ut poetas tantæ pietatis testes sempiternos relinquerent, tantumque coniunctione illa sibi gloriæ pararet, ut ea totius orbis testimonio in posterum comprobaretur. Igitur Castori iam defuncto, Pollux immortalitatem suam officiosè communicavit, & ut fratri nouo obsequio gratificaretur, alternis diebus mori non defugit. Itaque ex geminis semper occidente vno illucet alter, & utrisque par penne viuendi ratio, est, & societas. Quod exemplum ad retinendam inter fratres amicitiam & communitatem non mediocriter valere debet. Nam quid ad familiæ dignitatem præstantius, quid ad amplificationem patrimonij aptius, quid porro est legi Christianæ magis consentaneum, quam fratribus perpetuam in omnibus æqualitatem esse? Ut enim florētissima quondam imperia ciuilibus suis dissensionibus & intestinis bellis conciderunt: ita & cuiusque familiæ splendor fratrum inimiciis omnino obscuratur: neque diutius stare domus potest, quæ discrepantibus hominum sententiis tanquam procellis huc illuc impellitur & iactatur. Sunt autem quidam homines in domesti-

cor

corum offensionibus per quam moderati, iidem ne minimam quidem patrimonij iacturam pro amicitia facere volunt: in quo si quod damnum acceperint, voluntarias inimicitias in suos nō dubitanter suscipiant. Tandiu enim sibi tuendos amicos volunt, quandiu sibi de patrimonio suo nihil decedat. Apud eos honorificè & cum magna consanguinitatis testificatione appellari, iudicatur fratris esse loco: prensare dexteras, seque mutuo & amicè cōplecti, & cœnam vltro citroque condicere, non vulgare pietatis & fraternæ amicitiae putatur indicium: quod si rationibus tuis afflictis ab eis tenuitatē tuā aliqua re credita leuari velis, in eo genere tibi adiumento esse, nō existimāt neque ad sanguinis neque ad amicitiae rationē pertinere. Tales certe qui sunt nō modo nō cōsanguineos & amicos, sed ne homines quidē in tāta inhumanitate esse putē: Christianos minus, qui ne publicanis & ethnicis pietate & iustitia pares esse possint quorū opibus & subsidiis (vt testatur Dominus) amici & proximi in infirmitate sustentantur. Itaque his ne videatur subiratus,

Hanc edictum (vt ait Persius) post pradia Callir hoc de

Cor ne edito. Ex symbolis Pythagoræ.

In nostros, quibus Christianos homines curis huius sæculi angere debere persuasum est.



*Quit tua sollicitis versas præcordia curis,
Vlteriusque tenes anxiosa corda metu,
Pone animi curas, variosque relinque dolores,
Regula sic nobis Pythagoræa iubet.*

I.

NARRATIO PHILOSOPHICA.

» **V**ETVS illud Pythagoræ in symbolis decre-
 tum Cor ne edito, multis pòst sæculis Chri-
 stus grauissima sententia comprobauit. Neque
 enim solum ij qui Philosophi sunt appellati, sa-
 pientem omni animi egròtatione vacuum esse de-
 bere putauerunt: verumetiam & Christus eos qu-
 se præclarissimæ disciplinæ deditissent, à curis &
 perturbationibus liberare conabatur: neque quæ
 quam vitæ & doctrinæ suæ alumnum iudicabat
 nisi rerum externarum molestias & concursatio-
 nes longè à se depulisset. Nam neque tam parum
 excellens lex domini existimanda est, vt non illi
 qui eam penitus complectitur, satis esse possit ad
 bene & beatè viuendum. Qui autem ita est animo
 affectus, vt Christianam illam præstantiam fortui-
 tis adiumentis & subsidiis putet indigere, & qua-
 si suis eam præsidis non contentam, curis & affe-
 ctibus obruat, is quanquam in vulgus probetur
 & ab omnibus solertix & sagacitatis laudem fe-
 rat, non tamen mihi in Euangelij statione esse vi-
 » deatur. Vt enim testâte Deo, inter spinas & dumi-
 » rum asperitates frustrà semen tuū sparseris, quò-
 » nec ipsa seges paruulis subnixa fibris contra nite-
 » tium tribulorum maceriem superatura sit: ita præ-
 » sectò verbum Domini quamuis summa animi vi-
 » luptate acceptum, perturbationibus huius sæcu-
 » & rerum humanarum cura facile aboletur. Quò-
 si homines illi se prædicent religiosos ieiuniorum
 obseruatores esse, iustitiam & pietatem colere
 multos etiam officiis suis largiter demereri, no-
 tar

tamen mihi omnino videantur inculpati, si tanto studio, tantaque animi perturbatione, etiam sine cuiusquam iniuria in patrimonij amplificatione decumbant. talia enim, inquit Dominus, gentes inquirunt. In quo etsi contra summam illam & primam naturæ legem, nihil offendant, non tamen Christiani nominari possunt: in quorum albo ne sapiens quidem esse possit, nisi popularem illam sapientiam hac vna perfecti & virtutis accessione firmaverit. Neque tamen is sum qui omnia ista amplificandi patrimonij studia nobis de manibus excutienda esse putem: sed in ea re Pauli Apostoli temperatio adhihenda erit, ut quasi aliud agentes nihiloque à Domino & Euangelicis actionibus voluntate abducti, pecuniā & lucrū faciamus, vivamus quasi non viuetes, ædificemus quasi non ædificantes: eaque sit semper in prosperis adversusq; rebus æquabilitas, ut nunquam tranquillitas illa vitæ, vel de statu deiici, vel labefactari queat: quæ ut in mari, sic in animis hominum facile cernitur, cum scilicet placatis perturbationum procellis & fluctibus verè nihil cupit animus, nihil desyderat.

In statuam Palladis.

Præclarissimum si aut reges philosophentur, aut philosophi imperent.



*Ius sibi vibranda Tritonia vendicat hasta,
Et iacit intrepida Norica tela manus:
Illa tamen solita est scriptis pallescere chartis,
Et pluteum innocuis cadere verberibus.
Huic bene conveniunt veterum monimenta sophorum,
Quem iussit lata sors ditioe frui.*

NARRATIO PHILOSOPHICA.

MIRETVR fortasse aliquis res prope cōtra-
rias, naturæque discrepantes, eiusdem numi-
nis potestate consecratas, & mutua velut amicitia
à poetis sociatas esse. Quis enim vnquam otium
castris, stylum gladio, vmbra soli, togam palu-
damento similem esse iudicauit? quis legibus in-
ter arma, cautionibus iuris inter acies, prætoriiis
sacramentis inter clausica, paci denique inter si-
gnorum collationes & prælia locum esse existi-
mit? Quæ quanquam vsu & facultate separata esse
videantur, qui tamen ad ea diligentius animum
conuerterit, facile res tam repugnantes ad consen-
sum naturæque conuenientiam sit deducturus.
Neque enim Alexander ille Magnus imperatori-
bus omnibus rerum gestarum magnitudine su-
perior, alienum ab imperatoris maiestate iudica-
uit, etiam inter explicatas acies de Homero cogi-
tare & loqui, & quantum sibi militarium rerum
labor otij tribuebat, ad legendum potissimum cō-
ferre. In eo rege tam flagrans in literas studium
fuit, vt sæpissimè ad multam noctem vigilaret, &
interdum in media contentione labore vigiliarū
penè fractus somno premeretur. Ad quem cum
captis Darij castris, & fuso Persarum exercitu, re-
gis scrinium multo auro, multis gemmis esset al-
latum, nonnullique quærent, quid in arcula illa
tanti digna collocari vellet, Homeri libros inclu-
di iussit: optimū esse iudicans, si illa animi elatio
quæ in imperatore elucescit maximè, literarū &
doctrinæ temperatione regeretur. Laudaturque

Fulvius, qui Ennio comite superatis Ætolis, non dubitavit Martis manubias Musis consecrare. est enim aliqua & ea opinor non vulgaris Musis cum Marte societas: ut earū adiumētis bellorū instructus, multò & ornatior & cumulatior sit futurus. Iam & multis antè sæculis alter Alexander qui Neoptolemus dictus est, apud Ennium philosophandum sibi necesse ait, sed paucis: nec enim ea sunt præcepta philosophiæ, ut illis etiam in bello non possit esse locus. Et quanquam rempublicam gerentibus, rei militaris studia reliquis potiora esse debeant, felicem tamen eam rempublicam Plato

” prædicauit, in qua aut philosopharentur principes, aut Philosophi imperarēt. neq; enim si præstantibus & magnis viris in bello omnia sunt, neq; si ea re ciuitatis moderatio maximè contineatur, minus tamen principibus viris enitendū est, ut se philosophicis legibus pares esse velint. Si enim rempublicæ gubernacula maxime in beneficio & pœna

” posita sunt, quis probè de supplicio inferendo aut beneficio dando potest decernere,

” nisi quod laudabile aut turpe est, scientissimè cognouerit?



Antigenida ad discipulum.

Non pendendum à iudicio imperitæ
multitudinis.



Cùm tua non placeat tunicato musa popello,
Respuat & numeros publica turba tuos,
Tène insulsa mouent queruli fastidia vulgus,
Multum est & musis & placuisse mihi.
Iudiciū indocti sapiens contemnere vulgi
Debet, & aduersa sedulus ire via.

I iiii

NARRATIO PHILOSOPHICA.

ANTIGENIDAS discipulum suum verecundantem & prope desperatione fractum, quod minus eius modi in vulgus probarentur, neque sensibus populi illius accommodata esset lyra, bono animo iubebat esse. neque enim qui à multis laudatur, continuò in quoque genere excellit: sed in ea re peritorum iudicium adhibendum est, quorum approbationem si arte aut natura permoveris, totam doctrinæ gloriam consecutus esse videre. Neque verò Antimachus, quod semel de rebus magnis disputans ab imperita concione, vno Platone excepto, desertus esset, studia, restinxit sua. Abunde enim magnū disputationū suarum theatrum vnum Platonem iudicabat, qui solus omnium instar esset. Nam vt contra aliquem tarditatis opinio minime valitura est, quæ modo in hominum imperitorū animis sit concepta: ita nihil est tam insigne, & ad commendationem laudis tam stabile, quàm aliqua in re ab vno laudari, qui illo genere magnopere præstet. Quibus enim in vita propositum est, vt res gerant magnas & arduas, quiq; ita sunt animo affecti, vt cogitent difficillima, faciant optima, & ferant quæcunque erunt, tam certè sunt ex se apti, vt in seipsis sua ponant omnia, neque à iudicio imperitæ multitudinis suspensas habeant rationes suas. At enim quid illi cum præstantibus & magnis viris esse potest, qui in omnibus sequitur non rationem ducem, sed ad vitia consentientem populum? Iam verò eorum quæ cum virtute fiunt tanta est perman-

fio,

no, vt apud omnes ætates ſempiterna ſit authori-
tas: difficile enim eſt factu ſingulis temporibus nõ
exiſtere aliquem, in quo virtutis ſignificatio elu-
ceat. Quæ autẽ in vulgi opinatiõne & tutelâ iacẽt,
ta non niſi lubrica & caduca eſſe poſſunt. Nam &
memoria patrum res prope innumerabiles quaſi
diplomate veritatis ſunt obſignatæ, quæ tamen à
noſtris hodie non probantur. Et in iis artibus qua-
rum doctrina obſeruatiõne maximè conſtat, mul-
ta à maioribus per manus ſunt accepta, quæ tamẽ
poſteritatis vſu & ſilentio ſunt abrogata. Tãta eſt
enim hominum in diſſentiendo propẽſitas, vt eos
vel aduerſari delectet, etiamſi non ſit cauſa. Et quẽ
admodum nefarius ille Heroſtratus nullis in pa-
triam benefactis clarus, dum memoriam ſui apud
poſteros inter morituram reputaret, eam celeberrimi
Dianæ Ephęſiẽ templi incendio conſecrauit:
ita nonnulli aditum ſibi nullum ad veram gloriã
patere exiſtimant, quàm ſi à maioribus accepta an-
tiquarint, &, vt aiunt, cornicum oculos conſixe-
rint. Quia enim nulla ſpe poſteritatis ſe conſolan-
tur, neq; obſcuritatem ſuam aliquo præclaro ge-
ſto ab iniuria mortalitatis vindicare queunt,
eos factis & ſcriptis appetunt, qui olim
ſibi æternam nominis ſui famam
pepererunt.



Leo.

Contra immoderatè agentes in re-
bus secundis.



Trux Leo prostratis parcit, sed dentibus urget
Quos videt armata sumere tela manu.
Fumosos tollant resupino è pectore fastus,
Qui celebris pingunt stemmata lōga domus,
Quique triumphantes Tyrio spectantur in ostro:
Sæpe etenim tales liuor & ira premit.



NARRATIO PHILOSOPHICA.

INTER eas res quæ hoc sæculo securitatem & otium afferre solent, nihil aut præstantius, aut melius homini à natura datum est paupertate. Ut enim tenuitatem colere & paruo contentum esse, non modo philosophicum, sed christianum est: ita nihil est magis constantiæ & magnitudini animi proprium, nihil ad statum sui diuturnitatem æquè stabile, quàm ea ipsa rerum subsidia negligere, in quibus acquirendis vulgus hominum cura incredibili, in seruandis, maiore etiam metu cruciatur. Et, quanquam olim magnis viris, qui sibi capeSSendæ rempublicæ existimarunt, summè appetendum esse visum est, cum dignitate otium, tamen illos sæpiSSimè mutabiles fortunæ casus fefellerunt. Nam & in republica Atheniensium, quæ & dominatione, & præstantissimis institutis floruit, nulli bono ciui potuit esse locus, qui non ab ingrata patria in discrimen fortunarum & capitis vocaretur. In his Miltiades & Themistocles fuerunt, qui cum turbulentissimis temporibus, maximis se patriæ fluctibus obiecissent, tamen illis in ciuitate toties à se seruata mori non licuit. Neque verò ex his qui rempublicam Romanam spoliis & triumphis decorarunt, vnum aut alterum reperiās, qui non aliqua pœna à rerum gubernaculis discesserit. Non enim in republica versantibus (hoc est in mediis opinionū & temporum procellis) potest esse aliquis tran-

„ quillitati & quieti locus. Et quemadmodum gubernatores optimi sepe vim tempestatis, sic sapientissimi & fortissimi viri fortunæ impetum superare non possunt. Qui autem à publicis negotiis se remouet, & amplissimas opes non arca, sed animo metiuntur, illis certè in tā pacata & otiosa vita fortunatissimis esse licet. Quod eò est facilius, quò minus multa in eorum vita patent, quæ vel fortuna, vel principatuū & temporū vicissitudo feriat. In quo deridenda est quorundam hominum stultitia, qui vel patrimonij magnitudine, vel principum amicitia & clientelis elati, se reliquis hominibus præstare putant: quasi nulla eos res de gradu dignitatis possit deiicere, aut quod in opinionione & principum voluntate iacet, omnibus seculis possit esse constans & perpetuum. Itaque publicam dilapidet pecuniam, ærarium exhauriant, terras & maria cupiditate sua absorbeant, donationes ciuitatum ex placito impetrent, laqueatas domos ædificent, & aurum coronarium de omni populo & prouincia accipiant, ne illa tamen militum tantopere videntur esse suspicienda. Vna enim dies interruptit omnia, & quæ tantam in populo mirationem faciunt, sæpe subito tempestatis turbine peruertuntur.

In Satyrum.

Contra sedentarios & cerdones, qui paulum ultra primas literas promoti, suo sensu in literis sacris versari volunt.



*Qui miser aetherea cupiebas oscula flamma,
Ipse vides positas in tua damna faces.*

A L I V D.

Dum terris infert ignis portenta Prometheus,
Fallit & incautum calliditate Iouem:
En Satyrus pulchri miracula suspicit ignis,
Et cupit amplexu grata referre suo:
Nec mora, flāma ingēs miseros p̄uadit in artus,
Et tulit errori tristia pensa suo.
Quī potis es sacra tabulas tractare Sophia,
Et vel cornicum lumina confodere,
Cū te habeāt fessum sulcus, vilēsq̄ue quadriga?
Tu ne aliena audes ponere iura fide?
Non metuis nostris versantē in saucibus ignem;
Cuius vel totis flamma vagatur agris?

NARRATIO PHILOSOPHICA.

NVL LVM hominum genus vel importunius vel minus tolerabile dici potest iis, qui cum ultra primas literas leuiter processerint, tantum tamen opinione sua assumunt sibi, vt quasi desultorij in curriculum quadrigarum audeant incur-
rere. Vt enim ignorantia inuitio vel noxa non est; ita incredibilis est amentia, si quis nullo vsu, nulla doctrina de re quacunque qua scientia sit explicanda, iudicium ferat. Si igitur ex veterum sententia, quam quisque arte nouit, in ea se exercere debet, quanto certe cum ratione erit coniunctius, rei controuersae peritissimos quosque iudices adhiberi? Qui autem tam mirifice impudens est, vt in his qua non attingit, sententiam se rogari velit, & eos qui omni disciplina habentur excellentes, non modo ad certamen prouocare, sed illorum monumenta vna clausula antiquare, tales opinor ad artificio suum, quod eorum fert natura, dimittendi erunt. Vt enim nemo probe imperare potest, nisi aliquando paruerit: ita neque disputare aut docere, qui doctorem non audierit. Sed tamen ea est temporum disciplina, vt quibus opinionum vestigiis aliquis primum institerit, in his ad extremam usque senectutem consenescat: quaque statim animo arripuerit, ea sibi omnibus modis tuenda esse arbitretur. Quo in genere forsitan iis sit condonandum, qui praeclarissimis artis & doctrinae praesidiis instructi, peruestigandae veritatis studium ad scientias afferunt. Quibus eod diffici-
lius est de aliqua sententia deduci, quod de ea

se cum dignitate iudicare posse non desperant. Durius enim homines docti secum agi existimant, si in veri peruestigatione magis authoritatis quam rationis pondera æstimentur. Qui autem vel in foro argentariam, aut venalitariam vitam agunt, vel similibus iis artificiis occupantur, non sit illis permittendum, si plus in literis sacris sensum suum quam peritorum iudicium valere velint. Nam qui sine doctrina ad aliquod se disciplinæ genus conferunt, quia minus consequentia & rerum antecessiones animo peruident, hoc potissimum completuntur, quod maximè corporatis sensibus accommodatum est. Et profectò magnum quiddam ex illis præceptis sibi accessisse putant, si cupiditatibus suis Deum laudatorē possint adhibere. Iam vero in quamcunq; te religionis partē animo conuertaris, ea tamen semper cautio necessariò sit adhibenda, ut nō quod unusquisque sibi priuatim sumpserit, id pro senatusconsulto habeatur (quid enim inter tot dissentientium hominum familias constās esse potest?) sed ita res expediatur, ut quod frequēs & bonorum & plurimorum concio decreuerit, id ab omnibus obseruetur. Nam si volumus initia religionis replicare, videmus etiam inter principes illos, qui à Christo edocti vniuersum terrarū orbem ad fidem adiuaxerunt, maximas de religione controuersias extitisse: neque tamē quod unus quantumcunque miraculis vel pietate excellens in animum induxerat, id continuò erat sanctum & perpetuum: sed vocatu seniorum conuentus congebatur: quo in ordine quod maior pars iudicasset

set, id publica autoritate & fide ab omnibus seruaretur. Et certè tantùm apud quosdam ex Apostolis circuncisionis valuerat antiquitas, vt ij qui ex gentibus ad cultum Christi conuolarent, minime extra circuncisionis necessitatem positi esse ex plurimorum sententia viderentur. Qua in opinione cùm & ipse Paulus esset, Titum circuncidit. Sed cùm de ea re ad concilium esset relatum, legelata circuncidendi necessitas Christianis permissa est. Nihil igitur in religione firmum habere, nisi, quod tecum ipse velis & intus sentias, hominis est, sanè per quam deplorati: sed in ea re illorum sit, existimatio, qui & numero & doctrina antecedunt. Ex quibus nationes multæ iusta reprehensione minimè caruerunt, quòd cùm rebus in religione nouandis studuissent, ita tamen se gesserunt, vt nemo apud eas degat, qui nõ à cæteris opinione & doctrina dissentiat: & vt quisque maxime est egregius, id efficit, vt in religione cuiusquam nisi sui similis esse nolit.

K



*Vulgatum de hirudine.
In pragmaticos ærufcatores.*



*Plus iusto sitiens vitalis hirudo cruoris
Pallentem mittit non nisi plena cutem.
Novit pragmaticus causas differre clientis,
Sanguineq; humano non nisi pastus abit:
Sed fugit, in vacua fundum cum viderit arca,
Et cum pauperior cœperit esse cliens.*



NARRATIO PHILOSOPHICA.

INVIDIOSVM genus hominum æruscatores Pragmatici, quibus in pecunia omnia sunt, quique sine lucro nihil laudabile, nihil officij expectatione dignum gerūt. Et quæadmodū in naui locum esse oportet, per quem ea quæ necessario profluentia aliquid tetri odoris essent habitura, procul à sensibus queant amandari: ita reipublicæ gubernaculis accommodatum esse maiores putauerunt, si in celeberrima ciuitate non deessent, qui sordes & peccata populi absorberent, & pernicioſa illa malorum omnium esca cupiditate, de hominum litigantium flagitiis & ciuilibus dissensionibus multam repeterent, fructūsque vberes in aliorum calamitate ferrent. Sed quia natura euenit, vt summas corporū varietates, totidem penè animorum dissimilitudines consequantur, magnopere opinor cum publica tranquillitate & quiete coniunctū est, esse aliquos qui in tātis conuersionarū & dissensionū concursationibus & studiis, publicè operā suā locent: vt iis qui in forensibus negotiis minus erunt exercitati, prospectum esse possit. Sed qui eas causas, quas illuminatas & faciles à clientibus accipiunt, tenebrarum inuolutis obducunt, qui quod translatiuè & breui (quod aiunt) manu explicari potuisset, tricis suis, dissensionibus, vadimoniorum desertione, scripturæ opisthographis, denique æternitate cōsignāt: qui penuriū, qui falsum, qui mēdaciū, qui deceptiūculū, qui frustrationē, qui vim & metū, qui furtum, qui dolū malum ad subsellia afferūt, his possit es-

se in præstantissimo senatu locus? Et quemadmodum qui vineam instituunt ad illius propagationem diuinitus pastinos inuenerunt, sic homines isti eam, quam primum mudam & solam causam receperint, labore & diligentia sua repastinant: ita fit, ut quæ vna fuerat, in varias & innumerabiles penè lites propagetur. Et nos certè quendam ex illo numero, qui publicis auspiciis primum in id munus erat allectus, audiuius cum diceret, se nihil aut vberius, aut cumulatius in eo vitæ genere à Deo optimo maximo contendere, quàm duodecim lites ad se deferri: sibi enim certò recipiebat fore, ut ex illis duodecim industria sua in huiusmodi aliæ nascerentur, ex quibus magnam pecuniam esset facturus. Et profecto contra naturam sit putandum accidisse, si quis ex his qui illo in collegio sunt inaugurati, pecuniam negligat, eaque mercede sit contentus, quæ neque litigati onerosâ, neque labore sit inferior.




Exemplum Stultitiæ.
Cum pertinacibus non agendum.



*Caucaseum crebro lapidem qui verberat ictu,
Non iniuste ambas perdidit ille manus.
Desine cum duro contendere viribus Albi,
Indurata nequis mollior esse lues.*

K iij



NARRATIO PHILOSOPHICA.

R I D E N D V M arbitror videatur, si quis con-
 tentius pugno lapidem allidat: quod huius
 vindictæ genus non tantum ad disciplinam non
 proficiat, sed etiam in caput ipsius, qui pœnam
 constituit, redundet. Sic & forsitan frustra illi cõ-
 tenderunt, quibus persuasum erat animos homi-
 num, in quibus ab ipsâ natura libertas quædam
 insita est, vi & armis noua religionis lege alliga-
 ri posse. Qui enim ita sunt animo affecti, vt ce-
 dant nemini, neque aliorum sententias quicquam
 ponderis apud se habere velint, facile illorum cor-
 pora cruciatu aut minis huc & illuc impellas, ani-
 mi autem elationem quæ in præstantibus viris
 elucet maximè, nunquam ad æquitatem adduxe-
 ris. Quò enim quisque animi magnitudine & do-
 ctrina præstat, hoc aliū sibi devia & officio præire
 patitur immoderatus. Quidā verò sunt nullo neq;
 vñ rerū, neq; scientiarū instructu præditi, quos ta-
 men pertinacius in aliqua sententia hærentes, nū-
 quam dimoueris. Quod vt omnibus in rebus, tum
 verò in religione magnopere periculosum est. Cū
 his certè (quia neque decernendi neque de-
 certandi ratio valet), consultius ege-
 rit, qui non reiecto tantū, sed
 abiecto scuto con-
 tenderit.



Mendici pera.

In auarò.



*Mendici per an vix vnquam impleris Iri,
Multalict dñes vberiora peter.
Sit vel Tartarci præsens opulencia ditis,
Velloculus Cræsi, semper auarus eget.*

K. iij



ET si forsitan ab ea quæ hominem homini
 coniunxit natura, nõ mediocriter abesse iudicari possit, qui alterum in rebus afflictis non iu-
 uerit: est tamen meo quidem iudicio de Euange-
 lica illa pietate & officiis philosophicis non nihil
 remittendum, cum is beneuolentia & iudicio tue-
 dus est, cui benignitas nostra parum profutura
 esse videatur. Quo in genere accommodatè quis-
 piam dixerit, religionem esse, si quis auarum ho-
 minem, & cum in quo tantopere cupiditatis de-
 sedit sit is, amicè & familiariter ad liberaliore vi-
 tam tentet deducere. Nam præter id, quod amica
 illa & homine digna oratio nihil momenti apud
 illum habitura sit, non videtur aliorum obsequiis
 esse adiuuandus, qui ipse sibi in tanta calamitate
 non tantum desit, sed tam diuturni mali sibi non
 inuitus author esse velit. Itaque qui se totos ad lu-
 crum & pecuniam faciendam accommodauerunt,
 in eo plerunque sunt, vt neque cibum capiant, ne-
 que ea sibi parent, quæ ad vsum victumque sunt
 necessaria: in maxima rerum omnium copia, vo-
 luntate egent: in summis diuitiis pauperes sunt:
 in tranquillitate cui esset inseruiendum, habendi
 desyderio cruciatur. Ambulât sordidati & squali-
 lidi, domi fame & apud alios cruditate delectan-
 tur: ita viuunt denique, vt sibi eos bellum prope
 internecinum indixisse facile existimes. Hæc vt in
 malis ponedâ sunt, ita continuò Christianû homi-
 nẽ, eũq; qui in aliorũ miseriis comoueri solet, mi-
 sericordia impellant. Sed qui hominis avarissimũ
 sordes,

sordes, infamiam & vitæ indignitatem secum ipse
 reputat, malit opinor illum in tanta calamitate
 æquum placatumque dimittere, vt is tandem sce-
 leri & cupiditati suæ expensum ferat, quàm tan-
 tam infelicitatem homini spurcissimo inuidere.
 Neque enim quicquam est, vel reipublicæ mode-
 rationi aptius, vel disciplinæ temporum conue-
 nientius, quàm eos sibi diu noctuque pœnam in-
 fligere, quorum domestica vitæ ratio ad publi-
 cam vindictam legibus esset expetenda. Nam qui
 iudicum sententiis pœna coercentur, hoc ipso rei
 publicæ oneri sunt, quòd ipsis supplicium expen-
 sa ærarij irrogari solet. Qui autem seipsum tor-
 quent, seque inedia, labore, vigiliis & reliquis ani-
 mi agrotationibus conficiunt, dum sibi vtilis es-
 se volunt, ipsi quoque fisco profunt. Vnde
 fit vt neq; hæc eis calamitas, neque ta-
 lis sumptus leuatio ciuitati
 & publicis commo-
 dis inuiden-
 da sit.

L Y

In morem Elephantorum.

Non perdendum amicum ob bonum dictum.



*Stulte relucens redimitus corpora vtro,
Abne elephantum florea rura pete?
Talia magnanimum la dunt in sionia barrum,
Offenduntque oculos lucida signa suos.
Sic te sincero fortuna adiunxit amico,
Non quacunque putes verba licere tibi.
Sed fuge mordaces placato splene cachinnos,
Et quicquid veram laedit amicitiam.*

NARRATIO PHILOSOPHICA.

FERE euenit vt quo quis animi præstãtia ma-
 gis excellit, hoc in eo maior dicendi & sermo-
 nis quotidiani libertas dominetur: Ex quo
 & Ennium dixisse solitum ferunt, facilius à sa-
 piente flammam ore inardente opprimi, quàm
 bona dicta, hoc est, ea quæ falsè & facetè in
 aliquem proferuntur. Nonnullique sunt in eo
 genere tam parum moderati, vt veteres ami-
 citias malint dissuere, quàm bonum dictum per-
 dere. Quæ res eò certè magis fugienda est,
 quo nihil melius hominum communitati à na-
 tura datum est coniunctione & amicitia: in
 quam qui mediocriter offendit, societatem ho-
 minum violat inter ipsos: iustèque multi il-
 lum diem periisse arbitrati sunt, in quo aliquem
 sibi amicitia non deuinxissent. At enim oportet
 eos qui amici & esse & nominari volunt, in
 familiari colloquio erga amicos continentes es-
 se, neque in eos liberior dicere, quorum ami-
 citia præsens fructum, auulsa dolorem afferre so-
 let. Facile enim quiuis in alios quæ vult pro-
 fundit: sed ea sæpissimè æquo animo ferre co-
 gitur, quæ magnò audire noluiisset. Romani in-
 credibili propè religione inter filios suos versa-
 bantur, ne eos quorum salus & gloria illis debebat
 esse periucunda, aliquo crimine imbueret: tātūque
 apud illos verecundiæ valuerat opinio, vt nūquā pa-
 tres ex gētis instituto cū filiis puberibus lauaren-
 tur. Quòd si ea amicitia, quam vel morū similitu-
 do bonorū, vel studiorū ratio colligauit, nihilò na-

turæ coniunctione inferior est, quæ quæso ver-
cundia, religione, moderatione, volûtate erga
ftri amantissimos esse debebimus? aut quomo-
nomen & dignitatem amicitia retinere poterit
quæ verborum aut factorum licentia quasi de gra-
du deiicitur. Neque enim diu amicitia constare
potest, quæ familiaritatem nimiam, aut potius
contemptum habet. Qui verò maxima venerati-
one amicos suos tuentur & colunt, & facilius
accedunt ad beneficium, & cùm acce-
dunt, id se facere existimant Deo
& hominibus appro-
bantibus.



Appetitus subsit rationi, vt equus sessori

Ex Platone.



*Quā malè sessor equo tractādæ ignarus habena
Insidet, ab poterat iunior ire pedes.
Qui freno nequit in proprijs affectibus vri,
Peccatōque amens mergitur ille suo:
Par est brutorum potius numeretur in albo,
Nam ratio in motus obtinet imperium.*

NARRATIO PHILOSOPHICA.

INTER ea quæ propè dicta diuinitus ex Platonis ludo prodierunt, nihil grauius aut ad Philosophiam accommodatiùs dicitur, quàm quòd ille rationem appetitui velut sessorem quo insidentem facit. Vt enim is sessor & imperitiæ, & temeritatis teneri meritò sit iudicandus, qui equum quò velit impellere, unde autem velit non possit deducere: ita nec is partes illas quæ sibi vel à Deo optimo maximo, vel à natura attributæ sunt, cum dignitate sustinuisse videatur, qui animum suum prosperis rebus ferocientem & elatum, ratione & præclara illa rerum omnium gubernatrice sapientia non velit coërcere. Nam quæ ratio longo nos interuallo à feris separarat, eadem ipsa cum Deo optimo maximo nos mirifica & æterna societate copulauit, vt homines se non tantum brutis animantibus præstare, sed etiam ratione & virtutum cæterarum officiis cum Deo immortalibus coniunctissimos esse cognoscerent. hac igitur sola cum nihil sit, non dicam in homine, sed ne in cælo quidem diuiniùs aut plenius, videatur indignissimum, si quis illam apud se, & parum liberali custodia & appetitus mancipio dominatuqne teneat. Quod qui facit, nò modo summam Dei erga nos liberalitatē pro nihilo ducit, sed penitus eam communionem quæ prima hominibus cū Deo per rationem intercessit, violat & peruellit. Nam si ratio est quæ antecedentes rerum præcipit, consequētia cernit, quæ argu-

argumentamur, refellimus & de occultissimis naturæ rebus iudicamus, cuius moderatione & imperio vniuersum hoc continetur & regitur, non erit consentaneum eam quasi baiulam animorum ægrotationibus inferuire, elusque splendorem à corporatis voluptatibus obscurari. Vt verò æternum esse Deum omnium mortalium semper consensus fuit, ita & ingeneratam rationem fatendum est, quæ vna apud cœlestem illam discretionem & præpotentem Deum semper valuit, semper dominata est: quæ cum ante istos siderum astrorumque cursus, & cœli conuersiones vigeret & micaret, tandem summo Dei immortalis beneficio etiam ad eos qui infimum istum globum tuerentur, venit: non certè vt ad vitia cōsentientem appetitum sequeretur, sed vt illa rerum omnium dux & magistra homines tam æquabili similitudine temperaret, vt non tantum aliquis sui, sed omnium omnes recta ratione & officiorum conuenientia similes esse possent: qua ex æquabilitate elucet ea quæ sapientia nominatur.





In Aspendium Citharistem.

Contra amicos nostrates.



*Dū mouet ad citharā numeros A spēdius, inus
Occinit, & reliquos non iuuat ipsa chelis:
Et sua summisso demulcet pectora cantu,
Prinatisque sciens auribus ipse studet.
Sic propria ingratus cōpēdia spectat amicus,
Dum canticē simulat commoda nostra sequi.*

Narra



NARRATIO PHILOSOPHICA.

ASPENDIUM citharistæ intus canere so-
 litum fuisse historiæ prodiderunt: vel quòd
 eos qui adessent cantibus & neruis suis delectari
 æquo animo ferre non posset: vel quòd tali modo
 rum genere quo non omnes valent, impensius ca-
 peretur. Cuius solertiam nescio an fidibus & mo-
 dis, at certè moribus homines nostri proximè imi-
 tati sunt. Dum enim se concordiam & conueni-
 entiam, sine qua inter homines amicitia nomen
 habere non potest, omnibus modis coluisse videri
 volunt, amicitiam totam vtilitatibus & commo-
 dis suis circumscribunt, neque eos quos sibi amicis
 suos gloriantur, beneficiis retinendos esse existi-
 mant. Sed quid in amicitia illustrè aut magnifi-
 cum esse potest, si meum & tuum adiūxeris, æqua-
 litatem remoueris, & mirificam illam in collocan-
 dis officiis pietatem funditus sustuleris. Ac mea
 sententia nihil in vniuersa hominum societate præ-
 clarius nominatur, quàm equalitas, vt quod apud
 te fuerit, liberaliter & officiosè necessario tuo, si
 res postulet, impertias. In quò si fueris remis-
 sior, efficitur illa Christiano nomi-
 nes infestissima, quæ Leonina
 societas appel-
 latur.

*In permutationem Diomedis & Glauci.
Pax auro redempta.*



*Dū trepidè Glaucus Diomedem fertur in hostē,
Et dubiam in pugnam saeuis uterque ruit:
Re tandem infecta, positis concordia signis
Iurata est, dextris fœderis ergo datis:
Arma dat ex auro Glaucus, recipique vicissim
Ferreæ, quæ aterni pignoris instar erunt.
Pacem auro redimas, pretio compone duellum,
Nam patria confert are parata quies.*

NARRATIO PHILOSOPHICA.

GLAVCŌ Amphilocho filio, qui Priamo diu-
 turna obsidione presso, subsidio ad Troiam
 venit, iudicio posteritatis pro laude positum est,
 quod Diomedem singulari certamine abs se pro-
 uocatum, magno pretio æquum placatumque di-
 miserit. Cui quanquam ea non deesset incitatio,
 quæ in maximis animis studio pugnae impel-
 litur, tamen & consentaneum dignitati suæ, &
 à disciplina militari non abhorrens iudicauit, si de
 pace quæ nihil insidiarum esset habitura, etiā ini-
 quis conditionibus cum hoste consuleret. Ita-
 que, ut ait Homerus,

Χρυσία καλκείῳ ἐκατόμβοις ἐννεαβοίῳ

cum Diomede non dubitanter permutauit, & præ-
 clarissimo illo authoramento cum hoste in gra-
 tiam rediit. Nam præter id quod omnis belli exi-
 tus incertus esse solet, habet decertandi ratio aliud
 incommodum, quod etiam eos qui vicerint ma-
 ximis plerunque cladibus afficit. Quid verò so-
 citati hominum inter ipsos tam discrepat, quid
 belluarum magis simile, quàm mentem, industriā
 omnem denique humanitatem ad alterius per-
 niciem cōferre? ut eum quem fidei tuæ natura ipsa
 commendarat omnino deleas & opprimas. Iu-
 ste igitur monent illi qui ex duobus decertandi
 generibus, quorum vnum per disceptationem, al-
 terum per vim explicatur, nunquā posterius sumē-
 dum esse putant, nisi quoties uti priore non licet.
 Neque enim bella vnquam suscipienda esse

maiores putauerunt, nisi vt paci & quieti possit
esse locus: pro qua omnis iusta & legitima est viro
magnanimo dimicatio. Vnde & fortitudinem ve-
teres appellabant, virtutem quæ pro æquitate pro-
pugnaret. Sed cum probè omnia quæ in ciuita-
tum moderatione versantur, animo lustraueris, ni-
hil est ad reipublicæ perpetuitatem æquè stabile,
nihil naturæ hominis magis accommodatum,
quàm pax & tranquillitas: cui si à nationibus iis,
quæ aliquando imperio & principatu floruerunt
summo studio esset in seruitum, illarum non tan-
tum memoriam (quæ tamen planè è mentibus no-
stris euulsa est) sed etiam rempublicā haberemus.
Ac sanè tanta est in nonnullis hominibus princi-
patus appetitio, vt potiùs extremā quæque patian-
tur, quàm vt finibus suis & ditione contineri pos-
sint. quod patrum memoria declarauit temeritas
cuiusdam apud Italos principis, qui cum si-
bi vitam acerbam prædicaret, nisi ali-
quando Cæsar esset factus, tan-
dem nihil factus:
est.



*In mortem Crassi.
Mors vna beat & ditat.*



*Qui nequit effossis animum complere metallis,
Continuôque lucro sedulus immoritur,
Sollicitusque solo commissam cogitat ollam,
Hunc quis opinetur diuitis esse loco?
Dū petit Euphratē, sat is lachrymātibz, aurum
Quod fuit Crassus, mortuus ille bibit.
Hac erit extremo, me iudice, gratia fato,
Quod dat inexpletis mentibus esse modum.*

L iij

NARRATIO PHILOSOPHICA.

QVAE tantopere in animis hominum dum ad utilitatis rationem omnia conferunt, cupiditatis inueterauit opinio, eadē ipsa vel omniū concessu patrimonia & hereditates expilare, calendaria conturbare, & rationes domesticas mirabiliter affligere vna consuevit: fereque euenit, ut quò maior in patrefamiliās habendi & lucri faciendi cura dominatur, hòc illi minus ex animo fortuna respondeat. Nam Cræsum ditissimū Lydorum regem vnus belli ad extremum procella peruertit: & quæ ei auaritia ad tantas opes credebatur esse suffragata, eadem illum in fortunarum & capitis discrimen coniecit. Neque mea sententia accommodatior ad inopiam & rerum omniū desperationem aditus esse potest, quàm per diuitias, quibus si te impensius addixeris, minus opinor promoueas, quàm ij qui modico contenti paupertatem omni studio coluerunt. His enim quoquo modo se res habeant, licet esse beatissimis. Quis enim aliqua re carere iudicetur, qui eam nò desiderat? at qui non caret, habet certè, aut ab habente nihil discrepat. Qui verò vulgò diuites appellantur, & in pecunia facienda versantur impensius, si qua clades domesticam illorum rationem perculerit, ne illi quidem non ærumnosi esse possunt. Semper enim in isto genere contentionis illud valuit, vbi nò sis qui fueris; non est cur velis, viuere. Itaque ipsa rerum copia quæ tranquillitatem & quietem cupidis hominibus allatura esse vide-

idebatur, sapissimè ruinæ & calamitatis pericu-
m struit. Quòd si vt de Polycrate Samiorum ty-
anno accepimus, alicui omnia cumulatè suppete-
ant, quæ homini à fortuna suppeditari possunt,
non possit tamè is verè felix numerari. Quis enim
tam felicitatem nominauit, quæ subito aliquo ca-
u interpellari potest? quis summum bonū, quod
non est perpetuum? Testes sunt multi & præstan-
tes viri, quorum operosa concursatio aliquando
in calce, sapissimè in cursu, interdum etiam in car-
ceribus impedita est: & qui dies illis à gra-
uissimis contentionibus requiescendi
esse debuisset, is omnium sæpe
luctuosissimus ap-
paruit.

L. iij



A mortuo tributum.

Moderatio in vectigalibus.



*Desine nocturnas tabulis incesse laruas,
Pendere vectigal mortuus an ne potest?*

NARRATIO PHILOSOPHICA.


GLORIOSVM sanè est, planè queregium, eos qui rerum potiuntur idem sibi sumere suo iure posse, quod summus ille dux Hebræorū Moses de se apud Dominum prædicauit, tanto studio se in singulorum vtilitates propendisse, vt ab illis neque asinum, neque equum corrasisset. Quo in genere multis post sæculis Samuelem ipsum vetera scripta laudibus extulerunt, quodd in procuratione populi Iudaici, rebusque religionis bene & nauiter tuendis, animum, diligentiam, studia denique omnia ad priuatorum vtilitatem & leuationem cōtulisset. Iureque Aratus Sicyonius laudatur, qui cum ciuitatem suam Sicyona tyrannorum dominatu annos quinquaginta oppressam liberasset, à Ptolomæo Ægypti rege, grandem pecuniam mutuò accepit, vt eas possessiones quæ vi à iustis dominis translata, longo spatio hæreditatibus, emptionibus, dotibus & aliquorum mancipio, coloratè tamen tenebantur, redimeret, & sine detētorum iniuria suum cuique transcriberet. Hac æquitate perfectum est, vt & ij quorū bona atrocissimæ voci præconis subiecta fuerant, suum reciperent, & qui longo interuallo in possessione fuerant, rei dispendium pecunia sibi resecta solarentur. In quo verè principis animus intelligitur ita à iure discedere, vt nemini iniuriam facere videre. Hos vt pleno ore laudamus, ita profectoturpe & odiosum est, apud Homerum Agamemnoni regi ditissimo frequenti Græcorum concione, sordes & avaritiam ab Achille exprobrari, & eum

qui subditis cauere debeat *δημοβόρον βασιλέα*, & πάντων φιλονεικούντων appellari. Vt enim nulla re magis ij qui reipublicæ præsumunt, pietatem colere, & ciuium beneuolentiam conciliare sibi possunt, quàm continentia & liberalitate: ita certe ij labefactant fundamenta ciuitatis, qui ex subditorum dispendio & iniusta collatione fortunas suas volunt ampliari. Nam neque bene imperare potest, qui non omnino commodorum suorum fuerit oblitus: qui si in fortuna ciuium liberaliore rem se suam facere existimet, non arbitrabitur ea ad amplificationem patrimonij sui pertinere, quæ publico reipublicæ luctu & damno de fortunis popularin sunt decisa. Sed in imperandis uectigalibus & *επικεφαλίοις* seruabit eā mediocritatem, quæ inter nimium & parum sita est, ut neque illi ad amplitudinem quicquam desit, neque populo grauis esse videatur.



*Contra veteres, nullam Fortunam
esse.*

Ex Augustino.



*Aspice vt in nostris pendet Rhamnusia furcis
Et recipit sceleri debita pensa suo.
Quaque olim (si diis placeat) confecit vir anque
Paginam, apud Gallos vltima fata luit.
Quid tibi Fortuna cura est rota mobilis? illi
Quid tecum est? sapiens solus apud te habita.*
Narra

NARRATIO PHILOSOPHICA.

FORTVNAE deæ tantum veteres ethnici tribuerunt, ut illi ætatum omnium concessu in rebus prosperis & aduersis potestas, imperium, dominatus, omnia denique expensa & accepta referrentur. Si quid ex animo accidisset, laudabatur sola: in luctu autem & calamitate etiam eadem accusabatur, & vna vtrunque paginam faciebat. Neque illius solum in rebus domesticis & vrbis apud gentes valuit autoritas, sed eius quoque dominationem & vim ad rem militarem perduxerunt: ut cuius exercitus dux victor euasisset, is tantum beneficium à fortuna consecutus esse videretur. Itaque illi publicè templa posita sunt, & diuinitatis delatus honos: quod fortasse eo cultu in amicitia & benefaciendi consuetudine retineri posse crederetur. Quod ut suspiciosa illi antiquitati vnusquisque nostrum facillè condonat: ita profecto Basilii Magni diligenter cauendum esse censet, ne huiusmodi superstitione, aut etiam vocabulis Christianorum animi occupentur. Qui enim in rerum euentis memoria repetendis Fortunam nominat, id efficit ut mundus & vniuersum hoc quod conspiciamus, quasi extra prouidentiam summi Dei esse iudicetur. In quo præclara sunt illa quæ à Stoicis contra Epicureos latissimè explicantur. Nam si fortuita sunt quæ quotidie hominibus accidunt, neque stare Nemesi Adrastia, hoc est, statum & æternum rerum omnium decretum potest: neque colligatio, qua Deus ab omnibus sæculis, ex Homeri

sentent

sententia, successus rerum humanarum æterno
nexu & vinculo deuinxit. Neque enim si in aqua
mortuus est Fabius, videatur illud aut non à Deo
decretum esse, aut fortuitò obtigisse, quòd ille
ad aquas poterat non venire. Sed si ab aquis ab-
stinuisset, & alio mortis genere è vita migra-
set, quòd secus in illius fato esset factum, id quo-
que constans, æternum & ratum Dei consilium
& posset appellari. Ac rerum futurarum ignoratio »
in nobis fortunam parit, & quia variè in variis »
hominibus euenta cadere perspicimus, id à Deo
in fatis positum non esse arbitramur: quòd ut
non eueniret, Deo longè antè certum erat & de-
cretum. Quæ igitur fatis continentur, eadem
nec mutari, nec perfringi queunt: quæ si aliter
eueniant, iniuste in fatis recenseri possint: cùm
quòd secus accidit, illud ex fati necessitate con-
tigisse sit putandum. accidat autem necne quam-
uis in opinatione videatur situm esse, quicquid
tamen eueniet, id ex decreto contigisse putan-
dum est. Itaque Augustinus in his libris quos con-
tra Academicos conscripsit, sibi haud omnino
placere ait, fortunam à se nominatam esse. ne-
que enim eiusmodi vocabulo eam deam quam
variā & inconstantem nobis fabulæ tradide-
runt, significare voluit, sed fortuitam illam re-
rum humanarum rationem. Erit igitur in no-
bis fortuna & casus: quòd certè ratio cogit fa-
teri, si humanum istud & opinionem spectes:
sin autem ad æternam illam Dei summi prouid-
dent

dentiam rapimur versabitur profectò illa, quam *εἰμαρμένη* Græci vocant. Ea est ex omni æternitate fluens veritas sempiterna, series & perpetuus causarum ordo: non tamen vt Stoici voluerunt, cum ex stato syderum astrorumque motu causa causæ nexa aliquid ex se gignit. Sed vt Dei prouidentia certa necessaria & æterna in factis hominum statuatur. quod & Augustinus in libris de ciuitate Dei multis verbis contra Ciceronem comprobauit. Nò est igitur aliquid factum quod non euenisse oportuit, & quod instat, etiam & illud futurum est. Ex quibus tamen non id effici volumus quod Sosttratus apud Lucianũ à Minoe summa contentione petit: dum eorum quæ turpiter & flagitiosè egerit, non iure se ad pœnam expeti quiratur: quòd, ea facinora necessitate fati & propter antecedentes causas non ex animo gesserit. quæ enim contra ius & leges facta sunt, futura sanè erant cum euenerint, sed tamen à volente facta sunt. Nam quæ turpia sunt, non tamen minus Deo præuidentur: cui licet omnium mortalium voluntates longè ante sint perspectæ, non continuò tamen minus voluntates dicendæ sunt. Erit ergo & bonorum & malorum lata differentia: neque iniuria iis qui rempublicam conseruariint & auxerint honores & triumphus in ciuitate decernuntur. nam quæ præclarè gesserint etsi euentura erant, vt tamen euenirent singulæ illorum virtute perfectum est. Sic & maximè

ratione in sceleratos leges animaduertūt: nam au-
deant maleficium necne, in illis pōsitum est: hoc
autem an illud faciant, quod conse-
quetur, id Deo Immortalī lon-
gè ante fuerat scitūm
& perspe-
ctum.





In Grillum.

Voluptatem immanissimus quisque
sequitur iubens.




*Qui tibi Grille feri stomachum mouere parētes?
Quæ te sors miseris terruit oscinibus,
Vt te immunda iuuent fœdi vestigia porci,
Et renuas iterum munus obire viri?
Quæ semel in turpi retinet ditio voluptas,
Huius vel gratis vititur imperijs:
Et quo plus demens eget assertore patrono,
Hoc magis blanda sui vindicis ora fugit.*



NARRATIO PHILOSOPHICA.

QUEM AD MODVM (vt inquit Cicero) iis qui se è Leucade Epiri promontorio in cõuallem demiserunt, non omnino integrum est quo velint insistere : ita qui se voluptatibus & animi morbis permiserunt, neque si velint se in virtutis libertatem possint asserere, neque opinor si possint, velint. Tanta est enim apud nonnullos voluptatis opinio, tot in ea fruenda delitiæ & lenitates, vt contra illam imitatricem honestatis, sapientiæ momenta à perditis & contemneratis hominibus nequeant ponderari. Et plerunque accidit, vt ei qui se totum ad eam rem applicauerit, summæ molestiæ perferendæ sint: & tamen in calamitate & luctu turpitudine affert delectationem. Dionysium superiorem omni crudelitatis & flagitij genere impurum, audiuius tanto metu & cruciatu inter suos versatum esse, vt reiecta hominũ custodia, quòd illis non satis confideret, corporis tutelam ad canes detulerit, & cultros metuens tonsorios, barbã sibi candente carbone adusserit. Hic igitur tantum ex sceleribus suis fructum capiebat, vt sordes & vitæ indignitatem lubens & clade & periculo capitis sui æstimaret: neque à malè agendo propinqui discriminis reputatione posset reuocari. Qui si virtutis formam oculis corporeis potuisset contueri, credendum est voluptatem vel illius suffragio facilè dignitati fuisse concessuram.

*Ferrum.**In miseriam humanæ sortis.*

*Cladibus in multis hominum traducitur annus:
 Sed st. it in accessu mortis inempta quies.
 Hac duce uel miseris subito licet esse beatis;
 Quam qui obiit, credo ne superesse velit.*

ALIVD

Vitam hominis similem ferri posuere rigori,
Qui cernunt varia tela minasque dea.
Si ferrum exerceas tandem consumitur usu,
Et patitur vita publica damna sua:
Quod si lethaeo pateris residere veterno,
Et tabem ducit conteriurque situ,
Et rubiginei senis dispendia belli:
His potes humanum conciliare genus.
Si qua Cleanthea nos ducunt aethra palastrea,
Et retinent Samii dogmata sancta senis,
Incipimus vita medio tabescere cursu,
Et nimio incauti pondere deprimimur:
Verum si studio retinemur amabilis oci,
Hic nos pituita peruius humor habet.

M ij

NARRATIO PHILOSOPHICA.

VETVS fuit Salomonis sapientissimi regis,
 atque adeo Sileni, & Ethnicorum sententia
 » Beatissimos esse eos qui nunquam in hanc vitam
 » essent ingressi: proximè verò ad eandem felicitatem
 & illos pertinere, qui primum in lucem editi
 summo Dei immortalis beneficio his corporis vinculis
 essent liberati. Huius hominum calamitatis & talium
 miseriarum magnum per diu argumentum est, quòd
 qui primum nascuntur eiulatu & clamore futuris malis
 illachrymari solent, & dolorem quem aliquando ex
 concursationibus huius sæculi capturi sunt, apud eos à
 quibus ad aspiciendam lucem euocantur, velut testatione
 complecti. Vnusque Zoroastres dicitur hora natiuitatis
 resisse, cum ante decimum & quartum diem nemo
 vnquam risum sustulisse memoretur. Et si autem
 aliquando euenit, vt incommoda quæ in hominum
 vita solent accidere, aliqua felicitate vel prospera
 fortuna leniantur: sæpe tamen in res tam secundas
 incurrit euentus tristis, cuius acerbitas etiam trium
 Nestoris ætatum prosperitate omni, nequeat compensari.
 Quæ cum Cleombroto & nonnullis aliis fortissimis
 viris in mentem venissent, contra Pythagoræ legem,
 beneficium naturæ defugerunt. Quod si immortalis
 illa animorum series præstantissimæ rationis cõiunctione
 & vinculo ad diuinam illam mentem pertinens, iussu
 Dei in corpora nostra sparsa est, vt ex isto inferiore
 globo cælum vnde esset profecta, & cælestia ipsa
 tueretur, semper aliquid inquireret, disceret, meditare

ditaretur, & perfectam illam Dei notitiam quam aliquando futura vita esset nactura, studio incredibili & diuinarum rerum cognitione anteuerteret, parum opinor feliciter cum his actum esse videbitur, qui turbulentissima ista vita ærumnis, calamitatibus, doloribus corporis & summis ægrotationibus à veritatis & rerum maximarum peruestigatione auocantur, vt illis nihil ferè cum animo, omnia autem cum corpore sint. Quanquam enim ea debet esse hominum in euentis ferèdis constantia, vt nulli neque dolori, neque perturbationi cedant: est tamen miserrimum esse aliquem tam effæcto corpore & valetudine tam afflicta, vt in curationibus, pharmacis, & medicinis omnis illi ætas inanis & vacua elabatur, & nihil ei à tot negotiis otij tribui, quod ad legendum & intelligendum potissimum conferat. Nam ita viuere vt non sit viuendum, miserrimum est. Iam quo animo, qua constantia & fortitudine Paulus Apostolus in vitæ periculis versabatur? at vir tantus mortem expetebat: quæ vel eo nomine à nobis desyderanda est, quod & nos his corporis ærumnis leuat, & secum immortalitatem affert, qua nihil hominide syderatius & melius potest euenire. Non enim quanquam nobis ex edicto Domini sit retinendus animus in custodia corporis, continuò desertor militiæ appellari possit, cui viuere iactura est, & mori lucrum: quique eò se citissimè velit sistere, quò aliquando naturæ necessitate & præscripto sit venturus. Ac ne semper incommoda & aduersos fortunæ casus meditemur, quis inter tam va-

rias & discrepantes hominum de religione senten-
tias, non vitæ huius satietate impendio tenetur?
quis tam à publicis commodis cogitationes defle-
xas habet, qui diuersa hominū sensa in rebus gra-
uissimis audiens non sibi vitam acerbam putet?
quæ diuersitas non tantum in homines leuiter eru-
ditos, sed in præstantissimos & doctissimos quos-
que iandudum influxit: ex quorum numero qui
præstat, & ab altero dissentit lubens, & ipse non sa-
tis sibi constat. Neque verò sine multorum offen-
sione fieri potest, cum res eadem ab vno ad
perniciem, ab alio ad salutem vocatur:
eamque alij pro scelere nefario,
alij pro vita & præsi-
dio ponunt.





In Vulcanum.

Sapissimè mundiores, rusticis & cœcis
esse à va^{ap}posito^{re}ss, hoc est vti Venere mi
nus propitia.



Non ego Vulcanus cupiā, aut Cillenius esse,
Sed mage Vulcanus Mercuriusque simul.
At si te satum similem vetet esse duorum,
Dic vtramanis conditione frui?

M iij



A L I V D.

*Hispidus ardeni regnans Vulcanus in Aetna,
 Quem sibi vel generum pallidus Orcus emat:
 Anne potest veneris tadas adysse iugales?
 Et χαρις aeterno conciliaffe thoro:
 Quas nec Atlantei concors suadela nepotis
 Ausa est Treicijs sollicitare sonis.
 Cui lacera impexo pender lacinia mento,
 Quemque suum, pingui iure, culina facit,
 O quoties cultis palpum riu alibus egit:
 Et retulit Paphia caston & arma dea:
 Delusit quoties picta rectoria lingua,
 Viciu & heroum lucida φιλτρα ducum.*

P R O B L E M A.

*Quaris despecta qua tanta occasio forma,
 Et clarum ingenij tam iacuisse decus:
 Vt referant Cypria praestantia muner a diua
 Quis nulla est patrio mista lepore venus?
 Scilicet ista suas nostri docuere puellas,
 Qui nisi non meritis praedia sacra ferunt.*

NARRATIO PHILOSOPHICA.

MIRETVR optimo iure quispiam præstari-
tissimas formas & omni corporis venustate
deas; Venerem & χαρί in manu Vulcani fuligine
& flamma squallidi conuenisse: Mercurium au-
tem qui ad aptam illam membrorum compo-
sitionem, etiam egregias eloquentiæ & doctrinæ
laudes adiecit, nihil tale vnquam assequi potuisse.
An quòd ita comparatum est, vt hominibus cul-
tis & splendidis non ita ex animo & sententia in
amoribus fortuna respondeat, quàm iis qui ad
omnia inepti & tardi nihil vnquam tale animo
concupierunt? An quòd multa insperantibus &
minimè optantibus eueniūt, quæ qui ad potiundū
& spe, & cupiditate incredibili capiuntur, non
possunt adipisci? An quòd hodie indignis & in-
fufis omnia sunt prompta & parata: iis verò qui
præclare se gesserint & promeruerint, magistra-
tus, honores, officia, beneficia, omnia deniq; clau-
sa & obfignata? An quia mulieres, ne cui in suspi-
cionem non seruata pudicitia veniant, eorū po-
tius desyderiis inseruiunt, qui ab amoribus iudi-
cio multitudinis putantur esse alieni? An quòd il-
le nocturnum sibi obsequium deberi, in eos lege
possint intendere, quos obsonatores, topiarios,
mediastinos, & ad tales diurnas operas conductos
habent? An quòd qui sunt elegantiores, ad illud
muliebris officij genus videantur magis imbecil-
li? An quòd ea est erga nos naturæ benignitas,
vt semper aliquod incommodum beneficio com-

penſet, vt quibus animi vim & ingenij ornamen-
 ta nō præſtitit, eos fortiffimis lateribus, validiffi-
 mo robore & corporis præſidiis confirmet, vt
 mulierum cupiditatibus, & proli diligentem
 operam nauent: ex quo euenire poſſit,
 vt ea corporis immanitas illis
 apud mulieres ad gra-
 tiam ſuffra-
 getur.



In Platonem.

Honor debitus viro docto.



*Aspice vt eximius niueis ad templa quadrigis,
Ante hac non solito pergat honore Plato.
Ecce Syracusia princeps immanis in ora
Vittatam mittit (regia dona) ratem.
Heu quanta est lingua, quanta est prastantia
cordis,
Cogat vt infranos ponere colla duces.*



NARRATIO PHILOSOPHICÆ.

PRÆSTANS homineque libero digna re-
 rum maximarum cognitio & doctrina, qui
 hominem in solitudine, neque solum esse, & etiam
 procul à reipublicæ gubernaculis, sine dignitate
 „ vivere non concedit. Neque enim quicquam he-
 „ minum industria ad animos colligendos peper-
 „ commodatius otio literarum : quarum tantum
 inter utrumque extremum temperatio est, ut qui
 in illis versetur, neque verè in otio, neque in ne-
 gotio intelligi possit: & tamen iis qui in utroque
 vitæ genere versantur instituti dignitate faciliè ante-
 cedat. Itaque Pythagoras qui primus philoso-
 phiam in Italiam inuexit, & præstantissimis ar-
 tibus institutisque exornauit eam Græciam, quæ
 Magna dicta est, interrogatus à Leone principum
 Phliasiorum, quinam essent philosophi, & qui
 inter eos & reliquos interesset, respondisse fertur.
 „ ut Cicero author est, Similem sibi videri vitam
 „ hominum, & mercatum eum qui maximo ludæ
 „ rum apparatu, totius Græciæ celebritate habetur
 „ tur. Nam ut illic quidam corporibus exercitiis
 „ gloriam & nobilitatē coronæ peterent, alij emen-
 „ di vendendique lucro & quæstu ducerentur: illi
 „ autem quoddam genus eorum, idque maximè
 „ genus, qui nec plausum nec lucrum quæreren-
 „ sed visendi causa venirent, studio seque perspic-
 „ rent, quid ageretur, & quomodo. Ita nos quasi
 „ mercatus quadam celebritate ex vrbe aliqua,
 „ hanc vitam ex alia vita & natura profectos,
 „ gloriæ seruire, alios pecuniæ: raros esse qui ex-

is omnibus pro nihilo habitis, rerum naturam „
studiosè intuerentur, hos se appellare sapientiæ „
studiosos. Et vt illic liberalissimum esset spectare „
nil sibi acquirentem, sic in vita longè omnibus „
studiis contemplationem rerum cognitionemque „
præstare, & eos qui se rerum maximarum perue-
igationi dedidissent, facilè cæteris hominibus
anteire. quæ etsi non modo naturæ, sed dignatio-
ni hominis accommodata esset, nonnullos tamen
perculit maiestate. Huius opinor offensi ho-
mines nostri, filios suos eosque quos in clientela
& potestate retinent, non patiuntur in literis cõ-
quiescere & versari. hos si ita animo affectos esse
vident, vt in præstantissima illa studia toto pecto-
re incumbant, in suis domibus malè accipiunt. li-
terarum otio distineri non probant, nisi quatenus
ex eo ad rem familiarem amplificandam adiumen-
ta petuntur. Antiquitatis & rerum humanarum
notitiam non putant ad virum sapientem perti-
nere, quòd ea cognitio parum admodum sit quæ-
rituosa. præclari homines qui honesti & virtutis
rationem vtilitate metiuntur: neque enim si quæ-
dam virtutes rei domesticæ fructuosæ non sunt,
deo minus videantur perhibendæ. Quanquam
non tam profligata & afflicta Philosophia est: ne-
que qui in ea versantur tam ærumnosi & miseri,
si eis sit commodum pecuniam facere, nõ pos-
sunt: quod declarauit Thaletis sapientissimi viri
auctoritas, qui cùm ex antecedentibus naturæ
causis facilè annorum sequentium sterilitatem in-
telligeret, vniuersam oleam illius animi coëmit,
ex qua

ex qua vir philosophus & contemplationi deditus ingentem pecuniam refecit. Non enim si paupertatem colere & paruo cōtentum esse philosophicum aut Christianum est, ideo qui sapientes aut Christiani sunt, pecuniam facere non poterunt, sed tamen pietatis & perfecti cuiusdam est, cum id possis nolle. Ac quia sunt nonnulli, qui vira gloriæ mirificè delectantur, illis certè ex eodum virtutis genere ad laudem & commendationem patefacta via est, Nam & Dionysium Syracusanum, cuius præter ceteros nobilitata est cruentas, audiuius tantum honoris & iudicij Patro ni detulisse, vt illi nauem vittatam mitteret, equis summis muneribus & incredibili liberalitate honoraret. Pompeius verò Magnus hoc honore Posidonium Stojicum philosophum affecit, vt ad illum domum venturus, lictores demissis fasces adstare imperaret. Et Ennio poetæ Africanorum familia hoc benignitatis largita est, vt illi mortuius familiaris sepulchri concefferit. Tantum Alexander Magnus Pindari studiis & doctrina testimonium reddidit, vt in Thebarum obsidione familiæ illius pepercerit. Fertur quoque Senatus Imperator Oppiano in singulos versus aureum appendisse, Adeò regium est eos honoribus & beneficiis prosequi, per quos summorum virorum res fortiter præclareque gestæ immortalitate & memoria sempiterna conseruantur.

In Corycium.

Nihil est, quod labore non assequamur.



*Aspice ut assiduo sitientia culta labore,
Corycius subigit nocte dieq; senex:
Et ducit sulcos, & glabas occat inertes,
Et sterilem iniecto stercore nutrit humum.
Qui se igitur musis ducit lachrymantibus ortū,
Diffiditque sui viribus ingenij:
Transigat insomnes noctes, vigilique labore
Naturæ superet crimina nota sua.*

NARRATIO PHILOSOPHICA.

QUÆMADMODVM multa accidunt in hominum vita, quæ deliberanti & cogitanti facillima appareant, sed tamen nihil experientius: ita & nonnulla sunt quæ hominibus in spẽ cogitationemquẽ defixis extra facultatem videatur esse sita, eadem si ad contentionem & actum reuocentur, industria laborequẽ vinci possint. Vt
 „ enim dicitur, volenti nihil operosum aut difficile
 „ le esse, ita ei qui neruos animi in aliquam rem cõ-
 „ tenderit, minimo negotio etiam ardua superan-
 „ tur. Et quanquam Græcis Troiam obsidentibus
 nonus annus propè iam sine gloria esset confectus, tamen Nestori & Vlyssi sapientissimis viris deorum & hominum testimonio laudi datum est, quòd Græcos animo fractos labātesque, & iam de reditu consultantes cõfirmarint, & magnifica oratione reliqua belli ex Chalcantis vaticinio conficere incitarint. Etsi enim graue est multa contendentem nihil proficere, est tamen longè turpius, cum qui se tot laboribus diu confecerit, re-
 „ infecta consilium deponere. Nam vt quidq; præ-
 „ stantius est, hoc certè difficilius: & quò plus op-
 „ ræ in re aliqua posueris, hoc in ea fruenda maior voluptas consequetur: fereq; rebus omnibus quæ aliqua laude dignarentur, difficultatẽ natura attribuit, vt eorũ qui animi magnitudine excellũt, virtus inter homines stupidos & remissos eluceret. Quòd si qui sunt qui tātẽ se à natura tarditatis teneri putent, vt à rerũ cognitione & doctrina propemodum arceantur, est tamen opinor aliquid, quod

quod labore & assiduitate cōsequi possunt. Nam
 quæ vnquā tellus, quisager aut fundus tam sterilis
 esse potuit qui non labore excolatur? Quæ itē ho-
 minis mens, quod ingenium tam incultum & hor-
 ridum, quod non opera & vigiliis splendescat, &
 quasi subigatur? Demostenes quidem vir & elo-
 quentiæ & sententiæ in populo Atheniensi prin-
 cipis, eo vitio à natura laborasse dicitur, vt ei-
 us cuius antistes esset, literam primam efferre non
 posset. At is vitium illud adhibito ori calculo emē-
 dit: tantumque accuratione & diligentia per-
 fecit, vt æquales suos, qui tum in eodem elo-
 quentiæ genere versabantur, cū cæteris
 omnibus rebus, tū vocis suauita-
 te decoroq; actionis, etiā
 aduersariorum te-
 stimonio su-
 pera-
 ret.

N





Dipsas.

In *παρθενομίνας*, & sectatores me-
retricum.



*Imbibit hūmorem lethali noxia morsu
Dipsas, & in venas frigida virus agit:
Paulatimque sitim miseros effundit in artus,
Et sicca indignis conficit ossa modis.
Insani meretrix censum expiscatur amans,
Poscit & accensa pignus amicitia.
Captaque propositis retinet praeordia philtreis
Huius, & immemorem non finit esse sui.*



NARRATIO PHILOSOPHICA.

O MNINO certè fœminarum institutis & legibus teneri, miserum & indecorum est: sed in isto genere nulla est aut turpior, aut infestior seruitus, quàm eorum qui se flagitiosè ad alicuius fœminæ amores contulerunt. Nam quid in hominum prouentibus tam sanctum esse potest, quod non ab eiusmodi scortis violari, quid tam sacrum aut religiosum, quod non pollui fœdarive queat? Quæ enim arario sanctiori, hoc est patrimonio Christi referri debent, ab his ne mulieres quidem illæ manus abstinere possunt: quibus non satis est sacras oblationes exhaurire (vt de diis illis qui quondam tempore Danielis apud Babylonem colebantur, accepimus) nisi etiam & sportulas & si quæ sunt alia quæ recuperatoribus honoris causa dantur, sibi deposcerent. Sed tamen quia vt quisque bonitate præstat, ita minus alios improbos suspicatur, Christiana est & plane laudanda eorum existimatio, quibus mulieres quæ magnorum hominum porticibus & foro vi solent, non continuò improbantur. Nam & Pontificum proprium est, & cum Euangelicis illis præceptis magnopere coniunctum, vi duas obsequio meritisque retinere. Cui sententiæ canonistæ minimè aduersantur, apud quos ex æquitate quadam prætoria relatum est, clericum qui arctius mulierem fuerit complexus, non sceleris alicuius, sed benedicendi causa (sic enim loquuntur) ex benigna interpretatione, id

videri admisisse. nisi forsitan & illi in hoc quæstio-
 nis genere, testes parum idonei, & non omni ex-
 ceptione maiores iudicari possint, quòd illorum
 „ magnopere interfit. Sed tamen quia vt quisque
 „ est optimus, ita se maximè virum bonum & esse
 „ & nominari vult, cauendum erit ei cuius vita in
 luce omnium posita est, ne qua illum ex mulie-
 rum aditu infamiæ vel minima suspicio attingat.
 Nam omnino negligere quid de nobis dicant ho-
 „ mines, dissolutum est. Præterea vt Hesiodus dixit.
 „ *Ὅς δὲ γυναῖκί πείσεται, πείσεται ὄγε φιλήτησι.*
 Qui fidit, inquit, mulieribus, & is furibus fidem
 habet. quod tamen de his dictum existimamus,
 quarum vita ad omnem licentiam & libidinem
 parata est, à quibus qui Deo acceptus esse
 cupit, facile se liberabit, vt inquit Sa-
 lomon, qui verò scelera-
 tus est, ca-
 pietur.



In tabulas Hipparchi.

Πάντα ἰδὼν διὸς ὀφθαλμοὺς καὶ πάντα
νοήσας.



*Lynceus in medijs castris Hipparchus oberrat
Et desertores conijcit in tabulam,
Omnia perlustrat, nihil ille relinquit multum,
Imperat & miseris stigmata digna reis.
Non potes aeterni tabulas calare tonantis,
Omnia sunt oculis crimina nuda suis:
Quaque latent vigiles miseri sectoris ocellos,
Cernit ab Aethereo maximus ille polo.*

N ii

QVI æternam Dei immortalis providentiã
 sermonibus & disputationibus suis con-
 uellere conati sunt, nulla re magis reliquos homi-
 nes tam absurdæ disciplinæ adiungi posse puta-
 uerunt, quàm si scelerum omnium impunitatem
 summa contentione prædicarent, & vulgus im-
 peritum velut proposita vtilitate demulcerent.
 Nam si ad mortalium facinora & sordes diuina
 illa virtus quasi sopita putatur conuiuere, si nullis
 nostris aut beneficiis, aut malefactis impellitur, si
 inferiora ista non curat, quis tam à natura bene-
 informatus est, qui in summa animi ægrotatione
 non lubens desipiat, & non aliqua peccandi ille-
 cebra capiatur? Vt enim Pythagoras tum maxi-
 mè pietatem cæterasque virtutes in animis no-
 stris versari ait, cum rebus diuinis operam dare-
 mus: ita cuius studium malè agendo non erectum
 retinetur, cum ab actionibus nostris Deum alic-
 num esse suspicamur? Itaq; sapientissimus Thales
 hoc omnibus persuasum esse debere existimauit,
 „ deos omnia cernere, & deorum plena esse omnia.
 Ex quo necessario sit euenturum, vt & meliores
 „ simus, & ad omnia pietatis virtutisque officia pa-
 „ riores. Quia verò magna vis est conscientiæ (vt
 „ ait ille) in ytranque partem, euenit certè vt homi-
 nibus probis rectè actæ vitæ recordatio sit iucun-
 dissima: sceleratis autem, quorum malè agendo vi-
 ta districta est, suæ perpetuò occurrant iniuriæ: vt
 ducere animam de cœlo, nisi in summo luctu &
 mœrore non queant. Neque quisquam vnquam
 tam


tam flagitiosus est repertus, qui nihil sibi à diuino
 numinè metuendum esse iudicaret. Nam & is qui
 omnia Græciæ fana spoliarat Dionysius, ita suis
 delictis terrebatur, vt noctes & dies pœnam antè
 oculos versari existimaret. At is in tanta flagi-
 tiorum impuritate, summi Dei prouidentiam ne
 exclusit quidem: qui cùm templo Locris expilato
 secundissimè Syracusas nauigaret, videtisne (in-
 quit) amici quam prospera nauigatio sacrilegis,
 à diis immortalibus tribuatur. Etsi enim patien-
 tia & benignitate Dei abutebatur ad conuitium,
 quodammodo tamen concedebat versari quan-
 dam in humanis rebus illius numinis præscien-
 tiam curam, & prouidentiam, quæ omnia nostra am-
 bitu suo & maiestate contineret. Neque enim si
 homines omni criminum macula conteme-
 rati felicissimè cursum tenent, conti-
 nuò Deus optimus maximus
 tantam impietate aut
 nò videre, aut ni-
 hil curare sit
 dicen-
 dus.

N iij



Aspis.

Amicitia post aras.



*Non prius è fouea visu truculentior aspis
Exit, quàm comitem senserit esse sibi:
Vt si fortè hominis violentis occidat armis,
Vindictæ hæc tandem tristitia fata comes.
Vnusquisque sibi fidum conquirat Achatem,
Cuius post aras duret amicitia.*



NARRATIO PHILOSOPHICA.

EREGIVM immortalitatis decus, & mea sen-
 tentia castellanis omnibus triumphis antepo-
 nendum, tam sanctè pièque amicitiam alicuius co-
 luisse, vt illi quibuscunque rebus, neque gratia, ne-
 que officio, neque voluntate defueris. Neque ve-
 ro minus Thesei & Pirithoi, Orestis & Pyladis, Da-
 monis & Pythiæ amicitia veterum scriptis & hi-
 storis celebratur, quàm eorum imperatorum vir-
 tutum, qui patriam suam exterarum nationum spo-
 lia & triumphis ornauerunt. Quo in vinculo tan-
 tius & fides, tantum religio valet, vt ad duorū
 beneficam coniunctionem ne tertius quidem pos-
 sit accedere. Nam quamuis non vulgare esset Dio-
 nyi tyranni erga Damonem & Pythiam benefi-
 cium, qui vitam illis donauisset quam adimere po-
 tuerat, non tamen præstantissimo illo amicitia ne-
 cessariè obligari potuit: quòd summum beneuolentiæ „
 vinculi ius ex tribus constare nequit. Huius in na- „
 turis hominum tanta vis est & potestas, vt quive-
 re amet, dum amico suo officiosus esse cupit, ne-
 que se, neque sua velit meminisse: & coniunctio-
 nem illam non modo clientelis & fortunis, sed etiā
 anteponat. In quo verè Christianus animus „
 intelligitur, sic alteri prodesse vt etiam ex iactura „
 sua te fructum & commodum capere arbitrere. „
 que sunt audiendi illi (nollem homines nostros)
 quantum vtilitate sua amicos complectendos
 putabunt: quosque non ipsa honesti specie, nō pie-
 tate, non generis cognatione, sed proposita vtili-
 tate ad beneficentiam adduxeris. Nam et si ratio

bene merendi eam habet legem, vt semper recipiatur, pessimè tamen in amicitia res geritur, cum sola commodorum expectatio ad officium exulcerat. In eo enim simulationi amicitia præstat, quòd sua ipsius gloria & mercede contenta est: in qua & illud præclarè dicitur, extinctos nos in amicis quodammodo superesse & extare, quorum studio & diligentia in summo liberorum luctu & negotiorum orbitas nostra sarciatur. Nam plerumque amicitie & necessitudines quas hæreditarias à patribus accipimus quiddam secum afferunt vberius, quàm locuples hæreditas. Et multa sunt quæ pecunia & patrimonio parantur, at amicitia nequit.



*In belluones librum.
Aliquando feriandum.*



*Protopogen nimum pictura intentus inani,
Non norat dextram tollere de tabula.
Qui genium fraudas & iusti chænicis vsum,
Vt possis studijs inuigilare tuis:
Obductâsque seu tractas sine puluere chartas,
Non metuis sati conscius esse tui?*

NARRATIO PHILOSOPHICA.

CATONEM eum qui postea Vticensis dictus
 est, Marcus Cicero librorum helluonem ap-
 pellauit, quòd doctrinæ studia nūquam intermit-
 teret, & quantum illi forensium negotiorum la-
 bor otij tribuebat, ad legendum conferret. In iis-
 dem literarum studiis immori audiuius C. Pli-
 nium, qui omne tempus sibi perire affirmabat,
 quod non rerum magnarum contemplationi im-
 penderet. Qua in sententia principes illi philoso-
 phi fuerunt, qui cum se à publicis negotiis remo-
 uissent, animum ad veritatis cognitionem accom-
 modauerunt, & dies noctesque in contentione ver-
 sabantur. Quod etsi laudandum & gloriosum est,
 erit tamen ei qui ita animo est affectus, omnino
 videndum, ne qua sua iactura & valetudinis offen-
 sione illud oneris sibi imponat. Sed forsitan homi-
 nibus discendi studio inflammatis difficile factu
 fuerit rationem sui habere, seque à mirifica illa di-
 micatione reuocare. In quorum vitam per media
 literarum studia velut quadrigis vehentem, si qua
 misera fortuna ægritudinis incurrerit, discunt cer-
 tè suo incommodo, quantum interposita remissio
 ad sanitatem fuisset profutura. Nam etsi conten-
 tionem quies incredibiliter aduersetur, accidit tamen
 ut illa maiorem in modum contentionem iuuat,
 eosque qui in negotio sunt, maiores postea ad rem
 gerendam efficiat. Neque verò iis qui opere disti-
 nentur minus peruidendum erit, quomodo labo-
 rem suum mediocritate & remissione leniant,
 quam

quàmvt facilè quod volunt, assequantur. Habet e-
nim sèpissimè nimis operosa còcursatio tar-
ditatem, & qui sinè intermissione in a-
liquam rem fertur, interdum à cal-
ce ad carceres re-
uocatur.



*In ædificiis poetarum prurientium.
Ex Polycleto.*



*Sic ædificiis, artificis medius permanat ad vngues,
Hunc vitæ damnas o Polycletemodum.
Effuge lasciui scalpentia scripta poeta,
Adpingunt luteas vnguibus illa notas:
Talia nativum ledunt monumenta pudorem,
Atque inculpatis moribus officiunt.*

NARRATIO PHILOSOPHICA.

PLATO grauissimus veteris sapiētiae antistes,
ere ciuitatis, quam ille præclarissimis funda-
bat institutis, esse existimauit, poëtas & reliquos
voluptatū artifices procul à republica amandare.
Qui enim dum magnam doctrinæ & virtutis spe-
ciem præ se ferunt, imprudentes fallunt, iis mea
sententia non debet esse in ciuitate locus. Hono-
rem quoque huic hominum generi antiquitus nō
fuisse, M. Catonis declarat oratio, in qua ille pro
celere Nobiliori ponit, quod consul Ennium du-
xisset in prouinciā. Sed ista opinor nimium stoi-
ca & seuera: Erat enim poëta ille, vt accepimus, »
» haud magna in re, sed fidei plenus. Nam si ad pœ-
» nam constituendam aut decreta ferenda irati non
debemus accedere, æqui certè & placati in illos es-
se debemus, quorū opera non modo ad res ma-
iorum virorum memorię mandandas, sed ad ho-
minum nefariorum flagitia verbis coërcenda, vti
in republica esse potest. Neque verò mihi o-
mnino persuasum est, Platoni in eo albo poë-
tarum præstantissimos fuisse, quorum scriptis le-
gentium animus, non modo ad turpissimi facino-
rum cogitationem non deducitur, sed incitatio-
ne quadam ad virtutem efficitur propensior. Ita-
que Alexander Macedo, cum in Sigeo ad Achil-
lis tumulum astitisset, felicem eum prædicauit,
cum Homerus tantus rerum à se fortiter ge-
storum præco contigisset. Is enim summi
historiā tanta cum gloria est persecu-
tus, vt difficile factū sit iudicare, vtri

plus laudis ex illo scriptorum genere sit allatum. Nam vt facere laudanda magnopere gloriosum est, ita certè & illa proderè literis ad eandè fermè commendationem accedit. Vnde & apud Græcos mos valuerat, vt in conuiujs poëtæ adhiberentur, qui magnorum virorum laudes poëtica illa facultate recitarent. Et Simonides parum gratiæ à Scopæ dicitur iniisse, quòd in eo carmine, quod pecunia se in honorem Scopæ facturum receperat, nulla de Tyndaridis honorificè prædicasset. Sed postquam in perhibendis præclarè gestis, poetarum studia sunt neglecta, homines quoque (vt ait Plinius) facere laudanda desierunt. Non enim à præstantibus & magnis viris posteritatis cõsolatio repudianda est, neque omnino gloria negligenda, si modo ex benefactis & virtutis actionibus quaeritur. Erunt igitur modis omnibus in republica tuenda, per quos plerunq; accidit, vt homines studio gloriæ inflammati, facere scribenda non recusarent. Sed qui ita scribunt, vt legentibus illecebram percipiendi afferant, qui hominibus satis à natura in libidine propensis voluptatû stimulos admouet, qui detestanda quæque flagitia, quæ ne prohibere quidem propter verecundiam veteres legesatores voluerunt, ob oculos proponunt, qui naturæ & virtutis omnis seminaria in nobis restringunt, quid, quæ illis cū optimis ciuibus cõmune esse possit? Odiosum verò est, quod à nonnullis dicitur, non posse poemata nisi pruriant, placere: quasi ipsa virtutis forma nō sit omni corporis voluptate aut amabili-
 In veter

In perfunctoriè indicantes.

Μήδ' ἔστιν αὖτις ἀνέσθαι πρὶν ἀπορῆναι
ἀνέσθαι.



*Diceret Aemathius populis dū iura Philippus,
Maximus inuasit torpida membra sopor.
Tandem experrectus sortes coniecit in urnam,
Et causa ignota iudicat ille reum.
Dum sudant rauci tenebrosa in lite patroni;
Sape Senatorum corpora somnus habet.
Quī potes obscura momenta expendere causa,
Si lite in media membra sopore ruunt?*

NARRATIO PHILOSOPHICA.

EREGIA illa & præstantissimo senatore di-
 gna sententia, qua apud Homerum Somnus
 Deus Agamemnonem regem in quiete his ver-
 bis affatur;

Οὐ χρεὶ παννύχιον ἐνδειν βεληφόρον ἄνδρα.

- ” Non decet, inquit, totam noctem dormire con-
 ” liarium virum. Neque enim ad reipublicæ temp-
 ” rationem, aut iuris reddendi auctoritatem satis fore
 affert instrumenti ea quæ in re familiari guber-
 nanda recepta est accuratio: sed quiddam cumu-
 latius & plenius postulat ciuitatis tuendæ status,
 ad cuius moderationem qui accedit, etiam rebus
 pacatis nunquam sine cura & sollicitudine esse
 debet. Nam cum erit publicis negotiis & opere
 vacuus, tum demum oportunissimum erit tem-
 pus de negotio cogitandi, vt de Aphricano Pan-
 tium dicere audiuius. Semper aliquid inquireret
 & discet. semper futura providebit, diesque & no-
 ctes in arctissima cogitatione ponet, vt his malis
 aliqua ratione mederi possit, quæ celerius opi-
 nione hominum solent obrepere, vt ad vtranque
 fortunam egregiè sit armatus. Vnde in pace &
 florentissimis ciuitatis rebus, de bello cogitabit
 sicque nihil omnino poterit accidere, quod non
 longè antè sit meditatũ & præuisum. Itaque ho-
 mini senatori & publicis magnisque rebus diste-
 ro, tantò turpius est antelucana opera à fabris vir-
 ci, quantò ille sedentariis & artificibus dignitate
 præstat. Alexander quidem cum pomeridiano te-
 pore dormiisset, quod putaret opinor imperator

summo naturæ necessitatibus parcè inferuiendum
esse, dixit se tutò & sine culpa dormiisse, quòd vi-
gilasset Antipater. Quo minus erit ignoscendum
iis qui de maximis rebus iudices accepti, in ipsa
iudicij contentione, reliquò ordine omni & po-
pulo inspectante dormiunt, & momentis causæ
vixdum libatis sententiam ferunt. Felix certè &
immortalitate dignum ingenium, de his rebus ho-
minem somno oppressum iudicare posse, ad quas
audiendas qui se attentius accommodauerint, ne
illi quidem satis ad iudicandum parati esse pos-
sint. Neque verò sperandum est vt illi publi-
ca negotia domi curæ sint, qui inter
ipsa subsellia & iudicio iam
constituto in som-
nū conuer-
titur.

O ij



Vetus nuptiarum ritus.

In licentiam virginum.



*Mos fuit ut iustis nuper socianda hymenæis
 Multoties liquida perlueretur aqua.
 Ecquid ita? ut casta virgo sacrata Dianæ
 Prodeat in sanctum non violata thorum.
 Credita virginæ cui sunt æreana iuuenta?
 Ecquis scire dolos parvæque furta potest?
 O quoties facili. mentita puella marito est
 Falsa colorata signa pudicitia:*

NARRATIO PHILOSOPHICA.

TANTVM semper apud veteres illos matrimo-
nij valuit religio, vt nemo nisi diis appro-
bantibus, & aliquo sacrificio placatis, se nuptiis
alligaret. Iam verò ea quæ in manum viri conue-
niebat, ad ipsam aram aqua conspergebatur, vt il-
lius pudicitia & anteaactæ vitæ integritas non in
tenebris latere, sed testatâ omnibus & in oculis to-
tius ciuitatis posita esse videretur: & ad colendam
etiam in matrimonio castitatem quasi instructior
accederet. Fit enim quodammodo vt quiddam cu-
mulatū de illius castitate futuro matrimonio no-
bis promittamus, quæ in iuuetute longa officiorū
omniū constantia & fide, sibi continentia nomen
peperit sempiternum. Ac in vetere illa lege, cuius
descriptio à Domino Mosi data est, tanti est ha-
bitum vxorem virginem, & nulla impudicitie ma-
cula contemeratam in mariti domum perducī, vt
viro de mulieris suæ existimatione laboranti, &
ante matrimonium violatam ab illa pudicitiam
suspiciāti, potestas à lege facta sit de ea re apud Cō-
siliū querelam perferendi, & primam vxoris
pueritiam ad iudicium famæ deponendi. Habet
enim muliebris ille animus virtutis significatio-
nem, quæ tamen sapissimè, & tempore, & multis
postea euentis collabascit, neq; locum suum apud
homines tueri potest. Nam quantis simulationum
involucris tegi, & quasi quibusdam velis obtendi
carum naturam existimamus, quibus plus studij
& operæ in externis illis blanditiis, quàm in vero
amicitiæ cultu esse solet. Neque verò ea quæ sem-

per priuatim & domi vixit, subitò continens appellanda est. Nam sicut in comitiis & prensandis magistratibus dici solet, nox vna interposita perturbat omnia, & sæpe vno temporis momento labefactatur, quod diuturna probitatis apparitione, ab illa sit perfectum. Vt enim non tantum poëtis elaborandum est, vt aliqua parte placeant, sed id etiam efficiendum erit, vt perpétua fabula & vsque ad extremum delectent: ita nunquam aliqua castitatis & continentiae laudem feret, nisi extremum vitæ actum perpétuæ integritatis constantia confecerit. Sed vt animorum omnium, ita

certè muliebrium maximè iudicium difficile est: neque de ea longa probitatis opinio esse potest, cui omnia in vestis compositione, saltationibus cœtu & rerum fortuitarum appetitione posita sunt.



Ad Trapezitam.

In Aulicos.



*Dum tu intentus inis rationem, calculus vnus
Hac vice mille valet, qui modo tresſis erat.
Turgidus aurata regum qui degit in aula,
Et cui magnanimi principis aura fauet,
Sape peregrinis inglorius exulat auris,
Fortunásque eius flebilis haſta quatit.*

O .iiij

NARRATIO PHILOSOPHICA.

DECLARAVIT iamdudum *Διονύσιος* & *Ἰσχυρίδης* quam parum tuta esset illorum navigatio, qui multitudinis iudicio & populari aura iactati, nunquam cupiditatum suarum portum inuenire potuerunt. Tantò enim eorum conditio miserior existimanda est, quantò turpius habetur aliorum nutu & euentis rationem vitæ nostræ circumscriptam teneri. Vt enim hic fortis, hic sapiens, hic moderatus est, hic denique viuendi rationem bene comparatam habet, qui siue in aduersa, siue in propitia fortuna, perpetua quadā animi æqualitate & constantia paret & obedit præcepto illi veteri, vt lætetur aut moereat nunquam, sed in seipso omnem spem reponat sui: ita hic stultus & amens est, qui tam ex aliorum iudicio & voluntate pendet, vt eodem die quacunque mutatione irreperente & fortunatus & miser dici possit. Cito amico & necessario suo. Alexander valde familiariter utebatur: at is à tam intimo, victus credo inuidia, ne manus quidem abstinere potuit. Sed in hominis boni & sapientis iactura dolendum omnibus, atque ipsi Alexandro fuit. Adeo non est tutum apud principes in amicitia & clientela esse. Nos verò quàm mirifica voluptate impellimur, cum noui in republica motus impotentes istos & rerum secundarum prosperitate elatos, aliquo casu perculerint. Qui enim neque ex philosophicis præceptis, aut si placet ex Euangelica disciplina, neque ex aliorum successibus memoria repetendis meliores fiunt, quorum animus ad virtutem

& mo

& moderationem omnem obfirmatus est, qui in populi damno & iactura non mouentur, ferè accidit vt antequam è vita migrent periculo suo reum humanarum & honorum inconstantiam ediscant. Quod non in eo est, vt hoc illis in pœna maiestatis vitæ ponam, & quasi iudicium Dei optimi maximi anticipem, qui sæpe fortissimos ciues eiusmodi calamitate pepulit: sed non possum non ætitia affici, quoties alicuius casus acerbitas idcum boni affert, vt insolentes homines iuuenili audacia & inani quadam potentia exultantes, prius coërcere, deinde etiam ad æquitatem animi possit deducere. Pulchrum est certè regum clientelas iactare posse, gloriosum est maximos apud principes magistratus gerere: vtile reipublicæ est sese iis qui præsumunt ad consulendum accommodare, neq; viro bono recusanda est rerum gerendarum cura: sed iis qui in eo genere se exercebunt erit diligenter videndum, vt præclarè in officio sint, & neminem eorum lædant, quorum vtilitatibus procurandis quasi tutores lege principali dati sunt. Nam si ita ratio & natura postulat, vt qui belluis & feris sunt præfecti, earum commodis diligenter seruiant, quid eos facere oportebit, quibus æqualium suorum temperatio attributa decreto est? sed quorundam hominum appetitus in eo quod populo calamitosum est, sæpe triumphat & exultat, neque sibi vnquam satisfacit, nisi multorum ciuium caput & fortunas offenderit. Quorum mores quia ad tantam cupiditatem incubuerunt, vt totam reipublicæ moderationem vtilitatibus suis

metiantur:ferendum est æquo animo , si nonnulla in eorum vitam incurrant, quæ rebus prosperis fracti posse euenire nunquam erant suspicati. Fundum ærarij & inopiam auribus multitudinis inculcant, sed moderationis, est & temperantiæ, proscriptos magistratus & vanales pati in fiscum deferri, & ex eis publicè pecuniam refici. Qui autem illos à principibus impetrât, & postea populo addicunt, vt pecuniam quam negotiationis nomine ab emptoribus abstulerint, in rationes suas referant, habent profectò quod de se querantur.

Non est enim consentaneum, eum qui in exhauriendo ærario valde occupatus est, alij afflicta & profligata vestigalia reponere.



In nodum Gordium.

Virtuti fata plerunque obstant.



*Aspice ut implicitos, ad tēpla immania nodos;
 Nec queat Aemathius solvere vincla puer.
 Gordius est nodus, quem si dissolvere possit,
 Ex Asia solus regia sceptrum acriet,
 Sed cui nodorum primordia cognita non sunt;
 Tentatum toties quā referabit opus?
 Non quiuis superare potest ingenti regna,
 Sed manus aut populus cui dare fata volēt.*

NARRATIO PHILOSOPHICA.

LY S A N D R U M Lacedæmonium ferunt, cum
 Sardis ad Cyrum legatus à suis venisset, ab eo-
 dem rege in conseptum quendam agrum dedu-
 ctum esse: ubi cum proceritates arborum & mira-
 ficæ descriptiones valde esset admiratus, intelle-
 xit eos ordines ab ipso Cyro esse digestos. Tum in-
 tuentem ornatum Persicum & purpuram regis di-
 xisse, Bene certè te beatum aiunt ò Cyre, quòd vi-
 tuti tuæ fortuna coniuncta est: quibus verbis apud
 Xenophontem Socrates quiddam egregiè felix
 & fortunatum videtur designare. Nam victorem
 esse & imperandi gloria præstare, ex Peripatetica
 disciplina sunt in bonis: quibus si æterna societate
 virtus sese adiūxerit, efficitur etiam Stoicis placa-
 tis admiranda quædam in rerum natura felicitas.
 „ Sed tamen ita à natura facti sumus, ut nobis ad vi-
 „ tutem facilis sit & via & doctrina: nec aliud
 „ peccare quàm contra naturam facere: cui, qui ma-
 „ le agunt quasi bellum videntur indicere. Hanc vo-
 „ rò qui ducem sequuntur, nuquam à recto, num-
 „ quam ab honesto deduci possunt. Sed præesse &
 principatum in cæteros habere, non omnibus ce-
 tē à sempiterna illa mente datum est. Nam iis qui
 auri copia & maximis exercitibus abundant, qui
 latè rerum potiuntur, qui barbarorum auxilia in-
 promptu habent, qui regum & nationum cliente-
 las gloriantur, non continuò licet vincere, capere,
 aut vrbes in potestatem fidemque redige-
 re: frustra quæ multivi & armis cõtenderunt
 Dei prouidentia & fatorum necessitas prohibent.

nant. Persas innumerabili propè militum manu in
Græciam venientes, superatos audiuius in Ma-
rathone agro à Miltiade Atheniensium duce. Idē
paulò pòst & Themistocli contigit, vt eos profli-
garet, quibus aciem instruendis non solum ter-
ra, sed ne maria quidem stare posse viderentur. Iā
quantis cladibus nostri Turcas affecerūt, licet nu-
mero militum, reliquoque omni castrorū instru-
mento illis concederent. Ac si quis tempus illud, quo
Octauium puerum res Romanæ deuenerunt,
memoria complectitur, possit adduci vt tam præ-
cipitem & celerem florentissimæ ciuitatis com-
mutationem, non fabulæ similem existimet? Quis
enim, ex puerum, quis iuuenem, vix dum aliqua perfunctū
dignitate, ad rerum tantarum fastigium vocari
potuisse ante cogitarat? Sed hæc extra hominis cō-
stituram versantur, & omnino ab æterna illa di-
cretione pendent: cui qui in amplissimo dignita-
tis gradu locati sunt, tantum splendorem acce-
dere debent: qui verò aliis subsunt, non
ita animum demittere, vt suæ se fortunæ pœ-
niteat: sed tam bono & forti animo
erunt, vt etiam in abiecta fortu-
na verè liberi & regum
reges appellari
possint.

In Anaxarchum.

Dolor non est malum.



*Fortis Anaxarchus Cyprij tormenta tyranni
Negligit, & subitas non timet exequias:
Tunde, inquit, magis atque magis quod conte-
ris, inquit,
Arca mea est: in me nil tua poena potest,*

SI VT multorum philosophorum longa fuit
consensio, malum omne opinionis est non na-
turæ, viro sapienti summopere erit contendendum,
vt dolorem si quando acciderit, summa cō-
stantia & æquabilitate ferat. Neque opinor patie-
tur in se valere, quod Dionysio Heracleoti leuissi-
mo philosopho contigit: quem cum Zeno Stoi-
cus & sapere & aduersus malum omne paratum
esse docuisset, ferunt morbo quodam incurrente
tam fracto & demisso animo fuisse, vt falsa esse in
ipso eiulatu clamitaret, quæ antea de dolore sen-
serat. At nō oportuit hominem philosophum ex
renibus laborantem de gradu prudentiæ discede-
re. Habebit verò semper in ore Epaminundam il-
lum, qui graui vulnere accepto morti appropin-
quans non prius sibi telum auelli, aut sui ratio-
nem haberi passus est, quàm de victoria suo capi-
te ciuibus suis parta nuncium accepisset. Ad-
mirabilis illa animi elatio, vitæ suæ dispen-
dium & iacturam reipublicæ commodis so-
lari posse. Iam verò si tales nos natura ef-
fecisset, vt non ex fortitudine animi & recte-
factis fructus gloriæ esset capiendus, dolo-
rem tamen vel hoc ipso placatè ferre debere-
mus, quòd pusillum & planè muliebri iudi-
catur in dolore siue malo exclamare. At si
aliquod virtutis aspicimus, si præ-
stantiam naturæ hominis, si honesti for-
mam contuemur, possit aliquis tam ab-
iectus

iectus & humilis videri, vt in doloris pressu vultu-
lantem se sine verecundia audire possit? Multi e-
nim pudore attolluntur, qui nulla alia ratione viti-
ci possunt, qui modus in præstantibus & magnis
viris ad æquitatem deducendis non mediocriter
valet. Calanus verò homo Indus & Barbarus qua-
ta alacritate in rogam processit? cuius tanta fuit
in morte, quam sibi priuato consilio sumpserat,
grauitas & constantia, quanta nulla alia in philoso-
pho fuisse memoratur: quasi opinor in æternam il-
lam domum esset venturus, in qua mortalis vita
& plena periculorum vita, cum immortalitate sit
commutanda. Ad quam cogitationem qui se ac-
commodant, habent certè aliquid, quod in sum-
mis periculis non admodum pertimescendum pu-
tent: qui verò nihil tale animo cōcipiunt, se tamen
sapissimè à dolore inuictos præstant; vel vt glo-
riam sibi parèt, vel vt ciuibus aut patriæ suæ que-
tem relinquant. Itaque fortissimè Lacedæmo-
nij Philipo minitanti responderunt, essetne
prohibiturus quominus morerentur: quasi
nihil homini accidere in vita possit,
quod sit horribile, si cul-
pam & scelus su-
stuleris.

Noctua.

Cum Turcis bellandum.



Oppida collatis inuadite Turcica signis
 Reges: vos etenim summa trophæa manent.
 Cernite sperati præsagia certa triumphi,
 Vobis à dextra Noctua venit avis.

P

MIRETUR non iniuste aliquis, quod cum maiores nostri perpetua quadam constantia in opprimendis Othomanorum viribus occupati fuerint, & per illos tot calamitates & clades à communi Turcarum peste depulsæ sint, tandem eas ipsas in caput posterorum recidisse. Nam ne externa semper meditemur, quot victoriis Galli principes eam gentem in Asia & Africa dicuntur profligasse? Testes sunt illi, qui dominatu Turcico liberata Syria, multos annos in oriente imperium tenuerunt, atque eos à quibus ipsa virtus & Christianæ religionis ornamenta quondam ad nos profecta fuerant, Christianis institutis iterum viuere, & intermortuam fidem, & barbarorum tyrannide oppressam recipere coegerunt. Quorum victoria & magnitudo animi si tam parum profecit nobis, ut non tantum quæ illorum virtute parta fuerant, tenere non potuimus, sed ea ipsi amisimus, quorum iusta hæreditas ad nos pertinebat, quid est quæso quod homini Christiano magis efficiendum est, quam ut eam cogitationem toto pectore complectatur, quæ in repetendis rebus per Asiaticos Turcas ablatis posita est. Nam si qui sunt tam pacis & otij amantes, ut gentes eas Christianorum spoliis & sanguine refertissimas non existiment bello prouocari oportere, non video sanè tempus vllum quo iustum bellum indici possit. Neque vero in eo nostra versatur oratio, licitane sint in-

ter Christianos ultro citroq; bella: scio enim multos in ea sententia fuisse, ut aliquo casu iustum bellum indici posse iudicarent. sed hæc fortasse nihil ad hoc pensum. Qui autem quominus cum Turcis & barbaris prælio decertemus, religione impedi nos existimant, neque vllum relinquunt Christianis locum res ablatas auferendi, videntur, mea sententia, non solum in retinendis Christianorum principatibus eam gentem præsidiis firmare, sed ad reliquias quoque opprimendas reddere instructiorem. Iam verò quæ iniustitia est, aut quæ potius improbitas, per quos armis fueris laceratus, eos bello appetere non licere: qui delubra, qui fana & templa, qui aras & focos, qui sepulchra familiaria in luce omnium expilarunt & violauerunt, horum impunitas Christianorum autoritate & sententiis possit esse consignata. Ac si quis est qui Christianam fidem vi & armis in vulgus proseminandam esse non putet, habet certè me opinionis suæ laudatorem & sequacem. Malè enim se res habet, cum quod consilio si, & Dei optimi maximi beneuolentia geri debet, id tentatur vi & armis. Nam cum in omnibus actionibus quæ ad animum pertinent, tum certè in religione plurimum priuata incitatio valet. Sed non est ferendum, vetus illud & iustum Christianæ fidei patrimonium, nobisque à maioribus hæreditarium, hominum nefariorum audacia violari, & diripi: quibus non tantum cum religione nostra (hanc enim vel ipsa natura oderunt) sed cum reliquis virtutibus omni-

bus perpetua semper dimicatio fuit: qui veterem illam Græciam sapientiæ & humanitatis omnis theatrū: qui florentissimas Asiæ ciuitates, in quibus primum clara voce & incredibili constantia de religione Christi decreta perscripta sunt, tanto studio & admirabili cōsensione bonorum omnium, qui Christianorum conuentus frequentes oriente toto, funditus deleuerūt, hi tandiu nostrorum hominum patientia abuti possint, horum scelus & impietas in oculis, in auribus, in lateribus regum & principum versari permittatur. Sed vt ait longe optimus poëta, κακῶν ἐκ ἔσσεται ἀλκή. In

quibus forsan frustra naturæ necessitas accusanda sit, cū in calamitatibus & miseriis accersen-

dis simus perquam
diligentes.



In Stefichorum

De mulieribus, neque bene neque malè
loquendum esse.



Stefichore, offensus quæ tandem numinis ira
Imprudens oculos eripueris tibi?
An quòd Leda decus immortale puella
Ausus es insanis legere carminibus?
Mitte lenis peragat Milesia veller a virgo,
Et neat obscuro vultu puella fæco.
Non est digna tua qua sentiat arma Camæne,
Quæq; Licambæis concidat æta notis.

NARRATIO PHILOSOPHICA.

STESICHORVM poëtam, cùm in eius ætatē
 Siam ingrauescentem misera cæcitatē fortuna
 incurrisset, merito illo supplicio à diis immorta-
 libus affectum fabulæ crediderunt, quòd parum
 honorificè de Helenæ pulchritudine & elegantia
 cecinisset. Quod etsi naturæ potius aut senectutis
 vitio quàm aliqua deorum offensione illi acci-
 disse credendum est: non est tamē opinor extra no-
 xam, qui muliebria illa ad otium stylūque suum
 voluerit pertinere. Nā Thucydides nō solum do-
 ctrinæ gloria, sed genere quoque princeps ciuita-
 tis suæ, existimauit, de mulieribus neque bene ne-
 que malè loquendum esse: & quemadmodum na-
 tura, ea quæ in hominum corporibus deformem
 aspectum habent, longè amandauit ab oculis: ita
 earum animantium memoriam, quæ cogitationē
 angustī & infirmī animi legentibus esset allatura,
 in tenebris latere homo prudētissimus voluit. Ne-
 que enim ea exempla ad memoriæ diuturnitatem
 valent, quorum imitatio periculosā esse potest. Ac
 vt magnorum virorum res gestæ monumētis pro-
 ditæ, multis sæpissimè ad eandem gloriā stimu-
 los addiderunt: ita certè fatendum est, nonnullos
 ex flagitij aut rei turpiter gestæ historia ad omnē
 sceleris indignitatem incitatiores esse factos. Vn-
 de & sapientissimus legislator Solon de parricidis
 legem non tulit, ne antea inauditum crimē potius
 docere quàm vetare videretur. Sed quia in fœmi-
 narum genere nonnulla egregiè facta extiterunt,
 digna certè quæ & testimonio hominum & lite-

ris nostris illustrentur, non existimârunt Romani alienum à dignitate ciuitatis suæ, si honestissimæ matronæ postquam ex vita migrauissent, laudarentur: Marcoque Antonio summo oratori laudi datum est, quòd Popiliam matrem fœminam primariam nouo exemplo apud populû laudauisset. Habet enim commendationem, cùm in animo muliebri plane virilis fortitudo & virtus elucescit.

P iij



In certamen equi & tauri.

Libertatemvēdit qui beneficium accipit.



*Cūm timet infræni truculentia cornua tauri,
Nec cōferre pedem mollior audet equus:
Imploravit opes hominis, frænoque recepto
Hostem persacili proterit ille manu:
Verum ubi signa domū retulit victricia, frustra
Æternum queritur colla subire iugum.
Sic caueat meritis aliorum qui volet vii,
Ne libertatem venditet ille suam.*

In quendam, qui cùm meam fidem leuissimò
beneficio sibi obstrictam haberet, in me fa-
ctus erat licentior.

*Me dudum ab misero retinet Longinus in are,
Et pensum ingrati quaritat officij:
Nec pudeo hunc fatuus me compellare querelis,
Dum stultus merito non putat esse parem.
Quo superi redimam malè faustas munere grates?
Ne glebæ Sardum me putet esse sibi*

A L I V D

*Iam neque me Sæculi terrent præsagia tauri,
Nec durum addictæ conditionis opus,
Aut aliena olim miseris signata calendis
Æra, Saguntina deteriora fame.
Dum ne, qui euentis partes metitur honesti,
Me scriptum ex tabulis vendicet ille suis.*

P v

NARRATIO PHILOSOPHICA.

NE tū quæso istas ineptias homo tuō quidem iudicio valde sapiens. Pergisne iterum tanquam ex syngrapha agere nobiscum? In quo valde miror, tibi mea sententia non indocto in mentem venisse, religionem, fidem, pietatem, officium, libertatem (quæ mihi vita ipsa charior est) animum denique meum apud te obsignatum teneri posse, pusillo credito voluntatis tuæ. At beneficium gratiæ & benevolentia non mutuū pecuniæ fuit, in quo parum laboro: sed caue existimes me vllis rebus adduci potuisse, ut iudiciū animi mei postponerem clientelis tuis. Tu nos vitæ ratione tam malè comparata, tamque parum ex nobis aptos fuisse: tu de toto genere institutorum meorum tam fractè & demissè iudicasti! tu hominem, & quod in hominum animis æternum & ingeneratum est, vno merito obstringi existimasti! tu præclarissimum libertatis patrimonium, pro quo etiam vim parenti afferri debere veteres sapientes iudicauerunt, vno obsequio profligari & affligi. Tu leges, tu ius gentium, tu vinculum religionis, quibus authoribus nemo vnquam à se sui principatum abdicauit, obstringi mancipio voluntatis tuæ: Tibi denique persuasum esse potuit, eorum quorum vtilitatibus & terrarum orbis, &

Hoc sublime candens quem vocant Aethera
se se accomodat: quorum causa vrbes ædificatae,
vineæ institutæ, arborum descriptiones & ordines digesti, fluminum fontiumque perennes inuentæ, quorum commodis & leuationi so-

lis & Lunæ circuitus, reliquorumque syderum
 anniuersarij statique motus inseruiunt, eos mi-
 nutissimis officiis & leuidensa tua quasi nexu al-
 ligari. Sed quemadmodum apud Homerum præ-
 stantissimus ille rex regum Agamemnon, Achil-
 li præsentī iracundia inflammato, & verborum
 audacia exultanti, cū in maledicendo modum
 non teneret, fertur respondisse,

Παρ' ἐμοί γε καὶ ἄλλοι

”

Οἱ κέ με τιμήσοσι, μάλιτ' αὖτ' ἐμὴν κτῆτα ἴσ'.

”

Apud me, inquit ille, & ij qui me colent, maximè
 verò consiliarius Iuppiter. Ita & apud te possum
 prædicare, me iudicio beneuolentiæ tuæ mirifi-
 cè delectatum (etsi certè id in nos & perexiguum
 & vulgare fuit) sed non patiar etiam si multo-
 ties sit mors oppetenda, vel minimam seruitutis
 labeculam aspergi libertati nostræ: neque enim
 existimo Deum tam esse auersum à cuiusquam
 salute, vt in vnius homunculi beneficio dignita-
 tis & splendoris omnis iactura sit ponenda. Ita-
 que iis libenter debebimus quibus volumus, vo-
 lemus autem apud eos qui nostri rationem ha-
 bebunt, sed in omnibus consiliarius Deus. Quod
 si tuū in nos semel officium constitit, agnosco sanè
 beneuolentiam & liberalitatem tuam: sed molestè
 fero tanti te hoc bene merendi genus æstimasse, vt
 tibi nos eo nomine mirabiliter deuinctos iudica-
 ris: & liberius quàm vel pudor tuus, vel etiam
 dignitas, aut si malis libertas nostra pati posset,
 mecum expostularis. Miserrima medijs fidius eo-
 rum in quos aliquid sit collatum cōditio, si ex ac-

cepta

„ cepta benignitate & gratia velut capite minuam-
 „ tur, vt iam illis, vel suis vel liberis esse non liceat.
 Quòd si à me tibi beneficium repræsentari refi-
 ciq̃ue postulas, rationem habet: sed permitte me
 meo more & arbitrato viuere, neque stomachere,
 si id meo iure sumam, quod post homines na-
 tos ne crudelissimi tyranni subditis suis vnquam
 „ inuiderunt. Itaque si omnis beneficij comme-
 „ moratio homini pudenti verecunda est, quòd
 „ quasi gratiæ exprobatorem habeat, vide ne pa-
 rum honestus iudicare, qui non meriti memo-
 riam renoues, hoc enim certè nobis minimè
 tibi subiratis ferendum fuisset, sed mecum tan-
 quam ex tabulis agis, quasi mihi accepto à te be-
 neficio non sit integrum, non me velle quod tute
 apud te domi cõceperis. Quid igitur tãto opere tibi
 nō probatur ratio volūtatis meæ. An me tã parum
 subducta vitæ ratione esse putas, vt in eo quod
 priuato consilio sumpserim, esse mihi per te non
 liceat? An quòd tale est iudicium animi tui, vt ni-
 hil laudes nisi quod gesseris? An quòd eos qui à
 te dissentiant, plurimùm à veritate abesse putas?
 An quòd homini bene à natura informato nefas
 esse existimas, id minimè assentiri quod ab amico
 rogetur? sed id opinor longè turpius est in amicis
 & necessariis rogandis cupiditates suas illorum
 dignitati anteponeere. Nam vt de se etiam Pericles
 dicebat, *ἀλλ' ἢ μὲ συμπαράττει τοῖς φίλοις, ἀλλὰ μέγχι θύει*
 Quòd si in tantis angustiis mens versatur tua, si
 tã ex aliorũ arbitrio tibi vitã suspensa est, si deu-
 que tam pusillus es & abiectus, vt libertatem vno
 ben

beneficio proscribas, vt assensionem tuam, iudicium, mentem, addo etiam rationem vno merito quasi numo addicas, quæso ne me in societatem ordium tantarum voces: & patere eum esse ita vult, qui iandudum à rebus tam deploratis & obiectis tanquam à seuerissimo tyranno profut. Potius igitur me viuo terra misceatur ignis, aut mihi Deus non ita sit propitius, quàm tua in nos beneficia, quæ tamen nisi modica esse non possunt, me naturæ immutent meæ. Quæ tanta extitissent, vt ea nec remunerando illustra- nec ferendo animus meus capere vnquam possent: debebas tamen pro tua sapientia iudicare, nullam esse gratiam tantam, pro qua se homo liberalis & ingenuus, qualem me & esse & nominari solo, in seruitutem abduci patiatur. At collocan- „ An me beneficia amicum non piscatorē oportet esse, „ non tam bene mereri, quàm fœnus ad mensam „ percere videatur. Ac ne forte existimes nos aliqua „ gratitudine aut dolore animi, his de rebus tecum querere, sic statuo, non tam de nobis ipsis, quàm de boni officio & decoro disputasse. Quid enim magis viro forti & sapienti contendendum est, nam vt in omnibus vitæ actionibus in seipso inueniam spem reponat sui, & ea gerat, quæ si non multitudinis approbatione, at certè honestatis confidio sese ipsa tueantur. Nam si in suscipiendis actionibus à virtute ad alium scopum acies occupum reflectenda est, si honesti forma non satisfiat, si alius finis præter dignitatem quæritur, ta-
men

» men & illud reliquum est, Præstantibus & ma-
 » gnis viris contra populi opinionem semper
 » nitendum esse. Quod enim præclarum est, ex se
 » certè præclarum est, etiam si in vulgus non probe-
 » tur. Quòd si quis est tam mirificè egregius &
 » sapiens, ut ea præstare possit, non valde opinor
 » laborabit num consilio & voluntate sua homi-
 » num cupidorum studiis sit defuturus. Hactenus
 » enim amicis & necessariis obsequendum esse
 » puto, quoad eius fieri per dignitatem & officium
 » potest, in cæteris amicitiam & benevolentiam
 » colas. Neque verò vir is, quem sapientem nomi-
 » namus, ad cuiusquã de se bene meriti sensum ap-
 » plicabit voluntatem suam, neque in his offi-
 » cium suum desiderari grauatiè patietur, quæ si
 » ne damno existimationis suæ non queunt expli-
 » cari. Quid enim per Dei immortalis fidem, ut
 » homine, bene informata voluntate præstantius
 » quid libertate animi melius? quid hominis ex-
 » cellentiæ accommodatius? Non igitur aurum
 » habere, non diuitiis & clientelis præstare, non
 » in purpura gemmisque conspici gloriosum esse
 » sed habet mirationē in mediocri fortuna, tã elato
 » & magno animo esse, ut non tantũ aurũ & diuitias
 » aspernemur, sed iis qui ea possident dignitate, no-
 » mine, libertate, vita denique videamur antecere.
 » quo igitur M. Cicero Publio Crasso inferior. An
 » quòd ab eo longè pecunia superaretur. O animo
 » nostros nunquã fortunatos, si ex eo quod quisque
 » possidet dignitas hominis æstimetur. Tibi ergo
 » cum sit exploratũ, nihil vel diuinius, vel excellen-


tius à Deo immortalì hominibus datum esse ipso animo, qui vîget, qui sentit, qui discernit, qui antecessiones replicat, qui consequentia prouidet, qui deniq; res præsentes admirabili cõsilio moderatur, ipse cõmittes vt nihil inter hominẽ & quadrupedẽ interesse videatur? Egone homini quòd diues est de via decedam? Ego illum propter opes amplissimas valere iubeam? ego me ei ad placendum accommodabo? sic me denique ipse componam, vt illius fortuna & res domestica plus apud me authoritatis & ponderis, quàm eius ratio & mens habitura sit? Nam si mediocri homini qui virtute & reliquis animi bonis cum diuite comparandus est, id ego iudicij non sim delaturus, at hoc diuiti tribuã, videor sanè id honoris & studij non illius animo (qui tamen in homine princeps est) sed fortunæ & purpuræ præstitisse: eoq; genere pluris opes & tecta laqueata, quàm hominem qui ea tenet æstimare. Sed nesciunt homines in eo illudi præstantiam animi sui. Ego verò quæcunque res euentura est, non adducar, vt ea vel probem vel admirer. Nam in quo elaborauerunt curæ & cogitationes meæ, quid ego vsu rerum & cognitione mihi ipse attuli, vt id expectandũ iudicarẽ, quod non esset perpetuum. Quæ sunt igitur illa quæ appellas bona? clientele, amici, opes, dignitates: at illa nõ improbo: sed non tã me abiiciã & prosternã, vt illi me postponam, qui nos hac vna re antecedit. In quo ego prudentiam tuã desyderare soleo, qui præstantissimum illud dignitatis & animi elati decus quasi cum conuitio nobis

nobis inuidisti. Quòd si me virum bonum, si ciuē,
si liberum existimas, desine ista auribus nostris in-
culcare, quæ nemo sapiens vnquam comproba-
uit: neque in eo mihi sis molestus, quod vt cuique
saluum esset & integrum, Dei optimi maximi cō-
filio & decreto perfectum est. Quòd autem ad no-
men illud tuum, habebis debitorē nihil mo-
rātem, & si voles etiam cū vsura: quod
cū dissoluero, alios tibi quæres
qui & mores tuos & tā in-
solentē licentiā ani-
mo moderatio
re sint la-
turi.



In statuam deæ Viriplacæ.

Concordiam in matrimonio colendam.



*Quæ dea, quæ nostris etiã nunc visitur aris?
 Quanta in corde fides, quãtus in ore decor?
 Hac inimicitias, genialisq; intima lecti
 Iurgia, cernigibus ponere diua iube?
 Tu cui gra'us hymen, cui vincla iugalia curæ,
 Hanc cole, connubium solabeare potest.*

Q

VIRI PLACAE deæ (quodd coniugibus inter
 sese conciliandis præesse crederetur) statuam
 Romani posuerunt: cuius tantum apud illos va-
 luit religio, vt quoties aliqua domi inter maritum
 & vxorem odia intercessissent, die ex conuentio-
 tione dicta vterque ad illius statuam se velut exva-
 dimonio sisteret, & ciuilis dissensionis causas re-
 citaret: quibus peroratis, similitate vltro citro-
 que deposita, quasi per Patrempatratum nouum
 „ fœdus inibatur. Ac profectò coniuges in matri-
 „ monio concordia potius, quam subsidiis pecunia
 „ rum septos oportet esse, quæ si pie & sancte ab eis
 „ colitur, diuinum quiddam adfert inter ipsos. Quò
 Romanos spectasse non absurdum fuerit iudica-
 re, qui ad retinendam in matrimonio beneuolen-
 tiam, conciliandâsq; nuptias authores deos cita-
 uerunt. Quam rem etiam ad Iunonis prouiden-
 tiam pertinere existimauerunt, vt non prius in ma-
 trimonium conuenirent, quàm illi diuinos hono-
 res peregissent. Extipices vero quibus cum immo-
 latorum fissis omnis versabatur cura, de victima
 fel extrahebant, vt ea notatione omnibus perspe-
 ctum esset, coniugium ipsum felis & iracundia
 expers esse debere. Nam si à natura hominibus tri-
 butum est, vt se vitam corpusq; tueantur: eadem
 opinor tutela idemq; studium coniugibus in-
 ter seipfos præscribitur, quos tanto vinculo colli-
 gavit Deus, vt vnum idemq; corpus efficerent.
 Quòd si quis malè vxori suæ euenire cupit, tam
 certe

certè naturæ ipsi pugnasse sit existimandus, quàm si ipse sibi bellum indixerit. Et quamuis temporibus Mosis, cui à Domino legis perscriptio data est, temporum & populorum cupiditatibus sit permissum, vt coniuges à seipsis diuerterent, & res sibi suas haberent: tantum tamen licentiæ genus velut dignitati Christianorum minimè consentaneum Christus antiquauit, hancque cautionem lege est cõplexus, vt nisi ex causa fornicationis diuortium celebraret nemo. Propius est enim, vt quæ scelere suo ius illud sacrosanctum hospitij & societatis violauit, tantæ cõmunitatis beneficio priuetur. Artemisia quidem apud Cares Mausolũ coniugẽ eo affectu & obseruantia coluit, vt ad incredibilem illum amorem nihil adiungi posse facile omnes iudicarent. Quo deinde mortuo, tantum ad illam voluntatem accessit, vt antea dilexisse solum, tunc verò amare videretur. Nam cum moderatè desyderium mortui ferre non posset, hac vna leuatione se dolorem, si non abstergere, at certe lenire posse credidit, si mariti cineres absorberet, & illi in corpore suo monumentum extrueret. Præclara certe illa erga coniugem significatio amicitia, quæ etiam post aras viuit. Et Cn. Pompeij vxor, cum mariti vestẽ sanguine conspersam ex foro domũ relata vidisset de salute illius vehemẽter cõmota repente exanimata est: quo in casu certissima beneuolentiæ muliebris signa apparuerunt. Tanta est enim plerunq; inter coniuges suauietas, vt si forsitan vinculum illud, naturæ necessitas dissoluerit, vnusque ex illis vita sit perfunctus,

qui superstes est, non nisi inuitus amœnissimam hanc lucem possit aspicere, & æqualium consuetudinem, congressumque hominum, vitam denique sibi acerbam putet. Quæ si vniuersi in vita sibi tuenda esse proponerent, nõ tãtæ mediũs fidius sordes, non veneficia, non adulteria in laribus & focus versarentur. Quia verò in collocaendis filiabus Themistoclis sententia minime probatur nobis, longèque antiquius esse iudicamus, pecuniam sine viro habere, quàm virum sine pecunia: videatur certè quodammodo de lucro accidisse, si quod matrimonium apud nos ira vacet. Nam vt æqualitas plurimum ad beneuolentiam momenti habet, ita certe nihil est ad maleuolentiam accommodatius quàm animorum fortunarumque dissimilitudo. Quærit adolescens mulierem cui amplæ sint facultates domi, neque ei omnino curæ est, si forte illa mulierum ætate processerit: vnde efficitur vt qui ætate & opibus inter se sunt dissimillimi, etiam vita & opinionibus plurimum discrepent. Iubet Aristoteles Hesiodum secutus, vt virgines ducamus, quòd facilè ad voluntatem nostram deduci possint. Nam vt canē vetulum ægrè ad lora condoceris: ita iam natu grandes mulieres, maximè si in aliorum manum aliquando conuenerint, quocunque duces difficilior sequentur. Bene igitur Thales Milesius pares paribus connubio iungi debere existimauit, vt ea concordia, qua ferme vna matrimonium constat, morum similitudine retineri posset.




In herbam Moly, ex Homero.

Magnę res sine magnis periculis nō fiunt.



En tibi Mæonij vasis suavisſima Moly,
 Ostendit vita ſata, decuſque tua.
 Lactens eſt illi floris color, arāque radix,
 Ixoriūque nigro palmie lactis honos.
 Quid ſperas magnis rerum ſucceſſibus vii,
 Qui reuocas oculos longe ab agene tuos?
 An tibi Idumæa cedent ſine puluere palma?
 Proxima quærendus damnæ triūphus habet.

Q iij



NARRATIO PHILOSOPHICA.

MOLY herbam magnis rebus efficiendis nobilem mirabiliter Homerus versibus suis honorauit. Nam illius inuentum diis immortalibus attribuens eam à Mercurio ex terra euulsam Vlyssique traditam esse ait, ut is inter Circes veneficia securus versaretur,

Ῥίζη μὲν μέλαιρα ἔσκει γάλακτι δὲ εἴκελον ἄνθος.

Radice, inquit, nigra est, sed lacti flos simillimus. Quare vniuersæ hominum vitæ concursationes & studia scientissimè complexus est. Nam in rebus aggrediendis ita natura adfert, ut radices nigrae sint & obscuræ, principiaque ipsa molestiarum plena; multiq; homines inuenti sunt, qui difficultatē deterriti in cursu restiterunt. Cum verò paulum ultra radicem res ipsa processerit, mirabiles gloriæ fructus consequuntur. Iam res magnas & memorabiles gerere gloriosum est, sed tamen non sine magno fortunarum & vitæ discrimine res tantæ perfici possunt. Darius quidem eo prælio quo apud Issum ab Alexandro Magno superatus est, in concione apud milites suos dixisse fertur, RES MAGNAS sine magnis periculis non geri. Nam & multi exercitus eo profecti esse prædicantur, vnde se nunquam redituros confiderent. Tanta est enim in maximis animis incitatio, tantumque pugnandi studium, ut victoriæ laudem facile omnibus periculis anteponant,

veri

Veritas in puteum demersa.

Ex Democrito.



*Qui toties putei fundo versaris in i no,
Vt verum ignotis prodeat è latebris,
Desine, frustrati sunt hæc monumenta laboris:
Quidnam illi & nobis scæderis esse potest?*

Q. iij

NARRATIO PHILOSOPHICA.

MI RETVR sanè aliquis, cur cum in peruesti-
gatione veritatis tot tantorumque hominū
ætates sint confectæ, hodièque reperiantur pro-
pe innumerabiles, qui in ea se versari dicant impē-
sus: Democritus autem eam ab hominibus seces-
sionem fecisse, & in intimis putei cuiusdam latere
opinetur, neque illi nobiscum aliquod esse com-
mercium. An quodd simul atque in lucem suscepti
sumus, in tanto vulgi errore versamur, ut ea veri-
tatis & virtutis præsidia, quæ omni studio tuen-
da nobis natura ipsa commendarat, opinionum
prauitate deleantur? An quodd iis opinionum flu-
ctibus obruimur, ut in nobis naturæ lumen obscu-
retur, vanitatiq; veritas, & confirmatæ opinio-
ni virtus concedat? An quodd animus ipse in homi-
ne princeps, à corporatis voluptatibus tanquam à
barbaris captus, laribus sepulchrisq; auitis non
inuitus caret, neque ad præclaram illam virtutis
ciuitatem postliminio redire cupit? An quodd in
præstantibus & summis animis tere usu-venit, ut
inter sese dissentienti studio summopere tenean-
tur: magisq; in scientiis pertractandis domesti-
ca gloria, quàm ipsa luce veritatis capiantur, eaq;
sola probent, quæ ipsi secum domi fuerint medi-
tati? An quodd eam quamprimum animo expresse-
rimus opinionem, nunquam deponimus, diutissi-
mèq; nos noster delectat error? An quodd nihil ho-
mini melius, nihil præstantius imperiis & popula-
ri gloria iudicamus, & adumbratæ laudis imagi-
ne speciem illam honesti contegimus: ut plerun-
que

que in optimis actionibus potius magistrum populum & ad vitia consentientem multitudinem, quàm sapientiam sequamur? qua tamen nihil homini à Deo optimo maximo excellentius tributum est. An quòd tanta habendi cupiditate cōficimur, ut sine pecunia nullam vitam esse existimemus, & præstantissima illa animi bona tantum expetenda iudicemus, quantum amplificatio patrimonij, & rerum subsidia pati possunt? Socrates quidem, qui primus à rebus occultis, in quibus omnibus philosophi ante eum occupati fuerant, philosophiam auocauit, ea re se ab Apolline omnium sapientissimum dictum esse iudicabat, quòd se nihil omnino scire palam profiteretur, eamque se putare summam sapientiam, non arbitrari se scire, quod nescias. Quæ sententia cùm altius animis eorum infedisset qui illius fuerunt discipuli, prodierunt Academici noui, qui nihil certo sciri cōstanter affirmarent, verique rationes velut ab assensione cohiberent. Qui quanquam (ut ex eorum sermonibus & vita constare potest) magis veritatis perquirendæ desyderio, quàm aliqua animi agitudine de rebus omnibus disputarent: hoc tamen potissimum disciplinæ suæ caput effecerunt, ut ab omnibus rebus velut incognitis iudicium suspenderent. Nobis verò quorum variè perturbantur animi, quid efficiendum erit cumulatius, quàm ut nunquam incerta pro certis habeamus: eaque sit nostra in omnibus sermonibus moderatio, ut nisi consultò de re aliqua nunquam iudicemus. Ac quocunque te animo & cogitatione con-

uerteris, quid nisi lubricum aut sui parum simile
 in hominibus nostris reperiās? Nam ut ius civile
 cæterasque artes, quæ maximè opinionibus con-
 tinentur, omittamus, quot quæso inter nos degūt
 dispares dissentientium hominum familiæ, quæ
 de religione aliter atque aliter sentiunt? Nec e-
 temerè aliquis quicquam probat, nisi quod libi
 cum cæteris non est commune. Quod si nos simi-
 litudinē sententiarum Deus colligasset, & ea quæ
 variè in animis hominum proseminata sunt, ad
 idē vinculū, cōsensumque reuocasset (quod omni-
 no nō despero) facile ex Democriti puteo emerget
 veritas, quæ nonnullis obscurior videtur esse, in
 luce omnium versaretur. Et quanquam ita res sint
 „ affectæ, ut plus vno verum esse non possit, nullum
 tamen ex illis qui à seipsis dissentiunt reperiās,
 qui non opinionem suam in veritate sitam esse
 arbitretur. Vnde fit ut quemadmodum in omni-
 bus rebus, tum certè maximè in religione pericu-
 losæ sint dissimilitudines animorum: quas qui to-
 lerat, perniciosum quiddam inducit in Ecclesiam,
 confusionem videlicet & varietatem. In quo
 minus forsā sit ignoscendum iis, qui
 incredibile apud omnes Reip. cō-
 stituendæ spē sustinēt: quo-
 rū tamen negligentia
 totius religionis
 seminaria pla-
 nè occi-
 derūt.

*In resupinos.
Ex Africano.*



*Si sompes celebri forsan qui viciit Olympo,
Ducitur insuetacredulitate sui,
Nec patitur dulces proprii sessoris habenas,
Sed frana indomito discutit apta iugo.
Hunc exultantem domitori trademagistro,
Vt discat solitis currere carceribus.
Qui tollis cristas, ve' usque elate secundis,
Cerne inconstantis tela parata dea,
Et te ad solius virtutis confer habenas,
In qua vera animi dicitur essi quies.*

NARRATIO PHILOSOPHICA.

P. Africanum dicere solitum refert Panætius, qui illius equalis erat, equos triumphorum & victoriarum opinione plus æquo ferocientes, domitoribus tradi debere, ut illis facilioribus fessores uti possint: ita homines rebus secundis & externarum rerum subsidiis nimium sibi præfidentes, ad gyrum rationis & consilij deducendos esse, ut aliquando fortunæ inconstantiam & humanæ naturæ imbecillitatem possint perspicere. Quibus enim fortuna paulo liberalior in votis est, iis certe euentorum ratio non nisi obscura esse potest. Quorum autem variis procellis & fluctibus vita iactata est, iis facilis est omnis euentus. Seianum consularem hominem memoriæ proditum est, tanta apud Tiberium Cæsarem gratia valuisse, ut vniuersa penè respublica in eius temperatione sita esset. Is in rebus tam prosperis nihil sibi deesse posse existimabat, quod ad bene & feliciter viuendum faceret. Sed tamen quia plerunque euenit, ut qui florentissimis suis rebus lubentes desipiunt, si quid aduersi contigerit seipsos facile recolligant, subita quadam tempestate omnes eius spes & expectationes conciderunt. Nam & de repetundis reus actus pœnas ambitionis dedit, & omnium ordinum sententiis damnatus est. Iam verò eiuſcemodi hominum plena est ætas nostra, quorum tam ambitionis labore vita districta est, ut in fortuna sola suspensas habeant rationes suas: neque quicquam aut expetant aut admirentur, nisi quod imperitæ multitudinis approbationem moueat. His
idem


idem propositum est quod Cyrenaicis, vt in eo vi-
te genere felicitatem statuerent, quod in dignita-
tibus obeundis, & tenendo concionibus populo
maximè accommodatum esset. Qui si ad eos ma-
gistratus, quos assidua concursatione prensabant,
sunt euecti, videas homines tam parū ex sese aptos
esse, vt illa honorum accessione se sibi immutatos
putent, nefasque esse existiment, eos in amicitia &
fide retinere, quibuscum ante processum dignita-
tis coniunctissimè vixerant. Miserrima certè ho-
minum conditio solū ea probantium, quæ ne-
mo sapiens vnquam expetuit. Tanti verò faciunt
ex plebe ad patritios transiisse, vt ea omnia, in qui-
bus antea & multi & prolixi fuerant, infra se po-
nere, & dignitati nouæ minimè consentanea esse
putent. Si forsitan iis assurgere & quasi de via de-
cedere, à quibus eodem honore prouocabantur,
humanum esse iudicauerant, nunc quasi in deorū
immortalium album cooptati, salutantibus eun-
dem honorem impertiri, & graue, & à sua digni-
tate alienum esse arbitrantur. Viam ingressi inte-
grum sibi persuadebant hac & illac oculos defle-
ctere, nunc quasi aliquid supra mortalitatem om-
nem adepti tam se insolenter gerūt, vt in aliquem
oculos cum amoris testificatione cōiicere habeāt
peccati loco. Vno se digito scalpunt, vt illa nota à
reliquo vulgo separentur. Non enim decet eos qui
in populo principatum habent, aliqua morum &
sententiarum similitudine ad populum pertinere.
Inepti sanè homines, à quibus quod in animis no-
stris elucescit maximè adumbratæ gloriæ forma
penit

penitus obscuratur. Neque verò ij sunt, qui qui
sint, nesciamus, quiq̃ue non pluris ornamenta
præclarissimæ virtutis, quàm illorū Appianitatē
aut Lētulitatem vllam æstimemus. Potest verò ali-
quis esse tā omnis disciplinæ rudis, qui istas
ineptias aliquid ad hominis splendo-
rem & gloriam adiungere sibi
persuadeat? Quæ si nōnul-
lis probentur, sic ta-
mē statuo, ea ex
doctis pro-
baturum
nemi-
nē.



In immortalitate litium.

Ex Hieroglyphicis Ægyptiorum.



*Voluitur in sese, rursusque reueritur ad se
Serpens, nec finis flexibus esse potest.
Hæc species expressa fori est, hæc forma senatus,
Dum nequit heus minimis litibus esse modus.
Quumque putas finem tantis instare querelis,
Auditur tibi lis, quæ fuit vna, duplex.*

VIDEATUR forsitan à pietate quavnuſquisque noſtrum erga antiquitatem affectus eſſe debet, alienum, ea quæ nobis hieroglyphicis ſuis veteres Ægyptij prodiderunt, ab inſtitutis patriæ ad conſuetudinem moremque noſtrum traducere. In quo etſi illi nobis magnopere laudentur, qui iſta præclara primùm pepererunt, non erunt tamen opinor improbandi, qui res abſconditas & arcanas ad naturam & ſenſus retulerint. Nam Ægyptij & qui ad idem littus pertinent Phœnices, omnium mortalium primi res occultiſſimas ad ſtudium & pulverem perduxerunt. quos cùm in rebus tantis pertractandis ea literarum inſtrumenta deſicerent, quæ poſteà temporum beneficio hominibus donata, & multarum gentium inuentis conſecrata ad poſteros peruenerunt, ij notas quãdam, & ſimulachra dicuntur inueniſſe, quibus ea quæ diuturna rerum notatione effecerant, memoriæ ſempiternæ commendarent. Quia autem de anno & eius partibus apud eos mentio incidebat frequẽs, belliſſimè annũ deſignari poſſe iudicarunt, ſi ſerpens mordicus caudã tenens oculis ſubiicere tur. Vt enim ſerpens hoc modo expreſſus tam ſe in orbem componit, vt in ea figura neque principium neque finem reperiās; ita cum ſol trecentis ſexaginta quinque diebus & ſex horis curſum ſuum conſecerit, tanta celeritate ad alterius anni ſpatia & anfractus reuertitur, vt neque prioris exitum, neque naſcentis initia facilè poſſis agnoſcere. Quin & ea figura, vt ex Ori Apollinis Hierogly

roglyphicis apparet, mundum & vniuersum hoc designat, & nonnulla alia, quæ idem author libro suo persecutus est. Quæ minus forsân nobis sunt necessaria, apud quos multarum linguarum characteres in consuetudinem, & familiaritatem venerunt. Propius igitur ad temporum disciplinam videtur esse, vetus illud Ægyptiorum simulachrû ad subsellia forensesque controuersias deducere, eoque genere iudiciorum infinitû & litiû æternitates adumbrare. Si enim ita tuæ rationes ferunt, vt cum aliquo actione vel sacramento contendas, aut certè serò reum tuum iudicatû facies: aut si qua te fortuna ad id beneficij gènus adduxerit, rei primûm iudicatæ & decisæ, nouæ aliæ lites velut posthumæ agnascuntur. In causa hæc sunt: iudicium remissio & negligentia: dum non nisi translatiue & perfunctoriè munus suum exequuntur: & avaritiæ lues, quæ homines nostros in præstantissimis honoribus cum dignitate versari non cõcedit. Quid igitur nos de illis sperare oportebit, quibus cum longo vsu temporum abundè sit perspectum, tot imminentium causarum fluctibus facillè se non posse satis, nolunt tamè æquo animo pati, alios in eundem ordinem adlegi, qui in eodè equo inclusi, & publicis malis medeantur, & causas quasunque anno vno vel altero possint concludere. Ac profecto qui sua non populi causâ ad magistratus accedunt, dum à se dies tanquam à Chaldæis peti, & totius ciuitatis commoda domû inferri volunt, quamuis soli res tantas & tam immensas sustinere nequeant, parum tamen mode-

ratè ferunt in idem munus alios conscribi , quo-
rum societate omnia negotia maturrimè expli-
centur. Mihi certè ij grauissimè offendunt, qui
cùm certò intelligant nisi sex aut decē annis clien-
tes iudicatos sententiis suis dimitti posse, non ta-
men sibi conuentum alium dari postulant. Parum ,
enim Christianum est, iustitiam quam iura omnia ,
liberaliter & in procinctu reddi voluerunt , his ,
apud nos in angustiis esse vt neque gratis , neque ,
pecunia, neque labore tibi eam parare pos-
sis. Sed tamē & hoc in illis hominibus
ferendum est, qui in dignitatibus
renuntiati, magis sua, quàm
ciuium causa
laborant.



*In morem Lacedæmoniorum.
Contra mulierum licentiam.*



*Qui Lacedæmonias cernis sine veste puellas,
Certa illibata signa pudicitia:
Tectaque matrona diffusis exa tiaris,
An potes his tenebris Cinthius esse mihi?
Si qua suo mulier iam desponsata marito est,
Tunc sola incipiat tectior esse domi.
Sed virgo optatis nondam coniuncta Hymenæis,
Quinque nimis serî coniugis vrit amor:
Prodeat in vulgus, vultu speciosa nienti,
Vt preperet Subigo reddere vota Deo.*

NARRATIO PHILOSOPHICÆ.

APVD Lacedæmonios moris fuit, vt puellæ quæ nondum in manum viri conuenissent, aperto capite & minimè velata facie in publicum prodirent: quæ autem viris nuptum essent traditæ, nunquam prius nisi fasciis aduerso vultu contentæ de domo procederent. Quod forsitan in prudentissima ciuitate non alia de causa receptum esse iudicare possumus, quàm vt vtrunque fœminarum genus diligentius eas partes tueretur, quas sibi vel voluntas vel fortuna tribuisset. Neque enim ab institutis felicissimæ reipublicæ alienum esse putem, puellas in luce ciuitatis versari, & ab iis ipsis prospici, qui ex gestu & venustate corporis etiã animi periculum facientes, ad honestas nuptias sæpius faciliores esse possunt. Etsi enim non omnes Zopiri sunt, tamen in humano vultu nescio quid natura indidit, ex cuius longa notatione de moribus iudicium esse possit. Et plerunque nonnulla sunt in virgine corporis vitia, quæ ne ipso quidem nuptiarum die maritis animaduersa sunt: quo in genere non fortasse illos euentus fefellisset, si puella ex vmbraculis suis aliquando in solem prodiisset. Prætereà quia ætas illa vel ipsa natura à labore ad solatia & otium est procliuis, benignè in eam constituendum est, neque omnino vitio vertendum, si ei permittatur aliqua sodalitatum & colloquiorum vsura perfrui, & eiusmodi leuatione diuturnum futuri mariti desyderiũ sarcire. Et si enim nulla maior homini pestis impendet quàm ab homine, nihil tamen magis ad morũ probi

probitatem & honesti actiones valet, quàm hominum consuetudo bonorum: quæ opinor puellis non sit prohibenda, si modo ea sicut somno & cæteris quietibus, cum scilicet rebus necessariis satis fecerint, utantur. Vnde fit ut usu eorum quibuscum vixerint instructissimæ, sint maritis suis & ad animi voluptatem chariores, & ad res gerendas aptiores. Quæ si omnino se maritis elocaue- rint, non sit illis condonandum, si tantum sibi in matrimonio licere velint, quantum antea opti- mo iure sumpserant. Quid enim ei quæ se ad viri nuptias & voluntatem contulit aliud in posterum contendendum est, quàm ut eius moribus infer- uiat, cui se Deo optimo maximo auctore, & ho- minibus laudantibus æterno vinculo colligauit? Quid denique tantum voluptatis & iucunditatis ei quæ virum duxit externa afferre possunt, quæ non domesticis oblectamentis, & priuato otio fa- cillimè compensentur? Itaque non sine causa lau- datur ille, qui non alio nomine vxori libellum re- pudij dedit, quàm quod ea minimè velata in pu- blicum prodiisset. quod etsi paulò seuerius non- nullis videatur, admonendæ sunt tamen mulieres, ut nunquam à domo & maritis suis oculos dei- ciāt: & omnino persuasum habeant, se maritis non tantum noctes, sed etiam dies debere. Et sanè quàm bellissimè Cæsar Dictator: qui vxorē suā non tan- tum crimine, sed & omni criminis suspitione va- care voluit. Nam licet ex veterum sententia cum bonis bene agere oportet, & hominis sapientis est non leuiter in sceleris suspicionem venire: sit ta-

men nescio quo pacto, vt ea quæ conuentus hominum & consortia tantopere appetit, etiam à viris bonis in discrimen famæ subito deposcatur. Quid enim tantum mulieri coniugatæ cum Prælati, iisque qui rem possident, negotij est, cuius non maritus, iustus arbiter & disceptator locuples esse possit? Quòd si id illi à marito concedatur, desino: quidam enim tam à natura viri boni facti sunt, vt nihil habere velint, quod non illis ceteris commune sit. plusquam Pythagorei opi-

nor, qui nō tantum amicis omnia debere velint, sed etiam iis libenter de suo largiantur, quibuscum nulla amicitia

& pietate deuincti sunt: liberalisq; animi est & sibi &

uxori amicissimos pari officiorū ratione de-

mere-

ri.



*Ad statuam Arimaspi.
In sordide & per gratiam iudicantes.*



*Riphæos linquens, harissima limina, montes,
Tractat Hyperboreus Gallica iura senex:
Et sedet in rostris, oculumque in fronte locatum
Litibus in nostris iudicat esse satis.
Quos habet attonitos vnius gratia partis,
Asterius calant dum benefacta rei,
Et totos vni se deuouere clienti,
Hos perhibent vno dicere ius oculo.*

R. iiij



NARRATIO PHILOSOPHICA.

MIRETVR non iniuste quispiam tā res alias populum agere, vt apud nos Arimaspiis possit esse in subselliis, & iudicando locus. Quod etsi à cultu & humanitate prouincię videatur alienum, magis tamen sit mirandum, eorum temperatione vniuersum Reipu. corpus cōtineri. Quid enim tā contra temporum omniū disciplinā esse potest, quàm eos ex decreto cæteris duces dari, à quibus & itinerum notitia, & oculorum acie lógo intervallo superentur? Nam neque cum ratione fit, illos qui ea infirmitate sunt, vt aliis præeuntibus subsequi debeant, eum locum in procedendo tenere, qui & princeps & primus est. Neque verò tanta nobis cum natura dimicatio est, vt ea quæ velut cum lacte nutricis expresserimus, improbemus. Sed tamen dolendum est in eo nonnullos tam studiosè occupari, vt se maximum fructum capere existiment, si ad eas calamitates quas hominibus natura asserre solet, alias adiunxerint. Nam neque cum corporibus omnino decertamus: at in illis hominibus non sit ferendum, qui animum suum immortalitate & tantarum rerum notitia præstantem, altero oculo priuaerint. Et sapienter apud omnes opinor populos statutum est, vt non prius iudices de causā constituerent, quàm die dicta, litigantibus pro se agendi potestas facta esset. Cuius æquitatis tanta est in iure ciuili religio, vt ea (ex Iurisconsultorum sententiā) etiam principali authoritate non possit antiquari. Qui autem vnā in partem decumbunt

bunt, & ab alia se voluntate auocant, perinde cer-
tè mihi videntur agere, atque si eà parte cuius uti-
litates & iura deferunt, minime ad iudicium euo-
cata in causa perorarent. Hos nò eluscatos vt aliàs
non oculis vt sàpe, sed mète captos saluis legibus
appellemus. Quibus enim æquitatis, iustitiæ, for-
titudinis & constantiæ partes ex Senatusconsulto
vel principum placitis attributæ sunt, ij omnibus
bonis desipere videantur, si iustitiã iniustitiæ, ani-
mi magnitudinem auaritiæ & sordibus commu-
tarint. Væ (inquit Esaias) vobis, qui statuitis lucem
tenebras, & tenebras lucem. Quò proximè eos per-
tinere non iniuria aliquis existimare possit, qui in
controversiis decidendis æquitatem ad sordes, iu-
stitiæ momenta ad benevolentiam aut odium so-
lent traducere. Iam non est consentaneum, vt qui
in publica administratione degunt, priuatas ami-
cicias curent. Quid enim singulorum cognationi
& affinitati cum republica commune est? An ve-
rò existimant se in tantum ordinem lectos esse, vt
familiæ suæ negotia procurent? An tanta pecunia
sibi aditum ad dignitates illas parauerunt, vt ami-
cos quorum res commodissimè priuati perage-
bant, opibus suis & gratia sustentent? An se maxi-
mis honoribus beneficio principum ornatos esse
putant, vt domestica incrementa quieti po-
pularium & communibus studiis anteponant? An
vt ea sacerdotia de quibus iam à litigantibus adi-
ti sunt, tacitis concursationibus filiis suis stipulen-
tur? An vt gratiosorum autoritate & diuitum
pecunia religionem suam expugnari patiantur,

cosque quibuscum nulla officiorum aut sanguinis ratione coniuncti sunt, sententiarum laqueis irretiant? Tales certe qui sunt, magnam sui rationem habuisse dicerentur, si privati procul à rerum gubernaculis domi quiescerent, neque omnino republicam attingerent, quam domus suae clientelis & affinitatibus non desinunt perturbare. Qui enim tam sunt in amicos & necessarios à natura officiosi, ut omnia pro illis non dubitanter suscipiant, errant non mediocriter, mea quidem sententia, si se magistratus & ea dignitate homines esse velint, apud quos non potest esse aliquis cognationi & amicitiae locus.



*Vulgatum de Opilione.**Moderatio in subditos.*

*Cui dedit vplio fimas tondere capellas.
 Ab cruciat miseris terga cruenta modis.
 Quem tenet Herculei mœstum præstatio voti,
 Inq̃ vno duplex iugere munus obit:
 Paruo multa querens instare tributa nouali,
 Sape graue immenso deserit are solum.*

NARRATIO PHILOSOPHICA.


NIHI in his hominibus infestius opinor dicitur, qui eos magistratus, in quibus pietatis & omnium officiorum seminaria apparere possunt, consecuti, tamen ita in illis degunt, ut non tantum nulli prodesse velint, sed etiam eos offendant quorum studiis & utilitati obsequi debuissent. Quæ res eò videatur indignior, quòd præclara illa virtutis ornamenta ad virtutem labefactandam conferunt, & in conuellenda honestate illam ipsam cui pugnant, adhibent honestatem. Quid enim res urbanas aut bellicas gerentibus accommodatius esse possit, quid illorum dignitati cõsentaneum magis, quàm populum omni meritorum ratione (quo ad eius fieri per honorem potest) demereri? Quid porrò eis magis necessarium, quàm ciues cæde, infidiis, concussione & vi armata liberare? Quid cum illorum administratione coniunctius, quàm ius unicuique tribuere, & perditorum ciuium conatus nefarios à bonorum ceruicibus depellere? Hæc certè & alia honoribus illis tam sunt cognata, ut ab eis neque re, neque cogitatione separari possint. Qui autem dignitatem res tantas & tam præclaras efficientem ad ciuium perniciem conuertunt, qui prouincias spoliant, qui testamenta diuitum aut expectant, aut supponunt certè, qui omnia habent vænalia, decretum, sententiam, forum, domum, vocem, suffragium atque adeo silentium, qui seruotum dimissiones faciunt ad diripiendas villas, qui vicinos sedibus expellunt, qui recuperatores nocentibus reis pecunia proscribunt

qui

ui accusatoribus pecuniosis quæsitores ad iudicium corruptelâ vendunt, qui pro vno vel altero cliēlitē suam faciunt, qui iudiciorum aditum iis à quibus nihil acceperint, intercludunt, qui ab oppidanis suis maiorum fundos & familiaria sepulchra violenta pactione emunt, qui denique nihil agunt aliud quàm vt rem suam efficiant pleniorē: hos profecto nemo in officio suo esse existimauerit. Et quemadmodum multa sunt vitia quæ virtutem ipsam proximè imitentur: ita & nonnulli sunt, qui cum se bene & fortiter in magistratu gerere videantur, tum demum grauius peccent. Quorum plena est etas nostra, qui simulatione probitatis aliquos in vitæ discrimen & accusationem vocant. dumque foris acerrimi publicorum commodorum propugnatores videri volunt, intus tantum ita se res habet, vt omnibus facile constet eos non cum hominis salute, sed cum fortunis & pecuniis bellum suscepisse. Sed tamen in tanta oppresione virtutis & innocentiae calamitate, nihil est cur non eos potius qui ista agunt, quàm qui hæc patiuntur, miseros esse putem. Nam qui falso nominatione apud iudices rei deferuntur, habent certè & hoc tantum Christo & Apostolis commune: qui autem publice ad innocentium cladem, & bonorum perniciem operas suas locant, quique quos collatis signis, & (vt aiūt) aperto Marte opprimere nequeunt, sentent iis suis intercipiendos esse censent, tantum conscientia perturbantur sua, vt semper pœnam ante oculos versari putent: & dies noctesque cruciantur. Nam & Dionysius Syracusanus rebus suis
flore

florentissimis & tanta imperij gloria, ne quidem
se fortunatum prædicabat: quòd illi vt furia, sic
sua occurrerent malefacta, quæ illum etiam in tā-
tis opibus tutò respirare non sinerent. Si autem in
turpissimis illis flagitiis hac vna re se sustentant,
quòd bene curati in vulgo apparent, multo auro,
multis gemmis, non habent illa, mea quidem sen-
tentia, tantum apud Christum & sequaces suos au-
thoritatis, vt non baiulos & ex vltima fece
plebis homines, adde etiam ex Chri-
sti sententia meretrices, hisce
leuiculis & impotentibus
præstare iudi-
cemus.






Appij infamia.

In constuprata iudicia.



*Virginia parat insidias & retia tendit
Appius, & veneriponiur vrna sua.
Sit manibus truncus iudex, sit lumine caprus,
Qui volet in nostro dicere iura foro.
Qui potes equali causas tractare lapillo,
A Etoris coniux si sit amica tibi?*



NARRATIO PHILOSOPHICA.

NONnulli sunt qui errore suo & peccandi licentia tam impensè delectantur, ut eorū animus in præclarissimis dignitatibus obeundis nō tantum cupiditate & auaritia nō expleripossit, sed etiam gradū illum suū stupri & libidinis accessione audeant funestare. Et quemadmodum Appius decemuir, quam priuatis pollicitationibus, & occulta largitione expugnare non potuit, eam sententiæ suæ & iuris constituti vinculis irretire conatus est: ita homines impuri à qua in amoribus bene sunt accepti, vel si hoc sibi præstitum iri non desperant, facillè in sententia ferenda ad illius nutum & beneuolentiam se conuertunt. Quorū eò detestabilior est improbitas, quòd sanctissimo æquitatis & iuris iustrumento, cuius moderatōne reipublicæ salus & tutela continetur, abutuntur ad sordes & impuritates suas. Itaque bene Pericles ad Sophoclem, qui conspecto eleganti forma puero, exclamauerat, Decet, inquit, Prætorem non tantum manus, sed etiam oculos habere continentes. Qui autem ita perturbationibus suis cruciantur, ut se non sibi solis à natura creatos putent, sed partem auaritiæ & sordibus tribuant, partem libidini, partem gratiæ aut iracundiæ, quæ in defungendo magistratu hominibus illis pestis capitalior esse potest? quod portentum ciuitati perniciosius? Phrynem meretricem Thespiensem narrat Athenæus libro decimotertio *Δηροσυρισμῶν*, ab Anaximene quodam apud Athenienses de crimine delatam esse: sed cum illa pectus nudasset, totius or

tius ordinis sententiis absoluta est. Hoc certè qui fecisset in symposio, cū fortasse deposito pignore ad cōtrouersia vērū est, excusationem haberet: sed qui in loco maiorum, extra quem salua imperij dignitate, saluis auspiciis & legibus iudicari non potest, tam infame iudiciū constituerit, is opinor sit dignus qui non in senatum, sed pistrinum dedatur. Iam verò non impudentis tantum, sed hominis prorsus dissoluti est, in ea causa iudicare velle, cuius alteram partem vel omnium testi, monio sibi amore nefario deuinxerit. Sicut enim voluptate titillari & impelli humanum est, ita facinus est, mea quidē sentētia, omniū scelestissimū, in subelliis & iudiciis libidinē ducē & magistrā sequi. Sed qui ex sceleribus suis fructum capiūt, illis forsità sit cōdonādū, si ea omnibus nota, & etiā publici iuris autoritate cōfirmata esse velint. Marcus quidē Cato Q. Flaminii cōsularē hominē Censor senatu mouit, quòd is in Gallia Proconsul vt gratū scorto faceret, hominē nocentē quē in vinculis habebat, pœna affecisset. Turpe enim & notādū esse grauisissimus Censor existimauit, petente meretrice etiā fontē iusto supplicio condemnari. Qui enim in republica magistratus gerunt, refrenent cupiditates, libidines coerceāt, affectibus imperēt, & seipsos non tantū in testimoniū, sed in iudiciū vocent, vt eodē iure, quod in alios cōstituerint, & vtantur ipsi. Is enim bene populo imperabit, qui sibi ipsi prius nouerit imperare: estque perquam inuidiosum, eum cui à publico legis propugnatio decreta est, leges offendere.

*Ad imaginem Nervorum.
Contra agentes in rebus.*



*Prisca tibi memrant homines miracula Ne-
vros.*

*Quis subitò Antei sit data forma lupi.
Quis putet humani vilitantia signa decoris
Tam facile in turpem degenerare feram?
An quia pascendi quorum est custodia ouilis,
Et quibus in populo sors dedit esse duces,
In medijs faciles linquunt incurfibus agnos,
Et miserum offendunt improbitate gregem?*



NARRATIO PHILOSOPHICA.

NEVROS populos in Scythia ad Boristhenē fluuium habitantes, memorant historiæ certis temporum interuallis, tanquam aliquo Ciræo poculo ex hominibus lupos fieri, & humanitate velut pro derelicto habita, in consuetudinem feritatis venire. Quod si agrè aliquis nostrum in mentē induxerit, valebit tamē opinor apud nōnullos itineris longitudo, & fortè perficiet, vt quod à patribus traditū re ipsa experiri nequeūt, id doctōrum hominum authoritati nō grauātē velint concedere. Quos tamē si nō adducimus, vt hoc miraculi genus sibi persuadeāt, poterunt tamen illos nī fallor domestica exempla ad eam rē satis inuitare. Quis enim eos lupos nō appellet qui in gubernaculis & moderatione populi degentes, fortunas ciuiū euertunt, hæreditates expilāt, & præstātissimū egenorū patrimoniū rationibus suis referūt. Quis illos ab hominū tribu ad lupos trāsisse nō iudicet, qui quasi ciuibus bonorū omniū tutores ex legis cōmētario dati, neq; à capite rationē reddūt, neq; se pupillis suis in eā summā debitores scribūt, quā nō solū eos naturæ vis, sed etiā lex Dei nexu obligauit? Nā si poëtarū præclarissimus Homerus, agētes in rebus ποιμένας τῶν λαῶν appellauit: appositè certè eos lupos nominemus, qui nō modò à grege suo oculos deiiciūt, sed in eius dignitate minuēda, fortunisq; omnibus expilādīs occupātur, & ea ad se mācipio & fructu pertinere volūt, in quorū parte vel minima non satis ex æquo & bono se à tot sæculis tutari potuerunt. Quod si primū in eun-

te Ecclesia ei qui omnibus bonis liberaliter datis
mediocre quiddam sibi recipiebat, pro nefario
scelere datum est, & pœna auaritiæ constituta,
quid faciet qui non tantum sua sibi habet, sed hæ-
reditatem Dei & pauperum fortunas diripit, &
dimensum Domini ad amplificationem familiæ suæ
conatur traducere. Nam vt nouissima cōferamus
primis, cui tandem ex nostris iudicatum non est,
principes illos viros qui quondam Christianam
republicam legibus & institutis fundauerunt,
ita animo affectos fuisse, vt à propriis commo-
dis oculos remouerent: seque propemodum & sua
à se longè posuisse, vt reliquos eiusdem fidei so-
cietate Domino adiungerent. Qui cum omnem
pro præstantissima religione concertationem su-
sciperent, rebus suis non parcerent, & finem apud
populum agendi non facerent, inter eos tamen in-
uentus est nemo, qui tot officiis piè & sanctè ser-
uatis non se officio suo defuisse certissimè iudica-
ret. Horum res gestas pleno ore laudant omnes:
illorum vitam imaginibus, trophæis & immorta-
litate consecrant: quam etiam si facile possint, no-
lint tamen imitando consequi. Prædicatur à no-
stris, & mea sententia optimè D. Martinus, quod
hominem paupertate & vi hyemis planè confe-
ctum parte vestis liberaliter concessa recrearit.
Hoc tam peæclarum facinus si quis ex nostris in
populi corona faceret, ab omnibus opinor ri-
deatur. Talium virorum exempla quotidie in te-
ctis nostris versantur. quàm benignè, quàmque ho-
spitaliter erga suos se gesserint, domestica monu-
men

menta nos ignorare non sinunt. Sed tamen in ea
 opinatione sumus vt non tantum ad res tam præ-
 claras accedere, & iisdem beneficiis de nostro ho-
 mines demereri non velimus, sed sit nobis mole-
 stissimum parem illis rationem ascribere, quorum
 opes non Christus tantum, sed etiam Ecclesia re-
 cens fidei nostræ commendauit. Itaque maiorem
 in dies ex libertate cuiusdam mendici voluptatis
 fructum capio, qui cum præsentem me sordidatus
 & supplex ab Ecclesiastico homine diuite preci-
 bus cõtenderet, vt illius opibus in summa sua pau-
 pertate tegeretur: is vbi primùm se nihil proficere
 perspexit, iam non vt reus aut pullatus, sed quasi
 quidam magister morum diuitem illum seueris-
 simè increpauit: nihil se quod non suum esset pe-
 tere assureans, Tibi, inquit, saluis legibus pur-
 pura & vestibus oloberis indui, diffluere deliciis,
 & Christi patrimonio ad lasciuiam abuti possit li-
 cere: nos autem pauperes, quorum salus & Domi-
 no iucunda est, & vobis etiam commen-
 data, fame & vulneribus oppressos,
 iacere: ex vobis autem reperi-
 ri neminem, qui diuitiis
 suis rationes tam affli-
 ctas & tantam ca-
 lamitatē so-
 lari ve-
 lit.



In Hesiodum.

Dij laboribus omnia vendunt.



*Dic Ascræ senex, quæ lenta insomnia noctis
 Tam ciò Picriam te docuere chelym?
 Stenere penitum te Cætalæ unde poetam
 Feci, & Acnii ferre trophæa chori?
 Si ne licet nobis spartiantibus esse peritis?
 Ancius paucæ Pythagoræus adest?
 Dij solis almas vendunt sudoribus artes:
 Non alio eloquium Palladis asse licet.*



ALIVD.

Qui sibi Cecropia quærit monumenta Sophiæ.

Et clara Aetherei sydera nosse poli:

Tem:or:que, & causas fugientis cernere luna

Et tota Ausonia discere iura togæ:

Non Cræsingentes loculi, non Persicagaza

Castalias potis est sollicitare deas:

Solalabo gratæ confert compendia palma,

Sedat & immodica pocula larga sitis.

NARRATIO PHILOSOPHICA.

HESIODVM vetustissimum poëtam accepimus cōfectis apud Heliconē aliquot spatiis, poëtā repētē euasisse. Et Enni⁹ ipse Homeri animā per quietē in corpus suū infusam esse prædicabat. Vetus enim fuit, & iā ab antiquis ducta tēporibus opinio, animas postquā his ereptæ vinculis in celū euolauerāt, iterū deorū immortalīū iussū in corpora migrare. Cuius sententiæ Pythagoras summus philosophus princeps fuit. Verū quem tandem exilimamus tātū gratia & authoritate apud Domīnū valuisse, vt nullis vigiliis suis, nullo studio & tāquā aliud agēs, artibus iis quæ cognitione percipi possunt, omnibus instructissimus euaserit. Salomōnē quidē referūt historiē rerū diuinarū & humanarū notitia à Domino auctū esse: tātāq; fuit in homine illo rerū varietas, vt de omnibus quę in disceptationē cadere possunt & natura rerū cōtinētur, sciētissimē disputaret. Sed hoc Salomōi, cui⁹ gloria Deo gratissima erat, licuit: nobis forsītā, quib⁹ pau

pertatis & rerum externarum despicientiæ partes à Christo attributæ sunt, non licebit. Itaque qui ita animo est affectus, vt nihil sit quòd malit quàm se quam doctissimum esse, vix temerè ad rerum magnarum cognitionem productus esse poterit, nisi omni studio, opera, contentione in eam partem incubat. Nam si eos meminisse lubet, à quibus præclara illa literarum monumenta ad nos deuenerunt, quis illorum non impiger, quis non diligentia planè incredibili in libris animum suum defigebat? Plinium, cum qui libros naturalis historię conscripsit dixisse accepimus, omne tem-
 „ pus perire, quod non studiis impenderetur. Et
 „ philosophi, cum sibi per suaderent rerum magnarum scientiam sine summis laboribus percipi non posse, doctrinæ studia nunquam intermiserunt, & ad extremam senectutem in gymnasiis suis garrierunt. Nam & Isocrates eum librum qui Pannathenaicus dicitur, quarto & nonagesimo ætatis anno scripsisse fertur. Neque Gorgiam Leontinum, qui centum & septem compleuit annos, ætatis progressus à studiorum dimicatione reuocauit. In quibus, si Græcus & ea conditione vir, vt de omni re quæcunque proponeretur se ornatissimè dicturum prædicaret, tantum operæ posuit: quis tandem per noctis insomnium doctrina excellens esse poterit? Sed tamen homines quidam tanta celeritate quæ discuntur arripiunt, vt non tam primum scire, quàm reminisci videantur. Qui autem ea sunt animi tarditate, vt nisi serò, & inuita quòd aiunt, Minerva aliquid in studiis promoucant,

moveant, contentius in opere sunt, sed ediscūt ta-
men: neque enim quicquam est quod labore non
simus assecuti, & si intenderis ingenium valet. Et
multos audiuius imperatores, qui in rebus pla-
nè exulceratis tanta fiducia sunt elati, vt ea oppi-
da, quæ vel opere ipso, vel loci natura expugnari
non poterāt, labore & diuturnitate obsidio-
nis capere se posse nō desperarent: quo
rū tantū valebat audacia, vt sæ-
pissimè cōtra opinionē ho-
minū præclarissimas
victorias domū
referrent.

S v



*Simulachrum trium Gratiarum,
Aglaia, Euphrosines & Thalia.*

In amicitiam hodiernam, hoc est, vsque
ad pecuniam exclusiue.



*Quisquis amat Chari ñ præstantia dona forcrũ
Subsidioque tuos expetis esse tibi.
Cuius obsequere, & studiys te dede tuorum.
In meritis laus est non tenuisse malum.*

A L I V D.

Tunc verccunda pingis Po'yclete tabella
Artifici Charitum corpora nuda manu?
Cur non Assyrio spectatur Aglaia cocco?
Et comites cur non byssina palla tegit?
Hac sunt syncera fulgentia stemmata mentis,
Qua sua dum confert omnia, nuda manet,
Anteit vna, dua retrò vestigia figunt:
Sic debet meritum gratia bina sequi.
O quantum antiquo iam nunc decessit honesto?
Quis nequeat nostra de pietate queri?
Nam ne socer genero solum vix mutuatur vnum;
Ni traiectionum sentiat ille lucrum;

TRES gratias, præclarissimum post homines
 natos retinendæ nos inter nos societatis mo-
 nimentū, nobis poëtæ in fabulis reliquerunt: quo-
 rum solertiam pictores imitati, aditum homini-
 bus ad ea officia diligenter colenda aperuerunt,
 quibus humanæ vitæ splendor & honestas cerni
 solet. Nam in tabulis semper nudæ exprimuntur,
 & ea forma, vt vna aduerso vultu procedere, aliæ
 autem auersæ subsequi videantur. Quæ res non
 tantum ad referendam gratiam, & ad bene meren-
 dum de eo à quo primū beneficio aucti sumus,
 animos nostros incitare debet, sed ad omne pieta-
 tis & obsequij genus reddere paratiores. Quan-
 quam enim ad φιλαυτίαν & amorem quē primū
 in nobis natura peperit, consentaneum minime vi-
 deatur, tantū de tuo largiri vt postea alieno indi-
 geas: est tamen & Charitum naturæ & Euangeli-
 cis nostris præceptis perquam accommodatum
 de dimenso tuo detrahere, vt alterius infirmitatem
 opibus tuis leues. Si enim non pauperum tantū,
 sed æqualium nostrorum fortuna tantopere no-
 bis à lege commendatur, vt præter officium face-
 re videatur, qui magis se quàm proximum bene-
 uolentia fuerit complexus: grauiter opinor sit ar-
 guendus, qui proximum in aduersis rebus non ad-
 iuuerit. Nam angustè rebus tuis uti, vt aliorum te-
 nuitati sis officiosior, liberale & Christianum est:
 eæque solæ res extra fortunam esse à poëta memo-
 rantur, quas amicis lubens contuleris: neque vn-
 quā pecunia apud nos magis in numerato & præ-
 sens est dicenda, quàm cum beneuolè necessariis &
 egenti

egētibus suppeditatur. Cū enim aduenerit moriē-
di tēpus, & vitæ & fortunis cedendum est: ea autē „
sola tua sunt benefacta quæ in alios collocaris. Ne „
que enim quicquam est principi illi Deo infestius
quàm res eas quas summa sua beneuolentia & be-
nignitate nobis concessit, tam clausas & obfigna-
tas tenere, vt neque domini qui eas tenet, neq; cæ-
terorum vtilitatibus inferuiant. Sed quam à Deo
acceperimus, eadem illi referenda gratia est: maxi-
mēque erit enitendum vt pauperibus rem gratam
faciamus: quibus si quid præstitum est, tanquam
sibi collatum Deus rationibus suis infert. Quia
autem nullum est officium referenda gratia magis
necessarium, in eo genere primū pictorum in pin-
gendis gratiis sagacitatē sequemur, deinde & He-
liodū authorē adhibebimus, qui iubet aut eadem „
mensura referendum esse beneficium, aut etiā ma- „
iore si modo facultates nostræ largiantur. Sed „
quia homini pudenti & bene informato molestū
est ab illo aliquid contendere, cui aliquando fue-
rit officiosus, ei qui primū beneficio prouoca-
tus est, erit videndum, qua in re, ab amico benefi-
ciū suū desyderari possit: neque enim in eo quod
vltro facere debet interpellatio expectanda est: il-
ludque amicitiae & petentis verecundiae erit tri-
buendum, ne non tam is rogare obsequium, quàm
vetus debitum exigere videri possit.

Contr

Contrarium priori.

Ερμῶνιο χάρις.



*Quid tibi nobiscū est furioso Hermonia vultu,
Cui dextra n̄ semper trita lacerna tegit?
Cū quæ rapax leuæ medios supereminet ungue
Polipus, ingrati signa supercilij.
Hinc effer scelerata pedem, teq̃ abde tenebris,
Nec tibi sū tota dictus in vrbe locus.
Num satis est mentis generosa in spongia Galla
Tam subito calabris contemnerasse notis?*

NARRATIO PHILOSOPHICA.

HARMONIAM gratiam iis quas superius memorauimus veteres ex-aduerso posuerunt: ex cuius opinor officina capitalis illa vox est profecta, quæ seipsum omni officio & studio complecti, eam demum summam & bene constitutam charitatem esse censer. Illi nihil vnquam probari potuit, nisi quod cum priuata utilitate rationē coniunctā habet: & ei cum præstantissimis virtutibus, quæ homines ad mutua benefacta exuscitant æterna prope est dissociatio. Quia enim regalis illa Iesu Christi sententia, Hoc vnū tibi superest, vende omnia quæ habes, & sequere me, vel ab iis qui christianæ disciplinæ principatum tenent, repudiata est, placuit vt de saluberrimi decreti abrogatione ad senatum referretur, tandemque populare senatusconsultum factum est, ex quo qui commodis suis immorerentur, neq; de pecuniis cogitandi tempus vllum intermitterent, diligentia & etiā charitatis virtutisq; omnis laudē ferrent. Et quem admodum apud Aristophanem quidam dii, quia parum vtilis è ciuitate eiiciūtur: ita nostri eas virtutes quæ sine aliqua patrimonij iactura explicari nequeūt, reliquarū ordine mouēt, & quasi stipēdiis expungūt. Quorum cupiditati eò minus iudicio optimorum mos sit gerendus, quòd non tantum in eo genere offendunt, sed facinus suum honestatis patrimonio conātur prætexere. Quem enim ex illo hominū numero reperias, qui nō eos potius inuidos, qui ista damnant, quàm cæteros qui approbāt stultos & demētes arbitretur.

Apud

Apud necessarios suos in creditum ire pro scelere habent, quasi ea re filiorum causa fiat deterior in quo non vident homines inepti, nullum patrimonium præstantius à patribus filiis relinqui posse, amicitia & necessitudine, ex qua sæpius filii maiores quàm ex paternis bonis fructus capiunt. Se & Christianos & viros bonos appellari volūt, Christianas autem actiones ne attingūt quidem. In beneficiis collocandis fortunā ipsam, non mores aut genus sequuntur: quod eum qui aut benemoratus, aut consanguineus est, satis insita illa bonitate aut coniunctionis vinculo ad illorum compendia incitatus sit futurus. Apud eos gloriosum est citò rem facere, & ipso momento ex paupere diuitē apparere: quod tamē ex eis qui inter Ethnicos sapientes habiti sunt, laudabile duxit nemo: qui autem pauco contenti viuunt, quia illis forsitan ad rem suam locuple tandem de foro adiumenta de sunt, & stolidi & ignari nominantur.



Ad Tenediam securim.

'Tribunal boni iudicis.



*Prodigiosa vides Tenedea tormenta securis,
 Quam vigil aduerso Rege viator habet:
 Illa patronorum mendacia stulta coerces,
 Et captis refecat crimina pignoribus:
 Imperat & positis rabiosa silentia multis,
 Incœptisque iubet litibus esse modum:
 Condignâsque frequēs adfert ad iurgia pœnas,
 Sic omnis sensim causa sopita manet.*

T

NARRATIO PHILOSOPHICA.

IN Tenedo Hellesponti insula longè celeberrima, nunquam reges forum egisse memorantur, nisi adesset lictor cū securi, qui iudicantis maiestate in apud eos qui se vadimonio stitissent, tueretur. Nam & si Agesilaus qui apud Spartam magna cum laude imperauit, principem beneuolentia magis inter suos septum esse debere, quàm armis existimauerit: tamen cū nihil sit tam sanctū quod non hominum violet audacia: est mea quidem sententia iudiciorum dignitati summè consentaneum, eos metu supplicij petulantia summo ueri, qui loci religione & sedentis dignitate in officio nequeunt retineri. Itaque sapienter veteres lege lata minoribus magistratibus modicam coercionem detulerunt, quasi sine ea iurisdicēdi munus diutius stare non posset. Iam verò is est nostrarum rerum status, vt quem locum maiore & obseruantia & cultu honorandum esse maiores statuerunt, is certè turbulentissimus & importunitatis plenissimus appareat. Qua enim fronte, qua uercundia, quo vultu in agendis causis versantur illi qui procuratores nominantur? Nam, vt omittam fidem (qua tamen vna iudiciorum authoritas maxime continetur) quid illis hominibus in dicenda causa petulantius, quid magis importunum & loquax? ita verò dicunt vt non precario, sed vi & armis in præclaram illam sedem venissè videantur: in mala causa ita plerunque quiritant, vt nō equitatis comparatione, sed strepitu & clamore disceptari quæstio videatur. Eas lites quas vel ipso nomine

mine ex inuidia laborare animaduertunt, ita tran-
 figunt, vt nihil nisi per contumaciam & eremodi-
 cium eum aduersario gerant. In quo tantum calli-
 ditate & astutia valent, vt etiam eos qui præsentes
 liti adsunt, quasi defuerint condemnatos faciant.
 Quorum eò capitalior est improbitas, quòd is lo-
 cus quem maiores sacrum, & qui ei præsènt sa-
 cro sanctos magistratus appellauerunt, istis dolis
 omnino deformatus iacet: cuius tanta fuit apud
 Romanos religio, vt eum qui altius in curia ster-
 nutasset, multa dicta in carcerem coniicerent. Ne-
 que enim rabulis & proclamatoribus de foro de-
 bet dari ad dicendum locus: quique magis firmi-
 tate vocis & laterum contentione, quàm
 momento rationis ad causam instru-
 ctus venit, ei opinor plurimum
 iudex sit concessurus, si
 consilium dimi-
 serit.

T ij



In veterem morem.

Contra parentes qui filios sine iudi-
cio in monasteria coniiciunt.



*Filius ex alto grandaeum ponte parentem,
In rapidas quondam precipitabat aquas.
Sed nunc in miseres reiecta est alca natos,
Et patrias norunt in sua fata manus:
Anne quod inuitos in claustra immania natos
Subrigida impellunt religione patres?
Subque feris cogunt traducere legibus aenum,
Et quasi pistrini voluer pondus iners?*

NARRATIO PHILOSOPHICA.

NEc verò illud omittendum puto, quod & præsentis Christianorum luctus indicium est, & præteritæ calamitatis significatio, ad eum statum res nostras constituisse, ut deliberatius multò ad stipulationem rerumque contractarum negotia, quàm ad vota religionis nuncupanda accedamus. Nam qui res mancipij emunt, aut pecuniam ad sænus collocant, non prius negotium transigunt, quàm rei quæ in contractum venit cõditio- nem, & debitoris qualitatem accuratè perspexerint: at in monasteriis capessendis, tantus plerumque est nostrorum hominum impetus, tanta voluntatis incitatio, ut re sæpe non quæsita eò se cõpingant, unde aliquando sese vellent explicari. Ac profectò diu est deliberandum quod sit semel statuendum, neque longa voluntatis permanensio in eo esse potest, quod temere & sine iudicio sis aggressus. Sed tamen temeritatis suæ pensum ferant, & de se ipsi querantur tantum qui se scienter necessitate voti alligarunt. Qui autem ea sunt ætate ut de bonis aut fugiendis iudicium ipsi ferre nõ possint, & in honesti & turpis delectu omnino cæcutiant, non videantur in culpa esse, si iussu & seueritate parentum adducti ei se vitæ generi addixerint. Incredibile profectò immanitatis exemplum, tam parum filio patrem prospectum vel le, ut id ab eo exigat, quod ipse sibi in vita præstare non potuit. Neque verò mea sententia quicquã sceleratius in vniuersa Christianorum communitate dici potest, quàm quòd inter nos vulgo audi-

tur, ab aliquo parente, filium vnum aut plures in monasterium elocatos esse. Indigna certe Christiana religione sententia: non enim aptè neque ad decorum accommodatè dicitur, Pater filium suum monasterio deuouit: sed & melius & ad voti naturam ornatius, filius ex politica ad monasticam vitam discessionem fecit. Nā si in his quæ facti sunt ex Iurisconsultorum sententia patria potestas nō cernitur, si qui monasterio se obligāt, pōtificiali auctoritate ab imperio patris absoluuntur, quid est quod in religiosa vita attingenda plus momenti & ponderis paternis iussis quàm liberorum volū tati tribuatur. Non enim ex patris aut cuiusquam alterius vindicis auctoritate ingressus ille metiendus est, sed eius qui in illa vita sibi senescendum esse putauerit, voluntas erit ponderanda, qui si se totis animis tali solitudinivelit applicare, verendum opinor nō erit, ne non Deo propitio & laudatore id fecisse iudicetur. Non est verò consentaneum quosdam aliorum causæ tam parum æquos esse, vt vitæ suæ felicitatem in viola & rosa ponant, in cæteris autem vitam beatam etiā in taurum Phalaridis putent descensuram. Et quæ tanta est iniustitia, vt qui ægrè in matrimonio pudicitæ leges seruauerit, alios in cœlibatu velit esse continentes. Quæ non eò à nobis dicuntur, vt eos qui se à negotiis popularibus ad illud vitæ otium contulerunt, de sententia decucam. Bellissimè enim cū eo videtur agi, qui ex Pauli consilio animū suū ab hac forensi vita, tāquam ab aliquo libidinis scopulo, ad cœlibatum appulerit: sed patribus venia danda non est

est, qui vel imprudentes vel etiam inuitos liberos
suos eo nexu deuinciūt : quasi verò Deum optimū
maximum in consiliū adhibuerint, qui solus quos
voluerit beneficio continentiae augere potest . Ac
sanè finem nunquam inueniet cupiditas, cuius no-
ta si qua nobis impacta est , facile omnes pietatis
& iustitiæ leges ex animis nostris delet & dis-
pungit. Ex qua & illa labe nomini Christiano inusta
est, vt qui patrimonium suum cumulatius facere
volunt, & nonnullis filiabus conditionem amplio
rem quærere , cæteras in monasteria coniiciant .
In quo turpe & flagitiosum est tantum quæstu &
lucro retineri, vt filiorum salus futura vita
negligatur. Sed hæc fortasse frustra a-
pud eos, qui comparatione pe-
cuniæ non habent quod
laudare pos-
sint .

T iiij






In Lisymachum.

In eos qui diuitiarũ dulcedine delin-
ti ad Ecclesiæ gubernacula accedũt.



*Empta placet multis funesta clade vol'uptas.
Et magnò interdum pœnituisse licet.
Disce ergo, & tristes veterũ reminiscere casus,
Quos latuit verus posteritatis honos.*



A L I V D.

*Lisymachus filiens sauo se dedit hosti,
 Posset ut irriguo fonte leuare fimum:
 Qui postquam expleuit largo praeordia potu,
 Dicitur his lacrimas verba dedisse modis:
 O decies, breuitate sui miseranda voluptas,
 Cuius in exortu tam citò finis adest.
 Tē ne amens tam torquet opum vesana libido,
 Quas nec aquis pretio dixeris esse pares,
 Vt clerici in numeros venias, & muneris impar.
 Des consanguineo nomina pontifici:
 Dum tu diuini speras insignia fundi,
 Et patruus sacras iam morientis opes:
 Quis sine saua ferox in praelia principis isset,
 Aut vxor vocis esset amica tuis:
 Quamuis hoc etiam nobiscum pignore certes,
 Vt iam tota tuo manzere terra fluat.*

T V

SAPIENTER maximus ille eloquendi magister Appollonius Molo, qui quanquam mercede doceret, non patiebatur tamen discipulos apud se operam perdere, sed vnumquemque ad id quo naturæ ductu ferebatur, dimittebat: frustra enim animi nervos intenderis si natura & ingenij vis non suffragatur. Sed quemadmodum terra non ad omnem seminis rationem sese accommodat: ita nec hominum animi ad omnes artes capeffendas parati sunt. In semine igitur spargendo agricolæ, & in scientiis edocendis magistri naturam & mores explorabunt: homines autem in opere Ecclesiastico & sacris faciendis occupati, propensitatem naturæ ductumque suum non videbunt? quorum humeris nititur communis salus, quorum descriptione leges, æqui & boni studia, ciuium æqualitas, religio, virtus omnis, denique & totius reipublicæ nerui continetur. in quorum tutela pacis ornamenta iacēt, & quibus quasi ducibus inimicorum iniurias à capite nostro propulsamus. Qui Dei optimi maximi auspiciis & renuntiatione, orbis terræ prouinciam cum imperio sunt fortiti, vt de pietate & iustitia inter homines soli statuerent, his honestum esse possit in petendis ecclesiæ magistratibus, & vitæ genere deligendo cupiditatem & ambitionem potius, quam naturam sequi. Quòd si ex Pauli sententia, nemo dignitatem in ecclesia prensare debet,

nisi

nisi vocatu summi Dei, vt de præstantissimo illo „
sacerdote Aaron vetera scripta testantur: quæ tan-
ta in hominibus nostris honorum appetitio est,
vt auaritia cæterisque animi ægrotationibus per-
turbati, se in ea munera vitæ compingant, quæ
nisi à summis & laudatis viris non possunt expli-
cari. Quòd si tantum ex auaritia & cupiditate la-
borant, vt inter maximas opum lenitates salutem
suam (qua nihil homini commendatius esse de-
bet) aspernentur: quæso ne in eandem necis per-
niciem vocent eos qui infirmitate consilij mi-
nus sibi possunt prospicere. Quot enim homines
rerum agendarum imperitos, & de via longè ab-
errantes in populo reperias, qui si aliquem ex
his quibus procuratio rerum diuinarum data
est, virum bonum & de ciuium salute vigilantem
nacti fuerint, non facilè ad rectam rationis & of-
ficiorum omnium normam dirigi possint. At forsità
in officio nõ esse, & ea negligere quæ gerere cura-
reque debeas, moribus nostris leuissima culpa
est, nisi ad tantam negligentiam etiam improbi-
tatis multorumque scelerum accederet infam-
ia. Hæc certè qui tolerant perniciosissimum
quiddam inducunt in ecclesiam, vt neque con-
tracta ex antecedentibus vitiis labes abstergi, ne-
que res tam inclinata vnquã attolli possit. Ex his
opinor magnorum hominum de religione con-
trouersia, ex his bella intestina, ex his maximæ
tempestates populo Christiano semper acciderunt.
Nam quæ tanta Dei beneuolentia erga nos esse po-
test

test, nisi vulgaris? quæ placabilitatis signa nisi obscura? An verò cum populum benignitate & largissimis officiis suis complectatur Dominus, in quo qui deprecatores ex lege sunt, ad ipsas deprecationes omnium flagitiorum turpitudinem adiungunt? Quid, qui ad decretas more institutoq; maiorum supplicationes non sit venturus, nisi pecunie & præbitionis expectatione, is ne apud Deum immortalem in iis orationibus, ad quas pro populo erit assumptus, voluntate & gratia valere poterit? Sed non est consentaneum in sacris faciendis cupiditatem & avaritiam adhibere. Nam (ut inquit Dominus) *ἐὰν τὸ ἄλλας μαρνανθῇ, ἐν τίνι ἰαλλισθῇσεται*? Et si ij, quorum pietate & precibus ira Dei, tanquam aliqua machinatione ad benevolentiam contorquenda est, malè actæ vitæ conscientia cruciantur, in quo tandem spes salutis erit collocanda? Et si qui legum autoritate & bonorum omnium suffragiis oratores apud Deum sunt electi, in tanta vitæ indignitate versantur, ut ipsi pro se dicere reformident, quidnam illi in aliorum causa assequi se posse confidant? Verùm quia peccandi necessitas nescio quo fato hominibus attributa est, iis opinor ignoscendum erit, qui ipsi domestica testatione sese reos non disintantur: sed qui furtis religionum, avaritia, reliquisque sceleribus impuri, non tantum se de reis eximunt, sed eos qui contra statuerint hæreticos audent nominare, nō video sanè quodnam rei tam contemperate & infami patrocinium afferatur. Demosthenes quidē non tā sua quàm reipublicæ causa Philippo Maced

cedonū regi infensus, dicere solebat *πυθίαρχ. λιπ.* πίζερ quòd in exponendis Appollinis Delphici responsis, pecunia se à Philippo oppugnari patetur, & ab eo religionis calumniam contra Athenienses deduceret. Itā quidam homines (nollem certè nostros) quia amplissimis sacerdotiis aucti religionis principatū tenēt, Euāgelicæ legis auctoritatem ad scelerum suorum prætextum traducunt, & illo veluti caduceo sordes suas non impunitate solū, sed honore, congiario & vacatione persequuntur. Quòd si quis est reipublicæ amantissimus, qui præstantissimas illas dignitates nefario scelere violari ægrè ferat, is illorum sententia & patriæ hostis & de religione malè sentiens iudicabitur: quasi verò sit iniquum contra eos de sacro commisso querelam perferre, quos veterum conciliorum autoritas de leuissimis noxis ad pœnam expetebat: aut etiam is de religione temere loquutus iudicari possit, qui scorta, qui auaritiam, qui sacræ pecuniæ dilapidationem maleficiorum loco & nomine habuerit. Ego verò si qui cum vitiis & sceleratis prælio decertant, & miseri & hæretici sunt, in illo equo cum hæreticis viris includi non recusabo. Potest verò tam præclaræ sententiæ societas turpis esse? possunt qui de pœnitentia & cæteris virtutibus decreta ferunt, impij nominari? iis denique mors calamitosa & terribilis esse possit, qui pro re tam egregia vitam constanter perfuderint?



Exemplum sapientis & stulti.

Longinquitas temporis adfert
omnia.



*Vi sapiens caudam paulatim vellit equinam
Quam non vna semel vis superare potest.
Tēpus idax, variūsq; labos tibi cūcta repēdēt:
Aude igitur, nec spe deiciare tua.*



NARRATIO PHILOSOPHICA.

PRAECLARA certè illa à veteribus vsurpata sententia, par esse omnes omnia experiri, qui res magnas & magnopere expetendas concupierunt. Sed tamè in iis qui desperatione minimè debilitati illud cursum tenere solent, varij sæpe & mutabiles casus acciderunt. neque enim magna sequentem satis est spe assequendi non deiici: sed ea præparatio adhibenda est, ex qua non omnino incerta potiundi expectatio consequatur. Nonnulli autem sunt qui quanquam à rebus magnis difficultate non possent remoueri, quia tamen ea sibi non deligebant, quæ ad potiundum accommodatam & coniunctam rationem habent, sapissimè in media contentione restiterunt. Nam & aliquæ sunt res, quæ primo impetu neque diligentia, neque labore teneri possunt: eadem beneficio temporis & patientia facilè superantur. In his adipiscendis si quis tam malè de rebus iudicat, vt neque euentum sustinere, neque desyderium suum aliqua spe lenire possit, plerunque accidit vt temeritatis suæ pœnas luat. at verò & alia sunt per multa, in quibus nisi prima aggressione animum intenderis, eas non sis adepturus. In his omnibus qui acres officiorum disceptatores esse volunt, iudicium adhibebunt, vt quoties res ita postulat, vel rem celeritate incredibili exequantur, aut in laxiorem diem negotium trahant. Cn. quidem Pompeius vir omnis memoriæ & omnium sæculorum princeps, Caium Cæsarè in Macedonia pugna memorabili fuderat, & vel ipsius Cæsaris testimo

stimonio bellum ciuile penè confecerat, si in tam prospera fortuna hostium reliquias esset persecutus. Sed præstantissimo imperatori vincere parua
” quidem res est, nisi etiam victoria uti possit. Itaq;
” misera illa prælij Pharsalici fortuna consecuta est,
& Pompeij direpta castra: hacque vna plaga accepta populi Romani maiestas & splendor concidit. In eo prælio Pompeium suis ferunt edixisse, quod etiam ab ipsis Lacedæmoniis sæpissimè factum accepimus, ut impetum inimicorum, & primos illos motus patiendo sustinerent, & quo ad eius fieri posset à suo capite depellerent: se autem ad nocendum seruarent, cum aduersa acies penè defessa & labore confecta videretur. Quod tamen C. Cæsar neque probat, neque à Pompeio summo imperatore edictum esse existimat. Est enim, ut
” inquit ille, quædam incitatio atque alacritas in
” nobis quæ studio pugnae ducitur. Hanc non restinguere, sed inflammare imperatores debent.
” Contra verò Carolus is, qui ad deditionem compulsa Ioanna regina Neapolim & vtranque Siciliam occupauit, Ludouicum Andem cum maximo exercitu venientem fugiendo fregit, neque cū eo intempestiuè bellum committendum esse existimauit, quem aliquando temporis longinquitas esset oppressura: neque vnquam adduci potuit ut in eum acies suas explicaret, quem patientia frangi posse non diffidebat.

*In virgam Palladis.
Scienriam ditare.*



*Virgula, et cetera quondam sacra a Diuina
Fertur Amalthæa plura dedisse capra.
Eius enim optatis succedent omnia votis,
Cuius in acceptum se dabit illa sinum.
Illam Neritium fractum labentibus annis,
Ad pubertatem restituisse ferunt.
Quisquis Palladias totis quinquatribus artes
Finit, & Aoniæ præcula sacra ingi,
Huic nil deesse potest, hunc pleno copia cornu
Imperat Attallica conditione frui:*

V

NARRATIO PHILOSOPHICA.

OPTIME certè & ad rerum maximarũ diurnitatem accõmodatissimè machinata est natura, vt in quibus rebus multum operæ & laboris impendimus, in his mirifici vtilitatis & commodorum fructus consequantur. Quæ res ad leuationem vigiliarum, quibus qui in studiorum cursu versantur seipsos conficiunt, magnopere valitura est. Quis enim tam parum sui memor à natura est effectus, quem non aliquando in studiorum contentione præmiorum & dignitatum ceperit expectatio? Quis tot noctes & dies commodorum magnitudine non sarciat? Nam nec mea sententia principes illi Philosophi, qui quondam doctrinæ studiis nomen sibi immortale pepere-
runt, tantum in gymnasiis contendissent, nisi ad ipsam gloriam, vtilitatis ratio accessisset. Quot vero existimamus spe lucri maiores ad nauandam in literis operam esse factos? Nã & Plato, qui primus nouum & perfectum eloquendi genus ad Philosophiam attulisse fertur, non existimauit à dignitate & Platonis & Philosophi alienum esse, si clientelis foroq; Dionis & Dionysij tyrannorum vteretur: paucique sunt tam duriter Stoici, qui summorum regum & principum liberalitatem defugerint. Optima igitur ratione in eo consilio quod turbulentissimis Ecclesiæ temporibus Basileæ habitum est, decreuit conuentus frequēs, vt ij soli ad beneficia & magistratus ordinatum in ecclesia petendos vocarentur, qui vel Theologiæ, Iurisq; studiis, vel humanioribus literis præstantes haberentur.

tur: quod etiam memoria nostra cōuentorum fide
præstita, inter sedem & Regnum confirmatum est.
Vt ij ex quorum ludo principes viri ad reipubli-
cæ gubernacula aptiores esse solent, fructum ali-
quem caperent contentionis & operæ suæ. Sed ta-
men quotus quisque est qui in beneficiorum desi-
gnatione facienda, non magis affinitatis & amici-
tiæ, quàm virtutis & scientiæ causam sequatur:
quiq; non potius ex domo histrionem aut corum,
quàm eruditum hominem de ludo instituat?

Bene enim se rem habere putāt, si qui-
bus auspiciis in eas dignitates
aliquando sunt adlecti, iis-
dem cæteri homines il-
lorū authoritate
magistratus
ineant.

V ij



*In oraculum Appollinis Sybarichus
redditum.*

Deus dignitatis & gloriæ suæ retinēs.



*Sybaris arcanas cupiens cognoscere causas,
Fatidicos fertur consuluisse deos:
Audiit ex tripode est, adertit tū terminus urbis
Et cadet in seſto cūſſide gentis honos,
Quum plebs diuinos mortalibus addet honores,
Et quum homine incipiet vilior eſſe Deus.
Impie quid properas homines aquare Tonantis?
Te docet extremo Sybaris uſa malo.*

NARRATIO PHILOSOPHICA.

PERNICIOSVM & infame genus eorum hominum Paulus existimauit, qui cum anniuersarios syderum astrorumque motus, cælestiaque ipsa contuentes præstantissimis testimoniis maiestatem Dei sibi perspectam cognitamque habuissent, tam se naturæ immutarunt suæ, ut in hæreditatem gloriæ, quam solam Dominus amplitudini suæ propriam esse iudicauit, homines deducere non formident. Quæ enim vlla hominibus cum Deo optimo maximo laudis societas esse potest, nisi leonina? ut cum omnia summa de Deo prædicaris, nulla vel minima pars ad hominē traduci possit. Et certè per Esaiam Dominus velut testatō prædicauit, se gloriam suam alteri non daturum. Quis enim tam parum sacra monumenta cognitione attigit, qui nō videret aliquando Deū gloriæ suæ tam Zelotem esse, ut alium in possessionem illam venire temere non sit passurus? Magistratibus quidem & iis quos fortuna in amplissimos dignitatum euexit gradus honorem tribuere, & ethnicis & Christianis iubemur decretis. Nā Mariæ sorori Moïsis, quod cōtra fratrem silentiarium Domini liberius esset locuta, ex continenti pœna temeritatis à Domino constituta est. Et pueri qui Helisæo cum Iocis & risu obuiam processerant, à canibus discerpti sunt. Census verò qui à populo regibus inferretur, à Samuele iussu Domini descriptio facta est, ut omnibus notum esset eos quos Deus tantis dignitatum insignibus decorauit, à nobis quoque summa obseruantia coli debe-

re. Sed tamen si qui sint inter nostros tam minuti Philosophi, vt Deum & principes viros eodem honoris concludant loco, tales insanos & dementes impunè quiuis iudicauerit.

Quid enim, inquit poëta ingeniosus, sibi credere de se Non possit, cum laudatur diis æqua potestas?

Tam igitur qui in aulis degunt, maximam se gratiam apud principes inituros sperant, si eos diuinis laudibus socios ascribant. Ridiculum certè mentiēdi genus ea ipsa comminisci, quibus naturæ, senectutis & valetudinis incommoda penitus repugnant: quorūque veritas tot rerum & euentorum periculis perspici cognosciq̃ue potest. Placet igitur Philippus ille rex Macedonum apud Lucianum, qui Alexandro filio pro summo flagitio ponit, quòd is rerum gestarum magnitudine elatus diuinos honores sibi decerni & haberi passus esset: cum tamen antea in bello vulnere accepto lacrymarum vim minimè tenere potuisset. quæ res à Dei præstantia aliena est. Ciuitas quidem Sybaritharum, cum rebus secundis vteretur, quid Reip. euenturum esset oraculum sciscitatum venit: cui responsum est, ciuitatem omnino labefactatū iri, cum is honos quem diis immortalibus maiores tribuerant, ad homines transferretur. Qua enim re animum Dei à nobis magis alienari posse arbitramur, quàm illius maiestatem tam apud nos obliuione sopitā iacere, vt humanam imbecillitatē ad præstantissimum illud numen deducamus? Neque verò Diagoram Melium, Theodorum Cyrenaicum, & eius generis homines, si modo sunt alij, qui

qui Deum hominino esse negauerunt, existimem ciuitatibus suis capitaliores vnquam fuisse, quàm eos à quibus excellens illud & perfectum quod Deum vocant, moribus nostris exprimitur. Qui enim, quod cum summa illa æternitate perpetuò sociatum est, sermonibus suis ad alios conatur traducere, quid aliud quæso putetur effecisse, quàm vt eam mirationem, qua Deum suspicimus, nobis de manibus excutiat, & pietatē, quam erga Deum optimū maximum in cuiusque nostrum animis vel ipsa natura peperit, penitus euellat?

V iiij





In Amphionem.

Pax.



*Musiciis Amphion citharam dum pectine
pulsat,*

*Septifores Thelas condidit ad numerum:
Præstitit hoc concors m. dulat & gratia chorda,
M. x. n. i. b. u. s. v. i. p. o. p. u. l. u. m. c. i. n. g. e. r. e. t. i. l. l. e. f. e. r. u. m.
Sic diuina statum concordia coninet v. i. b. i. s.,
Et ligat vnanimi barbara corda fide.*



NARRATIO PHILOSOPHICA.

AMPHIONEM Mercurij filium cantu & fidibus tam præstantem fuisse fabulæ retulerunt, vt summa illa numerorum suauitate saxa raperet, eaque ad muros vrbis Thebanæ construendos in locum vnum modorum flexionibus deduceret. Quam rem ideo à poëtis effectam possumus suspicari, quòd Amphion omni eloquētiæ & prudentiæ laude cumulatus, barbaros homines & ferarum more in syluis degentes mœnibus sepsert, & ad societatem vitæ reuocarit. Sed non erit meo iudicio à proposito fabulæ alienum, si nouam illam Thebanæ vrbis structuram ex variis æquabiliter citharæ concentibus effectam, ad ciuilem cōcordiam referamus. Vt enim ciuitates iam constructæ diutius in splendore & maiestate esse non possunt, nisi in vnum conspirantibus ciuium animis respublica temperetur: ita neque vrbes condi, nisi eorum qui ad ædificium conuenerunt, eadem sit ratio & voluntas. Neque verò Agesilaus aliis propugnaculis & muris firmandam esse ciuitatē existimauit, quàm ciuium corporibus: qui si se summo studio & consensu ad alicuius sapientis voluntatem ductumque applicauerint, erit opinor factu difficile, firmissimis illis concordiæ præstidiis firmatam rempublicam euertere. Iam verò ne externa meditemur, cedo quibus artibus Christianorum opes in Asia conciderunt? quæ res Græcorum florentissimum imperium funditus deleuit? quæ vis Rhodum insulam, oræ maritimæ oculum effodit? quæ res Othomanos Christianorum

spoliis & triumphis tantopere decorauit? intestina certè Christianorum inter sese similitudines. Neque enim vnquam Barbari illi Christianos bello laceffendos esse iudicauerunt, quàm de illorũ domesticis odiis certiores facti essent: neque prius Mahumetes Magnus de oppugnanda Constantinopoli consilium cepit, quàm Europam suis prostratam armis iacere perspexisset. Et patrum nostrorum memoria, Gallorum imperium quod Caroli Magni & cæterorum regum armis florentissimum ad illam ætatem permanerat, popularibus principum studiis penè deletum est. Ex quo satis efficitur, sæpe ciuitatibus perniciosum fuisse parem summorum ciuium principatum: quò enim quisque animi magnitudine maximè præstat, eò certe gloriæ audior est: quam qui appetit, vult omnium princeps esse vel potius solus: ex quo turbulentissimæ in multis populis dissensiones extiterunt: neque enim cæteri cõsiliorum & dominationis in republica socij æquo animo ferre possunt, ab vno diripi patrimonium totius dominatus.





In Orpheum.

Vis eloquentię quam Euripides reginam,
Ennius flexanimam appellauit.



*En vt Treicius numeris & carmine vates
Per mouet aurata barbara saxa cheli:
Vtq; arbuta tenet cantu, platonſque ſequētes,
Et ciet inſolitis per uia monſtra ſonis.
Circa homines taniũ retinet ſacundia nomen,
In ſua vt inuitos vota diſertus agat.
Condidit hic hominum cœtus, & mœnia primus
Arſiſci poſuit non violata, manu.*



NARRATIO PHILOSOPHICA.

IN omnibus iis quæ non tantum in rerum gubernaculis; sed in ciuitatibus condendis plurimum valuerunt, princeps semper meo iudicio eloquentia fuit. Vt enim, cum à Romulo pastores & aduenas ad ædificandam urbem cōgregatos legimus, id eloquentia (cui cum sapientia æterna est societas) perfectum esse suspicamur: ita illa retinendæ in repu. Romana pacis & quietis author semper fuit. Quo in loco præclarum est quod de Menenio Agrippa dici solet, cuius oratione inuidiosa illa plebis à patribus secessio reuocata est. Sulpi- tius quoque Gallus exercitum Romanum de lunæ defectione trepidantem & animo fractum dicendo excitauit, tantumq; eius eloquentiæ omniū testimonio tributum est, vt potius vnius orationis tractu, quàm vi & armis victoria parta esse videretur. Idem quoque Pericli apud Athenienses ferunt contigisse: cuius oratio animos suorum ob solis obscurationem desperatione metuque fractos, recreauit. Quid verò est magnificētius, quàm rem eam quæ sit dictione explicanda, illustrare dicendo posse, & eorum qui audiūt animos quò velis impellere, vnde autem velis deducere? Quid magis admirabile, quàm in frequenti hominum corona, vt eo munere quod omnibus à natura commune est solus cum dignitate perfungi posse videaris? Quid verò pietatis & religionis magis proprium, quàm nefarios perditosque ciues orationis flumine ad rectam officij normam traducere? Hoc genere qui valent, quocūque orationē suam
appu-

appulerint, facile efficiunt quod volūt, modo perfringunt, modo opiniones nouas inferunt, modo peruellūt infitas. Taliū virorū ornatum & vim dicendi admiratæ gentes, plurimum semper eloquētiæ tribuerunt. Itaque & ætate nostra multi in id studium diligentius incubuerūt, quod illis maximo emolumento & honori fuit: nonnullique sunt inuenti, qui quanquam penitus in iure ciuili & maiorū institutis rudes essent, tamen quia aut soli, aut cum paucis ad hanc ciuilem scientiā verba illa selecta, dicendi que ornatum, & quasi vestitum attulerunt, soli prope iurisconsulti sunt habiti: & quasi in possessionem suā venissent; veteres illos iuris magistros, scholis & bibliothecis excluderunt. In quibus magnopere laudandum est, res, quæ primū ab eloquentibus sunt traditæ, oratoria facultate tractare: est tamen infantiæ propè simile in verborum collocatione solū occupari, scientiam autem ipsam intactam, & nullā accessione abs se cumulatam præterire. Quorum fortasse labor; eò minus in multis probabitur, quod qui discere ius volent, nec illorum libros legēt, quod procul ab arte & præceptis absint, neque ea attingant, quæ in forensibus cōtrouersis explicandis posita sunt: qui autem latinè scire expetent, & orationis flore & copia magnopere capientur, nec ad illorum scripta se conferēt, quod vberius & cumulatius ex libris Ciceronis & aliorum, qui plurimū eloquentia valuerunt, desyderium suum sint expleturi.

In tempora & mores.
Mulier imperator, & mulier miles.



*To a licet fatuis subitre spallica vuluis,
 Et misera clunbes experiarur annus:
 Si sa'is excelso f.cinus placuisse Platoni,
 Forte parum est nobis displicuisse deis.*



A L I V D.

Creditur infelix stultis respublica vuluis,
 Fæmineoque amens vititur imperio:
 Bella gerit mulier, pacis quoque fœdera iurat;
 Atque magistratus datque mouëtque foro
 Hac quondam magno non sunt inuisa Platoni,
 Simulier secum mascula corda gerat.

P R O B L E M A.


Publica si domini regerent moderamina cūnni,
 Fæmineusque daret ciuica iura pudor;
 Dic, an tutorem & Velleia' legis honores
 Publica res causis possit habere suis?
 Forte: hinc est quoddam violata in iurare ponunt
 Prætores, & ius illa minoris habet.

NARRATIO PHILOSOPHICA.

FOEMINAS publicis rerum gubernaculis & imperiis omnium ferè gentium mores & edicta remouerunt: quòd in eis neque animi magnitudo, qua potissimum foris n̄itur ciuitatis salus neque consilium, quod in vrbicularum rerum temperatione maximam vim habet, satis præsidiij & adiumenti ad constituendam rempublicam afferre possè videretur. Quid enim eo genere aut ad rē militarē ineptius, aut ad reprimendos populariū motus magis imbecillum? quid ad conseruandum publicæ dignitatis patrimonium minus accommodatū & instructū? quid porrò in ferendis decretis magis varium & multiplex? Nam & videmus eas, quæ se veterum memoria ad res gerendas applicauerunt, aut turpiter ciuitates suas lacerasse, aut eum splendorem quem à maioribus acceperant, minime sustinere potuisse. Quamuis enim Semiramis laudetur, & sit nōmen eius multis scriptis decoratum, citeturque omnium Orientis ciuitatum præstantissima, & præclarissimæ testis memoriæ. Babylon, quam illa muro & fossa cinxit: non video tamen in quo tantopere videatur esse perhibenda, quæ florentissimum regnum stupris suis & sordibus funestauit. Iam qui reipublicæ moderationi præsunt, hoc primū tene debent, ne commodis suis & vtilitatibus inserviant. At in mulierum animis avaritia tantam vim habet, vt quasi ad patrimonij amplificationē à natura creatæ solū sint, sine lucro nullā vitam esse existiment, & plerūque in nuptiarum condi-
tione

tionem quærendam habeant antiquius, pecuniæ quæ viro, quam viro qui pecunia indigeat desponsari. Quia tamen me ad eas mulieres quæ aliquando maximis virtutibus & præstantissimis in patriam suam benefactis claruerunt, genus quæstionis vocat, videar præter officium facere, si debitum earum virtuti testimonium non reddam. Nā & aliquot legimus, quæ in summis periculis, ciuitatibus suis magnopere profuerunt. In his apud Hebræos principes Debora & Iudith nominantur. quæ in rebus desperatis & afflictis, patriæ suæ tranquillitatem & salutem pepererunt. Iam & illis ferè temporibus Tomiris Scytharum regina Cyrum potentissimum Persarum regem incredibili animi elatione fudit & cæcidit. Et apud Romanos Chloelia virgo nouo stratagematis genere vniuersum foeminarum genus illustrauit, præclarumque toti mulierum posteritati imitandæ virtutis suæ stimulum iniecit. Ad harum egregias dotes & propè diuinam naturæ vim si qua ex nostris mulieribus sese adiunxerit, illi opinor concessu omnium ad summam rerum gerendarum auctoritatem aditus erit, licebitque ei consiliorum in republica sociam, saluis forsitan legibus numerari. Nam & Plato maximus & dicendi, & intelligendi magister, non omnino foeminarum principatum è ciuitate sua sustulit: si tamen in earum animis virilis splendor eluceat. Quia tamen plerunque euenit, vt mulieres vel ab ipsa natura effoeminatos & muliebres animos gerant, non sine ratione maiores mulieribus

viam ad honores & magistratus præcluserūt: quòd
ad illam rerum bene gerendarum gloriam, nihil
instrumenti vel à natura, vel à domestica sua inci-
tatione habere videantur. Non est verò consenta-
neum vt quæ & priuatim & publicè à rerum ad-
ministratiōe sunt exclusæ, eæ foris & domi ma-
gistratus instituant: vt nulli per diu bono ad
honores ordinatim in republica peten-
dos, nisi illarum arbitrato, gra-
tia, suffragio & renuntia-
tione, aditus pos-
sit pate-
re.






Homo homini Deus.
Ex Plutarcho.



*Dum gemit in p[ro]p[ri]o s[ub] pondere, dūmq[ue] camelū
 In partem accepti muneris ire roga,
 Denegat ingratus scias in pondera vires,
 Et veteris sc[en]dus negligit hospitiū.
 Verū ubi tot miserum iuga cōpressere iuvenē,
 Cum boue & illius ferre iubetur onus.
 Si potes obsequium repetenti confer amico,
 Et meritis hominem demerere tuis.*

X ij



” Sicut deorum & hominum causa creatum
” esse mundum philosophorum semper consen-
” sus fuit: ita & hominem hominis causa. Vt enim ea
quæ vicissitudine anniuersaria terra marique pro
creantur, hominum vtilitatibus inseruiunt: & tā-
ta est in nos naturæ benignitas, vt etiam ex iis quæ
ad nocendum facta sunt, aliquis fructus capi pos-
sit: sic par rerum fruendarum commoditas & gra-
tia quam à Deo immortali accepimus, homini ab
homine referenda est. Nam æqualium studiis & ne-
gotiis deesse cum opus erit, tam certè contra natu-
ram est, quàm contra Euangelicas cautiones: ad
quarum præscriptum qui se applicauerit, non ef-
ficiet, vt aut in referendis beneficiis fidem à se suā,
aut collocandis, liberalitatem requiri patiatur.
Quia autem in externis rebus ex vulgi sententia,
potissimum fortuna dominatur, iis qui temporibus
valent, animaduertendum erit, ne cuius euer-
sam afflictamque fortunam aspernentur: sed eos
opibus suis tueri debebūt, à quibus fortuna vtrin-
que commutata se magnopere cuperent in eodem
genere sustentari. Nam secundis illorum rebus ad
inopiam reductis, eueniet vt quod in hominum
euentis propè consuetum est, illis in pœna & fla-
gitio deputetur.

In

In simulachrum τῆς διαβολῆς. Ex Appelle.

Contra eos qui antequam bona relati
inter reos ex commisso in fiscum defe-
rantur, ea petunt à principe.



*Pressit Appellatum vindex calumnia nomen,
Ast eadem afflicti proditur arte rei.
Sætor in insontes oculis signat: ecruentis,
Iam ne indemnati prædia poscere rei.*

X ii)

A L I V D.

*A*spice ut immanis toruo calumnia vultu,
 Ruomit accensa fulmina dira face:
*V*tq; tenet puerum passis furibunda capillis,
 Et stantem magni numina summa Iouis.
*A*ntecit & toruo miserandus lior ocello,
 Quem toto susus corporis langor habet.
*V*tq; comes structis se, niuri Fallacia technis,
 Et multo infamis sanguine Proditio.
*I*amque Mida auriculis alter spectatus & auro,
 Porrigit hinc grati signa supercili;
 Multa super multis quarens, dū mutua spōdet
 Munera delati, tristia pensa rei.
 Sed latec à tergo lacerata pertraxit lacerna,
 Multa gemens vitæ fata nefanda suæ:
 Et veri petit amplexus atq; scula, nec se
 Illius indignam iudicat esse manu.
 Quot superi falso calumnia nomine preßit,
 Quotque nigris (miserum) cōtudit illa falsis
 Quot bene nummatis tristem cōiecit in urnā,
 Qui si sico taci as praparat insidias?
 Quisq; sub incertis metuenda sortibus urnæ,
 Postulat insontis gemme a culta rei.

NARRATIO PHILOSOPHICA.

EX eadem illa malorum omnium parente cupiditate & altera profecta est, quæ Calumnia nominatur. Hanc quædam pestes hominum aliena laude fortunaque dolentium semper in regendis ciuitatibus quasi ducem & magistram statuerunt: quòd opinor sine ea diutius stare se posse non existimarēt. Quia enim si vetera recordamur, nulla vnquam tā felix aut tam bene morata ciuitas fuit,

quæ avaritia vacare potuerit: ita & singulis ætati-
bus extiterunt ij, qui nulla alia causa sibi rempu-
blicam attingendam esse iudicarent, quàm vt bo-
norum ciuium si fieri posset dominatum oppri-
merent & delerent. Qui enim aliquem in republi-
ca principatum animo sibi fingunt, qui non modo
soli dominari volunt, sed propemodum soli & esse
& viuere: qui è re & dignitate sua esse non putant,
aliquos in ciuitate degere, qui opibus antecellant,
qui aliorum patrimonia exhauriunt & expilant,
habent: certè & impunitatis & virtutis loco cum
iis de capite dimicare, qui fortunis suis spoliari se
æquo animo ferre non possunt. In quo valde do-
lendum est tantum vim & tumultum in rerum gu-
bernaculis valere, vt iustitiæ præcepta deleantur.
Sed ex omnibus malis nullum est capitalius quàm
esse aliquos, qui eam iuris constituti æquabilita-
tem quæ in bonis beneficio retinendis omnino
posita est, ad bonorum perniciem conferre
velint: vt quos priuata vi & domesticis insidiis
sum mouere nequeunt, eos iudicum sententiis &
decretis opprimant. Sed quemadmodum ignaui
fuci, cum in otio viuant, neque mel conficiant,
ipsi tamen, vt inquit ille,

Μελιαγάωρ κάματον τρέχουσιν ἀεργοὶ ἔσθοντες: „

ita nonnulli sunt qui cum omnem vitæ fructum in remis-
sione & lenitate ponant, neque quicquam homini me-
lius aut optabilius esse putet, quàm iis ipsis oble-
ctamentis animum explere, in quibus vulgò vita beata
posita est, id tamen agunt vt eorum qui perpetuò in
cōtentione sunt, cursum & laborem interpellent. Habet

verò rationē vt quos in capitis discrimē adduxeris, eorū bona tibi ex rescripto quasi iure vindices: & quos reos vel falsò vel subiectis testib⁹ annotādos curaueris, eorū hāreditatē ex proscriptione cernas aut capias. Iā apud Romanos principalibus rescriptis cauebatur, ne ea bona, quæ ex quouis cōmisso in fiscū delata essent, priuati à principe impetrarēt, pœna iis qui cōtra fecissent à lege cōstituta Sed tamē quia tātū de prisca seueritate virtuteq; discessum est, vt etiā reorū bona qui nondū sunt iudicati & peracti, auarorū hominū cupiditati cōcedātur, nō est mirū si multi boni viri nefariorū dolo & laqueis irretiti teneātur. Qui enim ex sentētiis iudicū & reorū cōdēnationibus lucrū facturi sunt, quia illis in reorū periculo & iactura cōmissi quæstus positus est, in eo ferè causa cōstāte occupari solēt, vt quos iudicatos facere volūt, & testibus redēptis & tabulis cōfictis obruāt. Ita fit vt vno calūniæ cōmēto & iudiciū religio circūuēta, & reorū innocentia afflicta iaceat & oppressa. Quod fortassē malū pridē tōnorū virorum intercessione fuisset anti quatū, si cōtra vim auaritię præclarissimis institutis potuisset esse locus Sed quēadmodum summus ille pater sapiētię Plato, eā sibi nō attingēde reipublicæ causam esse dicit, quòd homines suos quos dicēdo persuaderi posse diffidebat, cogi fas esse nō arbitraretur: ita neq; optimi & fortissimi viri cōtra res tā perditas & exulceratas omnino sibi cōtēdēdū esse putant, neq; in propinquo discrimine de republica referendum: quòd opinor res tā prostrata & euersa nulla ratione aut cōsilio attolli queat.



Cycnus.

Honor alit artes.

Non canit assueta Cycnus vocalis in vnda,
 Ni Zephyri spiret moll. or aura sibi.
 Classica prop: hinc sapientia crescit honore
 Speratôque alitur cuncta Minerva lucro.
 Sic tua Mecænas circumstetit aura Maron. in,
 Et cœpit Clario gratior esse Deo.

In vitem.

Non erudiendos priuatim adolescentes.

Incrementa parit vtroque vicinia botri,
 Inq; vicem auxilium præstat uterque sibi.
 Mollior obscura iuuenis ne discat in vmbra,
 Sed studijs comitem comparet ille suis.

In Atlantem.

Astrologia.

Distinctum stellis calum fert maximus Atlas,
 Atque humeros oneri fertur habere pares:
 Vnde illicecidit tanta provincia sorti?
 Quis Deus hunc tantum munus obire dedit?
 Qui bene Virgilias, fratrum quoque lucida signa
 Novit, & Arctoi sydera clara poli:
 Et cui lactis iter notum, & dimensio cali:
 Is magnum Aetherei sustinet axis onus.

In tumultum Aemulij Ferretti.

Qui dignos tumuli persolvere querit honores
 Exunctis docti manibus Aemilij:
 Bis senas sculpto describat in aere tabellas,
 Et ponat Latia civica iura toga.
 Addat ponificum, positos ex ordine fastos,
 Chaldaeis olim prodita scripta notis.
 Adjungat picta calata emblemata lingua,
 Verbaque quæ rapidi fluminis instar eunt.
 Addat & Aonias placata fronte serrores,
 Et quæ larga suis munera dant Charites.
 Iungat graminea certamina cruda palaestra,
 Et statuatur verso specula torta iugo.
 Hæc i iur (miserum) tristi clauduntur in vna,
 Ius, & ferrea vox, αἰ μὲν λόγος τε λόγος.

In statuam Timothei Archæni.

Cum in omnibus rebus, tum maxime in re
 militari plurimum Fortuna potest.

Timothee hos hostes tibi suspendere Colossos,
 Hæc tibi sunt forti conciliata manu:
 Téque vnum ex multis fortuna sacrauit alumnus,
 Illa quiescenti dum tibi signa refert,
 Cogit & hostiles ignota in veria turmas.
 Atque audax positus decipit insidiis.

Liberum arbitrium.

Ex Homero.

Dic mihi Maonius quorsum du dolia vates
 Dixerit in magni lumine fixa Iouis?

An quod spectat a nobis virtutis imago,
 Et vitij species ponitur ante oculos?
 Ergo ex alterutra qui nascitur hauriat olla:
 Omnibus ex a quo se dat vierque cadus.

Intus vino, & extus oleo.

Maximus archetypo qua concinit ore Machaon,
 Quotque Melampodius dat monumenta liber:
 Quotque soporatis serpens Epidaurius herbis
 Astruit, id totum cernitur in tabula.
 Ima frequens modico praeordia perlue vino,
 Doctus abundantem vincere pituitam:
 Et firma externos sub pollinctore meatus,
 Hoc est vel medicis certius antidotis.

In statuam Boni Euentus.

Ex Ephranore.

Qua statua excelsa longè spectata Solosso?
 Et quorsum artifices in sua dona manus?
 Quare gramineis bellè illustratur aristis,
 Et cur lethaeum dextra papauer habet?
 Ecquid lenao secundus crater honore
 Alea extremis prominet articulis?
 Hic bonus euentus Romanis notus in aris,
 Cuius te poterit summa beare manus.

Mirabile de equa.

In mulieres nimium sibi ex forma placentes,
 Si semel in placida formam conspexerit vnda
 Mitis equa, horrendam vertitur in rabiem.
 Stetque puella sua nimium sibi conscia formae,
 In veneris citius dulcia furti ruit.

In lit.

In literam Pythagoræ.

Y

Monſtrat iter duplex, totidem diſtincta lituris,
 Quam cernis Saniꝝ litera docta ſenis.
 Huius & alterius lateris ſe ianua pandit,
 Et facilem ingreſſum callis vterque facit.
 Quiſquis eſ in curſu vitæ qui lampada poſcis,
 Elig, ſunt animo libera cuncta tuo.
 Deſine conſortam ſatis aſcribere culpam,
 Sed refer in tabulas acta nephanda tuas.

Æs Dodonæum.

In rabulas fori.

Me Dodonæi miſerum ſonus enecat aris,
 Nec ſinit aſſueti membra ſopore frui.

De vipera. Ex heiroglyphicis Ægyptiorum.

In impudicas mulieres.

Quæ ſtruis inſidias miſero ſanctæ marito,
 Proijce crudeli Norica tela manu:
 Vipera quondam te ſinxit imagine Memphis,
 Quam nihil in terris ſcælius eſſe poteſt.

Bos ſuper linguam.

In proclamatores fori.

Qui longa in leuibus texit primordia cauſis,
 Offenditque noua garrulitate patres:
 Indiſta linguam diſcat compeſcere multa,
 Et poſthac labys ponere vincla ſuis.

In lapidem Tirreum.

Concordia fratrum.

Tirrei quamuis moles denſiſſima ſaxi,
 Nilum, ni caruleæ aquora tranat aquis:

Quam si forte secas in frustula minutula, sensum
Labitur, a quo reo nescia stare solo.

Coniunctos retinet quoties concordia fratres,
Quis poterit tanta ladere iura domus?

In molles.

Hinc properat e, caput digito qui scalpit vno,
Molles atque pigros nulla trophæa manent.

In Diogenem.

Niitur in populum Cynicus, vestigia figens
Alium, ut studiis plebis obesse queat.

In Trochum.

Lis litem generat.

Semet init Trochus, & tandem quoque concipit ex se;

Alteriusque opera non eget ad venerem.

Sic ex li e vna sensum lis altera surgit.

Hac venit à nostris noxia Pragmaticis.

In elatos.

Aspice comprehensi sudantia terga Milonis,
Vt capras lachrymans explicet ille manus.

Sic fortes elata sui fiducia fallit,

Et saepe in præceps corda superba trahit.

Fere idem in παρὰ πύλιν.

Auribus ipse lupum teneo veterator & audax,

Sed vah, susceptum me male perdet onus.

In ritum veteris sacrificij.

Silentium & pax in matrimonio.

Quirem diuinam faciunt tibi pronuba Iuno,

Incenduntque aris thura Sabæa tuis:

Fel case iaciunt altaria ad ipsa bidentis:

Sic priuata suo victima felle manet.

Sic

*Hæc lex connubij est, iuratum ponere fluitus
In sancto coniux, debet uterque thoro.*

In hyenam.

Ab adulatoribus fugiendum.

*Postquam sæva hominis didicit cognomen hyena,
Ut aoret appellat nomine quemque suo:
Et blando humanas inuitatur carmine voces,
Ut cadat in nassam præda vocata suam.
Falsus adulator, seruans in corpore virus,
Quos blandè appellat, clam facit ille reos
Turtur.*

In præproperas nuptias secundas.

*Ecce gemit tristes amissi coniugis aras
Turtur, & alterius negligit ille thorum.
Quid properas iterum geniali accumbere lecto,
Dumque vtero gestas vota secunda petis?
Hoc est, crede mihi, cineres violare sepultos,
Tam cito se thalamis conciliare nouis.*

Ad vetus Astrologorum in Aegypto tributum.

In nostrates medicos Prognosticorum mensularios.

*Cum medici passim referant Prognostica Galli,
Sæque velint Phariis vatibus esse pares:
Cur non fatidicis indicta solaria mensis,
Atque Βλακενρόμοιο, munera iuncta, hunc?*

In nostrates mulieres.

Auri sacra fames.

*Qua sacras varijs implet suffutibus aras,
Et solitas fundit nocte dieque preces:*

Comm-

Commutatque frequens recta ieiunia cœna,

Et corpus miseris conficit illa modis:

Hæc nunc ad noctem media sedet anxiosa mensa,

Et numerat solidos, vile numisma, sumas.

Gaudet & eiusdem numeros adducere summa,

Vt viso toties expleat ære situm.

Quàm vis magna auri est, ut quos nec cursus honorum

Deinet attonitos, comprimatur aris amor.

Insignia cruditorum.

Ad Ioannem fratrem.

Sive voles gracili versus componere socro,

Sive Sophocleis reddere scripta notis:

Sive etiam causis solers versaris agundis,

Tæque tenet Pylus Suademedalla senis.

Tot tibi sunt veneres, ut iussu credere quivis

Possit apes labijs mellificasse tuis.

Ergo mihi Argiua solus spectabere parma:

Dignus & in nostris aureus esse socer.

In Naphtam. Ex Plinio.

Laus benefactorum comes.

Insequitur Naphtam longè quàm senserit, ignis,

Et necis & vitæ sædus uterque ferit.

Sic & virtuti comitem se gloria præbet,

Et præclara solet laus benefacta se ui.

Gravitas peccati.

Parvula dum rapidis agitata cymba precellis,

Nec iactu trepidi ponitur ira maris:

Omnes præseni monacho peccata fatentur,


Placet ut iratum mens bene munda Iovem.

Verùm amphitrite passim luctantibus Furis,

Non iubet aquoreis fluctibus esse modum.

Confes-

Confessor monachus vectorum crimina portans,
 Plus alij naui creditur esse rarus.
 Ergo illum attoniti vectores in mare mergunt,
 Tum ratis in tuto cernitur esse vado.
 Quàm sit magna Deo peccati sarcina nostri,
 Scripturae referunt sat monumenta sacra.





INDEX EPIGRAMMA.

TΩΝ QVÆ PEGMA-

TE CONTINEN-

T V R.

35

9

IN simulachrum Iustitiæ. Ex Chrysippo.

In iustitiam, ex Nigidio. In sordidè iudicantes.
Senatus Heliogabali. In iudices *γυναικον κρατουμενους*
& vxoris imperio viuentes.

Ad Cupressum. In aulicos & admissionales. pag. 4

Ad sacrificia Phaselitum. In eos qui sibi diuites
sunt. 9

Ad statuam Iouis & Themidos. Iusta à Deo ro-
ganda. 12

In tumulum Chironis. Optimum ad felicitatem
quàm ocissimè aboleri. 15

In magistratus iuuenes. Vix temere ante pilos ve-
nit sapientia. 20

Ad statuam Dianæ. In sordidos nostrorū mores. 24

In Catonem. Omnium rerū satietas, præterquam
disciplinæ. 30

In statuam Memnonis in Æthiopia. Contra aduo-
catos. 33

In statuam Iouis. Vindicta diuina.	37
Ad ficum. In eos qui promittere, quàm facere ma- luerunt.	40
Ad araneam, vulgatum ex Diogene. In corruptos iudices.	43
Sybaritha in plateis. In leuiculos huius tēporis.	47
Libertas cuius proprium est, Sic viuere vt velis.	51
In symbolum Pythagoræ. In scaphio ne edito.	55
Ad statuam Cassandræ. In consuetudinem fori.	58
Ad statuam Palicorum. In periuria fori.	61
In statuam Iouis, ex Homero. Reges ad curam Dei pertinere.	65
Honor debitus. In disciplinam temporum.	69
In normam Lesbiam. Bonus iudex.	71
Ad fontem Dodonæ. In sibi præfidentes,	75
In Rhododaphnem. Scriptura sacra gladius an- ceps.	79
In Lamachum ducem. Seueritas in bello.	83
Antronius asinus. Animi vires corporis viribus præstare.	86
In libram Critolai. Nihil virtute melius, nihil præ- stantius.	89
In Herculem adhuc iuuenem. Iuuentus virtuti ini- tianda.	92
Ad Salamandram. In milites.	95
In equum generosum. Nequid vltra vires.	98
Ad statuam Bacchi. In πολυάγκυς iudices, pretio positos.	102
In rabulas & operarios lingua celeri, Parcè & ad clepsydram loquendum.	106
In simulachrum deæ Agenioræ. Silentium.	109
	Dori

- Dorica musa. In Iudices *Δωροφάγες*, quibus plus
placent libelli ferentatij quam supplices. 112
- In triuolarium emptorem, ex Diogene. Homines
oratio probat non vestis. 116
- In amicitiam simulatam, ex Diogene. 119
- Exemplum leuitatis. In leguleios qui doctores iu-
ris contemnunt. 122
- In Castorem & Pollucem. Amicitia fratrum. 126
- Cor ne edito Ex symbolis Pythagoræ. In nostros,
quibus Christianos homines curis huius sæcu-
li angi debere persuasum est. 129
- In statuam Palladis. Præclarissimum si aut reges
philosophentur, aut philosophi imperent. 132
- Antigenidæ ad discipulum. Non pendendum à iu-
dicio imperitæ multitudinis. 135
- Leo. Contra immoderatè agentes in rebus secun-
dis. 138
- In Satyrum. Contra sedentarios & cerdones, qui
paulùm ultra primas literas promoti, suo sensu
in literis sacris versari volunt. 140
- Vulgatum de hirudine. In pragmaticos æruscato-
res. 146
- Exemplum stultitiæ. Cum pertinacibus non agen-
dum. 149
- Mendici pera. In auaros. 151
- In morem Elephantorum. Non perdendum ami-
cum ob bonum dictum. 154
- Appetitus sublit rationi, vt equus sessori. Ex Pla-
tone. 157
- In Aspendium Citharistem. Contra amicos no-
strates. 160

INDEX

In permutationem Diomedis & Glauci. Pax auro redempta.	162
In mortem Crafsi. Mors vna beat & ditat.	165
A mortuo tributū. Moderatio in vectigalibus.	168
Contra veteres, nullam fortunam esse. Ex Augu- stino.	171
In Grillum. Voluptatem immanissimus quisque sequitur lubens.	176
Ferrum. In miseriam humanæ fortis.	178
In Vulcanum. Sæpissimè mundiores, rusticis & co- cis esse ἀναφοροῖτο ἑρῆς, hoc est vti Venere minus propitia.	183
In Platonem. Honor debitus viro docto.	187
In Corycium. Nihil est, quod labore non aſſe- quamur.	191
Dipsas: In παρθενώϊας & sectatores meretri- cum.	194
In tabulas Hipparchi. πάντα ἰδὼν διὸς ὀφθαλμοῖς καὶ πάντα νοήσας.	197
Aspis. Amicitia post aras:	200
In helluones librorum. Aliquando feriandum.	203
In ἀσέμῃς poetarum prurientium. Ex Poly- cleto.	206
In perfunctoriè iudicantes.	209
Μῆδε δικάω δικάσας πρὶν ἀμφοῖν μῦθον ἀκρίβους.	209
Vetus nupriarum ritus. In licetiam virginum.	212
Ad Trapezitam. In Aulicos.	215
In nodum Gordium. Virtuti fata plerunque ob- stant.	219
In Ana	

In Anaxarchum. Dolor non est malum.	222
Noctua Cùm Turcis bellandum.	225
In Stefichorum. De mulieribus, neque bene, neque malè loquendum esse.	229
In certamen equi & tauri. Libertatem vendit qui beneficium accipit.	232
In statuam deæ Viriplacæ. Concordiam in matri- monio colendam.	241
In herbam moly, ex Homero. Magnæ res sine ma- gnis periculis non fiunt.	245
Veritas in puteum demersa. Ex Democrito.	247
In resupinos. Ex Africano.	252
In immortalitatem litium. Ex Hieroglyphicis Ægyptiorum.	255
In morem Lacedæmoniorum. Contra mulierum licentiam.	259
Ad statuam Arimaspi. In sordidè & per gratiam iudicantes.	263
Vulgatum de opilione. Moderatio in subditos.	267
Appij infamia. In constuprata iudicia.	271
Ad imaginem Neurorum. Contra agentes in re- bus.	274
In Hesiodum. Dij laboribus omnia vendunt.	278
Simulachrum trium Gratiarū, Aglaïæ, Euphrōsi- nes & Thaliæ. In amicitiam hodiernam, hoc est, vsque ad pecuniam exclusivè.	282
Contrarium priori. Εἰς τὸν χρόνον.	286
Ad Tenediam securim. Tribunal boni iudicis.	289

In veterem morem. <u>Contra Parentes</u> qui filios sine iudicio in monasteria coniiciunt.	292
In Lysimachum. In eos qui diuitiarum dulcedine deliniti ad Ecclesiæ gubernacula accedunt.	296
Exemplum sapientis & stulti. <u>Lóginquitas</u> temporis adfert omnia.	302
<u>In virgam Palladis. Scientiam</u> ditare.	305
<u>In oraculum Appollinis Sybaritis redditum. Deus</u> dignitatis & gloriæ suæ retinens.	308
<u>In amphionem. Pax.</u>	312
<u>In Orpheum. Vis eloquentiæ</u> quam Euripides reginam, Ennius flexanimam appellauit.	315
<u>In tempora & mores. Mulier</u> imperator, & miles.	318
<u>Homo homini Deus.</u>	322
<u>In simulachrum τῆς διαβολῆς. Ex Appelle. Contra</u> eos qui antequam bona relati inter reos ex commissio in fiscum deferantur, ea petunt à principe.	325
Cycnus. Honor alit artes.	329
In vitem. Non erudiendos priuatim adolescentes.	ibidem
In Atlantem. Astrologia.	ibid.
<u>In tumulum Æmyii Ferreti.</u>	330
<u>In statuam Timothei Atheniensis. Cum in omnibus</u> rebus, tum maximè in re militari plurimam fortuna potest.	ibid.
<u>Liberum arbitrium, ex Homero.</u>	ibid.
Intus vino & extus oleo.	331
<u>In statuam Boni Euentus, ex Ephranorè.</u>	ibid.
Mir	

Mirabile de equis. In mulieres sibi nimium ex forma placentes. ibid.

In literam Pythagoræ, Y. 332

Æs Dodonæum. In rabulas fori. ibi.

De vipera, ex Hieroglyphicis Ægyptiorum. In impudicas mulieres. ibid.

Bos super linguam. In proclamatores fori. ibid.

In lapidem Tirreum. Concordia fratrum. ibid.

In molles. 333

In Diogenem. ibid.

In trochum. Lis litem generat. ibidem

In elatos. ibidem

Ferè idem, in πνεῦμα. ibid.

In ritum veteris sacrificij. Silentium & pax in matrimonio. ibid.

In Hyenam. Ab adulatoribus fugiendum. 334

Turtur. In præproperas nuptias secundas. ibid.

Ad verus Astrologorum in Ægypto tributum. In nostrates medicos prognosticorum mensularios. ibid.

In nostrates mulieres. Auri sacra fames. ibid.

Insignia cruditorum. Ad Ioannem fratrem. 335

In Naphtam ex Plinio. Laus benefactorum comes.

335

Grauitas peccati. ibid.

FINIS.

a iij



1841
1842
1843
1844
1845
1846
1847
1848
1849
1850
1851
1852
1853
1854
1855
1856
1857
1858
1859
1860
1861
1862
1863
1864
1865
1866
1867
1868
1869
1870
1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900

